

# NGENZÈLÙ WA MAALU WA MUPRÒFETÀ MULELÈLÀ



Twasàkidila, Mwanèètù Borders. Tùshaalààyikù ànu biimanyine kuulu patùdì tusambila apa. Ndi ndikonka ne nganyì udi ne dilòmba dilòòlò edi, udikù mwà kwela byanza byèbè muulu kwamba ne: “Mukalenge, mmèmè”? Mpindyewu twinyikààyaaku mitù yètù.

<sup>2</sup> Taatù wetù wa mu Dyulu, patùdì tuumvwa musambu awu wà ne: “Mukalenge, ndi ngiitabuuja,” tudi mwà kwela meeji ku—ku bikondo, pa buloba bujimà, bintùku muwumvwe mu myakulu yàbúngì, “Mukalenge, ndi ngiitabuuja.” *Itàbùùjà Nàka*. Nènku, Taatù, tudi tulòmba bwà kwikalaci citàmbe ne musambu kutùdì dilòòlò edi ne kushàalaci bulelèlà bwà kulenga ne byanza. Swàkù bwà twikalè ne diitabuuja dinène mu Wèwè dilòòlò edi.

<sup>3</sup> Nènku mpindyewu tudi tulòmba bwà èkèleeziyà mukesè ewu, mpaasàtà wendè, Mwanèètù Fuller, musadidi Webè, mwanèètù wa balume utùdì nendè ne dyeyemena. Nènku tudi tulòmba bwà díkù dyendè, beena mudimu nendè kaaba aka, balami, balubuludi, ne bwónsò bàdì bàbwelà mu biibi byà cijila ebi. Tudi tulòmba, Mukalenge, ne necishaalè misangu yónsò ànu cimunyi cyà mudilu bwà Yesù Kilistò.

<sup>4</sup> Bèleshàku bânà bèètù bambi bwónsò bàdì kaaba aka dilòòlò edi, aba bàdì bàbwela ne bàpátuka neetù, mu njila mujimà. Tudi tulòmba, Taatù, bwà Ùbàbènèshèku byà biyiila ne panshi.

<sup>5</sup> Nènku tudi tulòmba, dilòòlò edi, bwà dipòngoloka dyà Bwikadi Bwèbè pambidi pèètù. Tudi mu lukèngelu, Mukalenge. Tudi Neebè dijinga. Tudi ànu ne dijinga díbà dyónsò bwalu tudi kaaba aka mu cyalu cyà mvità, Mukalenge, mùdì mapàngadika ne cyà kwangaciibwa. Nènku tudi tulòmba, Taatù, bwà Wèwè kutùkànkamikakù díbà dyónsò ne Bwikadi Bwèbè. Bìdì bitwènzela bìmpè be, bwà kumanya ne Wèwè udi neetù. Diléje ànu Wèwè mwine ne udi kaaba aka, Mukalenge, díbà adi bìdì bitùkànkamika bwà kutùngunuka ne lwendu. Ondòpàku babèèdì ne bàdì mu ntàtu. Sùngilàku bajimìne. Kolèshaku bàdì batekèshìibwe mu mabòko. Dyǎngàcìlèku Wèwè mwinè butùmbi. Tudi tulòmba nùnkù mu Dínà dyà Yesù. Amen.

Nudi mwà kusòmbaayi.

<sup>6</sup> Ngèèla meeji ne ùvwa n’Davìdì wákamba ne: “Mvwa ne disanka pààkangambilàbo ne: “Tùye mu nzùbu wa Mukalenge.””

<sup>7</sup> Billy mmwambe, ànu katancì aka, mwambe ne: “Papa, kwènàkù udyùm vwa bu mucyòke anyi?”

<sup>8</sup> Mémè ne: “Èyowà’s. Nkààtu ànu mucyòke matùkù àà mwoyi wànyì mujimà ewu.” Bikaadi byenze ne nkàadi mwibidilàngàne naabi.

<sup>9</sup> Mémè kubanga kudyàmbidila ne: “Èè, nkàadi ngènda nkùlakaja bikolè be. Bivwa bikèngela bwà mémè kwanji kutùkijakù ndambù.” Pashiishe muntu kampànda kulwayè mwaba awu, wìpacila ku bidimu makumi mwandamukùlù anyì makumi citèemà, mumònàngàne ne kuteemeshà ànu mudilu mu ditùnga, wìpacila bidimu byànyì ebi misangu ibìdì, nudi bamanyè’s. Mémè kudyàmbidila ne: “Ekèlekèlè! Ndi ndyùmvwà mémè mwinè bundù’s.”

<sup>10</sup> Ku tabernacle kwàka mwètù, kùdi babàka bakesè banunu dyàbo n’Kidd, bàtu bàfùmìna ku Ohio kwaka. Mpindyewu, bwònsò bàbìdì bàdi mu, bushùwa mu bidimu byà, makùmì mwandamukùlù ne bìtaanu anyì makùmì mwandamukùlù ne mwandamukùlù. Ne bàkaadi bakùlákàje bikolè mu mùshindù wà kabàciyìku mwà kubwela mu maèkèleeziyà misangu yàbùngì to, bwalu dyàbò. . . Kabèena ne dìyì dikùmbàne to. Kàdi nudi bamanyè cidìbo bènza anyì? Pàmawè ne mukàbà wònsò wà mèyì. . . Mukàjì mukesè mununu ewu wàkalama dikùtà dyèndè ne kusumba cisanji cìkwàci cyà mikàbà yà mèyì. Ne pa nàнку ùdi upeta mukàbà wà mèyì. Ndi mmutùmìna mikàbà yà mèyì. Ne yèyè neàngatè mikàbà yà mèyì eyi, ne neàye ku mpìtaadi, kwònsò kùdiye mwà kutèeka cisanji cìkwàci cyà mukàbà wà mèyì ewu aku, yèyè ne bàyèndè mukesè mununu awu, bèela mikàbà yà mèyì ayi. Ne pashiishe nèmmutùmìnè muvùngu munènè wà—wà tulàmbà twà disambila tùntù musambidìle. Ne ku musangu ne ku misangu ùdi ànu ne: “Mwanèètù Willy, cyàkàbìdì tululù twà disambila ntumpangike.” Nènku dìbà adì pàntù mbamòna, ùdi mwà kubwela mu èkèleeziyà, ne nsuki mitòòke mikesè kumutù, écharpe mukesè mu nshìngù; ne mulùme, mukwàcikwètù wa mubidì mukesè menemene.

Kùkaadi bidimu bu bìnaayi anyì bìtaanu nàнку, pàmvwà nsanganyiiibwa ku. . .

<sup>11</sup> Dìna dyà mwine mwaba awu mu Ohio mwàmwa kaayi apa’s, mùtùbo bènzela mpungilu awu ku cidimu cyònsò? Bàdi bàcìbìikila ne n’Chautauqua. Kàdi ngápù mwoyi mpindyewu. Cìdi mwaba kampànda muntwamu. Kàdi cìdì dī—dīnà dyà cimenga aci, Ncyèna mwà kucivùluka to. [Mwanèètù wa balùme kampànda ùdi wàmba ne: “Franklin.” Mwanèètù wa bakàjì kampànda ùdi wàmba ne: “Miami, lwà mu Middletown.”—Muf.] Mpindyewu, cìdi, nudi pabwìpì menemene mpindyewu. Muntu kampànda ùvwa wàmba ne tudi tupicila buludi mu Miami. [Mwanèètù wa balùme awu kwamba cyàkàbìdì ne: “Franklin.”] Nènku m’pabwìpì ne Franklin. Èyowà. Ncyà bushùwà. Ànu mu. . . Ngèèla meeji ne n’lwà pankaci pàà Franklin. . . [Bànà bèètù bàà balùme bàbìdì bàdi bàmba ne: “Middletown.”] Middletown. Kì cyòci aci. Ncyà bushùwà. Pa nàнку, ncyà

bushùwà, mu Middletown, lwà ku musulu kwàka, nàнку lwà ku myaba myalàbàle yà mu Chautauqua kwaka. Aci's ke mpwilàmàmbù munène wa manàyi, à ndundu wa bibòndo awu.

<sup>12</sup> Nènku mwanèètù wa balùme ewu, kaa, ndi mumumanyè kùkaadi bidimu, ne Mwanèètù mukùlumpe mukesè Kidd ùdi, kaa, ngèèla meeji ne ùvwa ne mvùla makumi mwandamukùlù pààkayabo nendè kuntwaku apu, ne bangàngàbukà kusanganabò ne mpàci yèndè yà mènysi yikaavwa mishààle byùjà byà kànsère. Nènku ke cyùjà aci cikaavwa ànu cimujìngile. Èè, kwambabò ne bìvwà bìkèngela kupandiibwaci. Pa nàнку pààkamukàngulàbo: “Mòna's, kakùyi dikwàcisha bwa kumupandabò to. Disaamà dikaavwa ditàmbe kuya kule.” Nwamònu anyi? Kwambabò ne: “Kakwèna mùshindù wà kucyènza to, nànsha kakesè.” Èè, kwalukilabo ne mukwàcikwètù mukesè ewu kumbèlu. Nènku, dimupanda, òvwa dikolè bwà muntu mununu wa bidimu makumi mwandamukùlù. Nènku ùvwa ànu ne bujitu bwà bwìpacila, kaa, ngèèla meeji, bushààdile ku kilò makumi ànaayi ne yitaanu.

<sup>13</sup> Pa nàнку, Mandamu Kidd kubìikilaye ku tèlèfonè, kuntwaku. Nèivwa mfikilakù kumbèlu ngùmukila ku mwaba kampànda. Mwanèètù Kidd ùvwa ùpunga ne lufù. Ki yèyè ne: “Mmuswè kukumòna, Mwanèètù Branham, kumpàlà kuya wèwè. . . kumpàlà kwà kuumukayè.” Èè, mémè ne Billy twètù kukùdimuka. Tuvwa bapetè mu—mukenji, dilòòlò kampànda, lwà pa dìbà dikùmi. Twètù kwasa lwendu, pààkacyàbu mu dindà, bu pa dìbà inaayi nàнку awu. Bwalu, pa dìbà nkànkàlà ditùkù òvwa dilonda, bìvwà bìkèngela bwà mémè kuumuka cyàkàbìdi. Nènku twètù kwamba kutaayisha nkàtà yà kàshinyi kèètù, batàngile kuntwaku.

<sup>14</sup> Mukwàcikwètù mununu mukesè, kumubiishabò pangààkafika kuntwaku. Nènku ùvwa ne kaa écharpe kakesè pa makaaya èndè apu, musòmbe mwaba awu bu nkambwà mununu. Kungenzelabi cintu kampànda. Kadi pangààkayà kumutàngila, kukenzakanayè.

<sup>15</sup> Kùvwa inàbànza mukwàbò mununu musòmbe mwaba awu, ùvwa umwe wa ku bidimba byà èkèleeziyà wendè kacya ànu wàyiisha ku mikùnà, mu ditungà dya makàla mu Kentucky, muvwayè ùsukwilangana bilàmbà bwà meeyà dikumi ne àtaanu ku ditùkù, bwà kutùmaye bayèndè mu madimi à bwambi bwà kuyiishaye Èvànjeeliyò. Aci's civwa mbidimu bitwè ku dikumi kumpàlà kwà mémè kulediibwa; mwikàle ùyiisha Mukenji! Ki kukènzakanayè, ne kumubiikilayè ne “kaakù mukàji,” eku yèyè ne bidimu makùmì mwandamukùlù. Nènku yèyè mukàji awu ùkaavwa mumanè kupita pa bidimu makùmì citèemà. Ki yèyè ne: “Kaakù, udi umweka mutòòke bu nèjè.”

<sup>16</sup> Mémè kudyàmbidila ne: “Awu ke mùshindù wà mwambi kutàngilayè bàmwè bàà ku beena mu disangisha dyèndè,

mulaadika mwaba awu, musòmbe mwaba awu, ùpùnga ne lufù. ‘Kaakù, udi umweka mutòòke bu nêjè.’” Èyowà’s.

Ki kwelayè mèsù paanyimà. Kwambayè ne: “Mmwanèètù Branham anyi?”

Mémè ne: “Èyowà’s, Mwanèètù Kidd?”

17 Yèyè ne: “Èè, ngèèla meeji ne kakwàkunènga ntàntà mule to Yèyè kàyi mumpwekeshile dikalù dyànyì dyà mvità adi.” Yèyè ne: “Ndi mbànda, mu dindà emu.”

18 Ki mémè kwamba ne: “Bilenga be, Mwanèètù Kidd.” Mémè ne: “Ki mùshindù wà kudyùmvwa ngwòwò awu.”

19 Nènku Mwanèètù wa bakàjì Kidd mununu mukesè awu, mbanganyì bàdi bamumanyè, munwemu emu? Èyo. Ndi mumanyè, kaa, nwènù bààbùngì nutu babàmanyè. Ki yèyè kwamba. . . Yèyè ne: “Kàdi, Mwanèètù Willy, kwènàku pèèbè wela meeji ne Nzambi mmufwànyine kwondopa papa mpindyewu anyi?”

Mémè ne: “Bushùwà’s, Ùdi mwà kumwondopa.”

20 Ki yèyè ne: “Èè, butùmbì kùdì Nzambi’s wè!” Yèyè ne: “Yèyè muswè kungondopa,” yèyè ne, “ndi—ndi pabwìpì bwà kukwàta cyàkàbìdì mudimu.”

Mémè kudyàm̀bidila ne: “Bidimu makùmi mwandamukùlù!”

Mémè kubanga kutwa binù. Ki cikèènà-kumòna cìlwalwà eci pwàà. Ncyòci aci.

21 Paanyimà pàà matùkù àbìdì, kuyabò nendè ku lùpitaadi. Bàna bèndè bàà balùme bàvwa mu bampùlushì mu cimenga amu. Kabàvwa mwà kucyùmvwa to. Kwalukilabo nendè kùdì ngàngàbukà. Ki ngàngàbukà kudikoonyayè mu mutù, kwambayè ne: “Mwabìlaayi, kakwèna nànsha kashoonyi kàà cyòci aci kàndi mwà kupeta mwaba nànsha wùm̀wè to, mpindyewu, ndondèlaaku bwalu bwèbè bùdi bishi.” Ne d̀bà adi kuswàye kuupula lùpitaadi. Kwalukilayè buludi ne cisanjì cyèndè cìkwàci cyà mikàbà yà mèyì aci, s’ke yèyè ulwàlwà ewu, wènda wèla Mukenji. Kàdi mbasòmbele kwàka ku. . . Nènku ànu kuntwaku pabwìpì ne Chautauqua lwà kuntwaku.

22 Mpindyewu, pàndi ànu mbanga *Bitampì Mwandamutekète*, mutwàkenza pa *Bikondo Mwandamutekète Byà Èkèleeziyà amu*, kumbiikilayè dilòòlò adi, kwambayè ne: “Èè, munanga wanyì, ngìkalakù ànu ne mfrangà ayi’s,” yèyè ne, “ncyà bushùwà ne mvwa muswè kupweka kuntwaku.”

23 Mémè ne: “Lekèlè bwalu’s, Mandamu Kidd. Cibambalu cyèbè—cyèbè cidi ànu cikwindile. Wèwè ne papa pwekàayi’s.”

Yèyè ne: “Mwoyi wèbè mukesè awu wùbèneshiibwè!”

24 Nènku aci cidi ànu cyènza ne ndyùmvwè b̀mpè byà menemene, nudi bamanyè’s, bwalu bàdi bànkànkamika. Ne bidimu makùmi mwandamukùlù ne bitaanu anyi

makùmi mwandamukùlù ne bisambòmbò, kàdi baciikàle ànu batùngùnùke. Pashiishe mèmè, ndyàbakeena kaaba aka, ne bidimu makùmi àtaanu ne bisàtù. Pa nàнку, ekèlekèle, s'bidì bikwenza ne ùdyùmvwè bu mupetùlùle bukìtù.

<sup>25</sup> Èè, tudì ne bipìte búngì byà kwakula, ne musùmbà mulenga wà kubyàmbìla's, mòna's, tudì bafwànyìne kushààla ànu kaaba aka cyàbìbidì cijimà cyà bufùku.

<sup>26</sup> Kàdi's bidì bikèngela bwà nwènu kuya mu kàlaasà kàà Dyàlumingu mu dindà mpindyewu. Mpindyewu, nudi ne cyà kwikala batwishìibwe bwà kwenza cyòci aci. Nènku vùlukàayi ne, ntu misangu yònsò ànu ngàmba ne, kakùyì mpatà to mmpèkaatù bwà kutùma bânà bèènu mu kàlaasà kàà Dyàlumingu. Kashidi kanwènjikù nàнку to. Mbìbì. Kabàfilaaayi, misangu yònsò. Nwamònu anyi? Ndàayi naabò misangu yònsò. Yèyè. . . Ne pa nàнку, mpindyewu, aci's mmu dindà.

<sup>27</sup> Nàнку, mpindyewu, byòbì bikèngela bwà wèwè kupùmbisha mudimu, bwà kutèeleja, kwikala neetù ne kusambila neetù, ne bikwàbò, bikèngela ùpangilè mudimu, abi's mbìmpè. Ndàaku kumpàla ne pùmbishà ku mudimu, kàdi kùpùmbishikù mu èkèleeziyà to. Kùpùmbishikù mu èkèleeziyà to. Ncyàdyàkunufikisha pashiishe ndambù bwà kupùmbisha mu èkèleeziyà nànsha. Kàdi byòbì bikukèngela bwà kupùmbisha mudimu, ku musangu, abi kabyàkwenza bibì to. Mpindyewu, bwalu, mudimu, aci's cidì ànu dyàmpà dyèbè dyà ku ditùkù ne ku ditùkù, nènku, wèwè, Mukalenge mmulaye bwà kukukùmbajila aci. Pa nàнку, kàdi, eci, ncyà bushùwà ne udi ne cyà kwikala mutwishìibwe bwà kulwa mu èkèleeziyà. Nudi numòna anyi?

<sup>28</sup> Ngèèla meeji ne, màalabà mu dindà, ndi ne mwanèètù kampànda mukwàbò mwìmpè kaaba aka mu cimenga emu. Kàdi ncyèna mumanyè dìnà dyèndè mpindyewu to. Ndi ngèèla meeji ne bàdi bacibìikila ne ng'Èkèleeziyà wa Bàpostòlò awu, anyi Èkèleeziyà wa Bàpostòlò's wè, èyowà. Ng'Èkèleeziyà wa Bàpostòlò. Ndi—ndi mufwànyìne kumanya mwanèètù awu. Dìnà Dyèndè kadyèna mu cibèjibeji to. Kàdi ncyèna—ncyèna mumanyè ne mwanèètù awu n'nganyì patùdì twakula apa to. Pashiishe màalabà dilòlò, kuntwaku aku. . . [Mwanèètù wa balùme kampànda ùdi wàmba ne: “Macias.”—Muf.] Wamba ne nganyì? [“Mwanèètù Macias.”] Mwanèètù Macias. Kaa, Macias. Kaa, èkèleeziyà wa beena Mexique. Mmwòmò anyi? Kaa, ki yèyè awu wàkangata kaaba kàà Mwanèètù Garcia pàakuumukaye kaaba aka anyi? [“Cyà bushùwà.”] Bìmpè. Abi's mbilenga byà dikèma.

<sup>29</sup> Twàmbèbi ne, ndi ne mukàndà mumfùndila, mwab'ewu kùkaadi cikondo kampànda, wà kùdì mwanèndè wa bakàji, kuntwaku. . . Mwanèètù Garcia, lwà mu—mu Californie mwàmwa, ùcidi ànu kacya wàkwàta. Pa nàнку, ndi ne kusàkìdila kwàbùngì. Ki mèmè kumòna Mwanèètù wa balùme

ne Mwanèètù wa bakàjì Garcia pâmvwà ku San Jose kwàka, ngèèla meeji, biikàle ne Mwanèètù Borders kuntwaku. Bàdi ànu bilenga. Ncyàdyakupwaku mwoyi malòlò à kuntwaku awu ku kaèkèleeziyà kakesè kàà beena Mexique aku to. Kacya ncìvwaku muumvwe byà “Gloria a Dios” búngì nàнку to kacya bandela. Ncyàdyakupwaku mwoyi: “Gloria a Dios” to.

<sup>30</sup> [Mwanèètù Williams ùdi wàkula ne Mwanèètù Branham—Muf.] Ekèlekèle! Twasàkidila, Mwanèètù Williams. Abi’s mbîmpè. Nkwasa yà kusòmbela cinunu ne nkàmà yìtaanu, mu dindà, mu èkèleeziyà emu. Twàmbèbi ne, bantu bwònsò bálwe kaaba aka, wèwè kùyi uya...Mpindyewu, anjì indilà kakesè. Mbîmpè ngiikalè mudimùke bwà cyòci aci. Mémè kwamba cintu kampànda cyà cibì mwaba awu. To. Ne meeji matòoke wònsò, pawùdì ne cyà kwikala mpa kaaba kèèbè kàà mudimu. Nwamònu anyi? Kanwikadi...Mpindyewu, abi’s mbîmpè.

<sup>31</sup> Nèнку leelù ewu mémè kujandula ne bàdi...Kumòna ntentà. Mvwa nsanganyiibwa lwà kwinshì eku ku Mùsèèsù wà Dikumi ne mwisambòmbò ne wà Henshaw. Anyì, ki cìvwàwù pâmvwà nsanganyiibwamù, muneemu mu Arizona emu, kùkaadi bidimu bitwè ku makùmi àsàtù ne bitaanu, mu njila wa kale wa lupwishi awu. Mémè kuya kuntwaku mwaba ùvwabo bàsanganyiibwa, ne cìvwà mu Mùsèèsù wà Dikumi ne mwisambòmbò ne wà Henshaw. Mvwa musòmbèlemù ne bàmwè bantu, Francisco, ne—ne mpindyewu kwenàku mwà kumanya kiine kaaba aku to. Mbashintùlùle mene ne dìnà. Ngèèla meeji ne ùdi ùbìikidiibwa mpindyewu ne Buckeye Road.

Nèнку, kaa, mùshindù mwinè wùdì maalu àshintuluka’s wè, kàdi Nzambì kàtu ùshintuluka to.

<sup>32</sup> Nàнку awu mvwa nsanganyiibwa kuntwaku ne kumòna mwanèètù wa balùme kampànda mwikale wènta masangisha à mu ntentà. Mwanèètù kampànda kuntwaku uvwa mwàsè ntentà. Mémè kunyunguluka bwà kumòna ní mvwa mwà kumumòna, kàdi ncyàkamumòna mwaba nànsha wùmwè to, bwà kumwambila ne katùvwà mwab’ewu twenda tufwilakana nendè to. Kàdi, kùdi ànu bantu bapite búngì mwab’ewu’s!

<sup>33</sup> Ndi mvùluka Jack Shuler. Eci ncìfwànyìne kwikala cìmpè bwènù nwènù ba—Méthodistes. Pangààkabwela mwab’ewu musangu kampànda, kùvwà nku Madison Square Garden, Jack ùvwà pambèlù apa lwà ku—ku cilongelu citùmbùke aci. Ki—ki mémè kumubiikila ku tèlefonè. Ki mémè kwamba ne: “Mwanèètù Jack?”

Yèyè ne: “Èyo. Ewu m’Mwanèètù Branham anyi?”

Mémè ne: “Èyowà’s.” Mémè ne: “S’ndi ngènda nkulonda mwab’ewu.”

<sup>34</sup> Ki yèyè ne: “To.” Yèyè ne: “To. Mvwa ànu mushààle ntantà mupitèpìte bule kàdi kubwela mu cyèbè cikondo.”

35 Ki mêmè ne: “Kaa, mfwilèku luse, Mwanèètù Jack.” Mêmè ne: “Ncivwa . . .”

36 “Aa,” mwàkambàye—yèyè ne, “abi’s mbîmpè, Mwanèètù Branham.” Yèyè ne: “Bàvwa ànu baswè bwà mêmè kwanji kushààla.”

37 Mêmè ne: “Kaa, cisumbù cyànyì kacyàkukutàcishakù pambèlu pààpa to, twamb’eku twamb’eku, Jack,” mêmè ne, “bwalu pàmwè ne bônso mu cyànyì mbeena Mpenta.”

Yèyè ne: “Mu bushùwà bwà bwalu, nànsha cyànyì pààci.”

Mêmè ne: “Èyo?”

“Mòna’s,” mwàkambaye, “bushùwà’s.” Yèyè ne: “Mêmè ndi mwena mpenta.”

38 Mêmè ne: “Mpindyewu, s’mbîmpè ne Bob kàmanyi aci to.” N’tatwëndè, nudi bamanyè’s. Nènku yèyè ùtu Méthodiste, pèndè, wa kalàndàmùsèngà, nudi bamanyè’s.

39 “Èè,” mwàkambàye, “Mwanèètù Branham, kwènàku mumanyè cidi—cidi mwena mpenta anyi?”

Mêmè ne: “Ndi ngèèla meeji nànkù.”

Yèyè ne: “Mba-Méthodistes bàà ba-Orthodoxes.”

40 Aci’s cidi ànu bu cyà bushùwà, bwà ba-Méthodistes bàà ba-Orthodoxes. Ncyà bushùwà. Bu èkèleeziyà wa ba-Méthodistes mwà kwikala mutùngùnùke ne mukenji wèndè, ùvwa mwà kwikala muyè buludi ne mukuupùke mu mpenta. Èkèleeziyà mu—mulelèlà wàkenza nànkù.

41 To, kî mbwà kudyombola dîngumba dyèbè mpindyewu to, mwanèètù. Nwamònu anyi? Bwalu, mpenta kî mbulongolodi kampànda to. Bààkateeta kwenza nànkù, kàdi ncyà bushùwà ne mbapangilemù. Nwamònu anyi? Cintu’s ndilabula. Èyowà’s. Mpenta ùdi bwà beena Kàtòlikè, anyi—anyi bwà beena Yudà, anyi muntu kanà yònsò udi upeta . . . Mpenta ndilabula, kî mbulongolodi kampànda to.

42 Nènku mpindyewu muntu ne muntu wèwè mwikala ne Bible webè mubuulula, anyi ùcidi mukànga, ne wèwè muswe kubalakù pàmwè naanyi ndambù wa Méyi. Mêmè ntu muswè kubala Díyi, kàdi nwènú? Bwalu, twamb’eku twamb’eku, cindi mufwànyine kwamba cidi mwà kupangila, bwalu mêmè ndi muntu. Kàdi cidiYe wàmba kacyèna mwà kupangilaku to. Nwamònu anyi? “Maulu ne buloba nebìjiminè, kàdi Díyi Dyànyì kadyàkupangilaku to.” Kaa! Abi kî mbilenga bilayà anyi? Díyi Dyèndè kadyàkupangilakù to. Cintu kaayi cyà butùmbi’s wè! Díyi Dyèndè kadyàkupangilakù to.

43 Mpindyewu túbadiilàayikù dilòòlò edi mu, ne twangacilèku cyàdyamba cikesè mu, cingààngatà bu cyena-bwalu, bu Mukalenge mwà kwanyisha. Cidi mmu Mukàndà wà Amòsà, cipròfetà cyà Amòsà. Ne yèyè ùvwa ne mwoyi bidimu bitwè ku

nkàmà mwandamutekète ne. . . Ngèèla meeji ne mbidimu bitwè ku nkàmà mwandamutekète ne makùmi mwandamukùlù ne mwandamutekète kumpàlà kwà dilwa dyà Kilistò. Tùbuululàayi mu nshapità mwi<sup>3</sup> wa Amòsà, Dîyì dyà Mukalenge kùdì Amòsà. Ne mèmè—mèmè ntu munange muntu ewu. Ùtu ubadiibwa bu umwe wa ku baprófetà bàà twánàtwànà, kàdì ncyà bushùwà ne ùvwa ne Dîyì dyà Mukalenge.

*Tèèlejàayi dîyì edi didì MUKALENGÈ mwakule bwà kunüdyùla naadi, Éyì bàna bàà Izalèèlà, mpiishangana ne dîkù dijimà dîngààkapàtulà mu buloba bwà Éjiiipitù adi, ngàmba ne:*

*Nwènu nkàayenu bândì mumanyè. . . mèkù wònsò à pa buloba: ki bwà cinyi nènünnyookè bwà bubì bwènu bwònsò.*

*Bantu bàbìdì bàdì mwà kwendela pàmwè, pàdìbo kabàyi bumvwàngàne anyi?*

*Ntambwe neàkungule mu diitu, pàdiye kàyi ne nyama udiyè mukwàte anyi? kànà kàà ntambwe nekèlele lubila mu bwinà bwàkù amu, kòkò kakàyi kakwàte cintu anyi?*

*Nyuunyi ùdi mwà kumata mu butèyi pa buloba, mwaba ùdi kawüyikù butèyi bumwelela anyi? musùbùla ùdi mwà kupàwula butèyi paanshì, pàdìbu kabüyi bukwàte cintu nànsha cimwè anyi?*

*Mpungi neàdilè mu cimenga, ne bantu kabàyi mwà kukwàcika bwòwà anyi? nekwikale bubì mu cimenga kampànda, kàdì MUKALENGÈ kàyi mubwènzè anyi?*

*Ncyà bushùwà ne Mukalenge. . . kààkwenza cintu nànsha cimwè, pàdiye kàyi mubuulùle minsokontu yèndè kùdì basadidi bèndè baprófetà nànsha.*

*Ntambwe ùdi ùkungula, wabènga kukwacika bwòwà nganyi? Mukalenge NZAMBI mmwakule, udi kàyi mwà kwamba ciprófetà nganyi?*

44 Mukalenge àsakidilèku mabènesha Èndè ku Mèyì aa.

45 Twisù twèndè tukesè tùvwa ne cyà kwikala tukèèpesha, bu mùvwa muunya mukolè wà wòsha wèla nsèsè mu dindà amu ne ùbàlakana mwedi wèndè mutòòke awu ne nsuki yèndè, bu mùvwàye ku lusongo lwà kakùnà kàà ku nord wa Sàmaalèyà kàdì mutàngile ku cimenga aci. Bilàmbà byèndè bìvwa ànu byètù byà patupù ebi's, ne makàsà èndè ne lupwishi ntèntè. Kàvwa mutàmbe kwikala wa kutàngila to, kàdì wàkadi ne EMU MMÙDÌ MUKALENGÈ WÀMBA bwà bantu abu.

46 Mùshindù mwinè ùdibi bishiilàngàne leelù ewu ne butangadiki bwètù bwà cyena leelù ebu's! Ndongolwèlù mushiilàngànepu kaayi utùdì nèndè's wè, kumutàmba yèyè!



47 Kakwàcìkwètù aka, kàvwa mukwàbò muntu to ànu Amòsà, mupròfetà mulelèlè wa Mukalenge, mwikàle ne Dìyì dya Mukalenge, bwà lukòngo lubì alu! Muntu mukèsè wa kàyì bwòwà ewu, wàkamba cipròfetà mu matùkù à Yelòboamà mwibidì.

48 Yelòboamà ùvwa ne meeji matwè, wa meeji matwè bikolè, muntu wa lungènyi, kàdi ùvwa mukuukwidi wa mpingu. Nènku Yelòbamà wàkafikisha bukalenge bwèndè mu katòngòbelà, kàdi wàkadi mukuukwidi wa mpingu. Wàkacyenza mu mùshindù mubì. Kàdi bukalenge bwàkatanta mu bukòokeshi bwà Yelòboamà.

49 Ne, pa ciibidilu, ditanta ditu dikèba mpèkaatù. Bantu bààbúngì bàtu bàtàngila ditanta bu mabènesha. Bìvwa mwà kwikala nàнку, bu twètù mwà kupìta naadì mu mùshindù mujaalàme. Kàdi pa ciibidilu ditu dìfikisha ku mpèkaatù, dìfwisha Nzambì bundù.

50 Bukalenge bùvwa munkacì mwà kusonga nkèlè mu ditùkù dyèndè adi, ne bantu abu. Yèyè ùvwa mwenze cipungidi ne matùngà wònsò àvwa mamunyungùlùkile awu.

51 Kàdi mùshindù mene ùvwa Izalèlèlè mutùkine ne kasuki mu mpèkaatù mubì mutàmbe, muyè kule ne Nzambì, muyè kule ne mèyì Èndè matùma ne tunungu Twèndè, ne mulalùke, yèyè yònsò, bu mwambula pa matelucilu. Bakàjì bènda mu misèesu, balwàtè bilàmbà byàbò bilenga, bipangile bukàlàngà abi. Balùme bènda banyunguluka, bànyà manàya à mfranga bànwà maluvu. Bilààla-benyì byà ku njila minène, mutùdi mwà kucìbìikila leelù ewu, myaba yà dipicishila dìbà, byunzulula bwàshì mu cimenga.

52 Mwambi kàyì ùcyùka mpèkaatù, ànu biibi bishiya bwàshì. Mwaba mulenga kumòna, mpwilàmàmbù munène wa babandidi, kàdi kacya cyàshààla bwàshì. Mpèkaatù kàcìvwa kàbidì ùtandishiibwa ku cyambilu to. Ùvwa mulekelela.

53 Ne pààkalwà cipròfetà eci, cìvwa cìmwèka bu ne kacìvwa cìfwànyìne. . . Ncìfwànyìne kwikala cintu cyà ndekeelu cìvwàku mwà kwenzeka. Bilòndèshile cìvwà mupròfetà ewu mubàmbile, necìikalè cintu cyà ndekeelu cìvwà mwà kubènzekela, bwà mùshindù wàkeelàye lukòngo alu mulawu. Kàdi, nànsha nàнку, mu bidimu makùmi àtaanu, bukalenge bwàbò bùvwa buumùshìibwe ànu menemene pa buloba.

54 Nzambì ùdi wàkula Dìyì Dyèndè. Ne Dìyì dya Nzambì didi mùdi Dimiinu. Nènku pàdiDi dimyaminyiibwa, pàdi mupròfetà ùlwa ne Dìyì dya Mukalenge ne wàkula mèyì aa, bìvwa bikèngela bwà kwenzekawù, pìikalàwu Mèyì à Nzambì. Pàdi Dìyì dya—dya Mukalenge dilaabiibwa, ne Dyòdi n'Dìyì dya Mukalenge, Ndyenzèjìibwe bwà kwangata kaaba Kàadi mu muvù Wàdi.

55 Tudi mwà kuDimòna, paanyimà pàà binunu byà bidimu, dyàngata kaaba Kàadi leelù ewu. Dìdi ne cyà kucyenza, bwalu

Dìdi n'Diyi dya Mukalenge, ne Dyodi kadyena mwà kubùtuka to.

<sup>56</sup> Muntu kampànda ùvwa wàkula naanyi ditùkù adi, wàmba ne: “Genèsè ùdi mupiile, ne matùkù àsambòmbò à bufùki awu, mwàkambàYe.”

<sup>57</sup> Mémè ne: “Genèsè 1 too ne ku (Genèsè) 2 ncintu cishilàngàne kakùyì mpatà to.” Nshapità wa 1 wa Genèsè ùdi wàmba ne: “Ku cibangidilu Nzambì wàkafùka mauulu ne buloba,” citùùdilu. Mùshindù wàkacyenzàYe, ne cikondo cyàakacyenzàYe, aci's nciMutàngile. Eyowà's. Dìbà adi: “Buloba kabùvwa ne mbùngakeenu to, ne munda mutupù,” dìbà adi tudi tubanga kuumuka apu, bwà bufùki. Kàdi: “Ku cibangidilu,” ntoo ne penyì, katwèna bamanyè to. Mamiinu wònsò àkaavwàYe naawù muntwamu pàakakàma màyi, mwoyi kwalukilawù pa buloba kàbìdì, kuwujulula kàbìdì buloba. Ne pàakamyaminyiibwà Diyi dya Nzambì, kawèna cintu nànsha cimwè cidì mwà kuDìpangisha bwà kwenzeka to.

<sup>58</sup> Ne mupròfetà mukesè wa kàyì bwòwà ewu kulwaye kabàmanyi ne mmufùme kunyi to. Cintu cimwèpelè cidìbo batwambile bwàci, ncyà ne yéyè ùvwa mulami wa mìkòòkò. Katwèna bamanyè ne tatwèndè ùvwa nganyi to. Katwèna bamanyè ne mamwèndè ùvwa nganyi to. Katwèna bamanyè mwaba wùdi nànsha umwe wa ku bankambwà bèndè, kantu nànsha kàmwè kàà kùdiye to.

<sup>59</sup> Pa ciibidilu mùshindù awu ke ùdi bantu batùmìibwe kùdi Nzambì bamata mu cyalu. Bàdi bàfùmina ku mwaba kampànda kawùyì mumanya, ne bàjìmina mùshindù wùmwèwùmwè awu. Katùvwa ne mulubù wà bwalu bwèndè to, cyàkenzekà aci.

<sup>60</sup> Muntu munène Yelòboamà ewu, ùvwa wa—wa bukolè bunène bwà mu mutù, kàdi ùvwa ne ditùnga dyènda ditanta, kàdi, diikale mu mpèkaatù.

<sup>61</sup> Ndi ndikonka, ní katwènakù ànu mwà kwenza bu bàdi bàdifwànyikija kakesè ndambù dilòòlò edi ne ditùngà dyètù twètù mene, ditùngà dyètù twètù biine, mu mpèkaatù mùshindù ùdidi ewu. Nànsha nànkù, ditanta, nebàtùpwekèshilè bitàdi, dyàkàmwè, mùndi muumvwè. Mu bushùwà bwà bwalu, muntu kanà yònsò ewu ùdi mwà kubala munkaci mwà milongù amu, masungulangana àlwalwà àà. Kàdi, bikwàbò, ne bintu byònsò bìdì munkaci mwà kwenzeka ebi.

<sup>62</sup> Izalèèlà, bayiishi, baakwidi, ne bukalenge bàkaavwa balekèlè Diyi dya Nzambì paanyimà, ne didyà dya cibàngà. Nènku ke bwà cinyi ditùnga divwa mu ngiikàdilù uvwadi awu, nànsha mwàkadìbo ne baakwidi bààbùngì amu, ne bayiishi bùngì ànu mwabu ni kale. Kàdi bàkaavwa balekèlè Diyi dya Nzambì, bayè kule naaDì. Nènku bitu misangu yònsò ànu mu cikondo aci, mùtù Nzambì ùtùma muntu kampànda wa kabàyi bamanye kùfùminafuminàye to, bwà kucitaayisha kucyàluja

mu njila waci cyàkàbìdì. Muntu kampànda wa kàyì bwòwà neàjuuke ne Dìyì dyà Mukalenge bwà kunyùkusha bantu kubààluja ku Dìyì cyàkàbìdì.

<sup>63</sup> Mvwa ànu munkaci mwà kumòna mwab'ewu. Mvwa mufunde cintu kampànda mwaba ewu, cìmvwà pàmwàpa mufwànyine kuswa kutàpakù disù kàbìdì. Aci's mmu nshapità mwi2, mvensà mwi4. Ndi muswè kucibala. Tèèlejàayi mukwàcikwètù mukesè ewu mùdiye wàkula cyòci eci patòòke.

*Emu mmùdì MUKALENGE wàmba; Bwà matomboka àsàtù à Yudà aa, ne...ànaayi, ke bwà cinyi ncyàkuumusha dinyooka nànsha; bwalu mbapeetule mikenji yà MUKALENGE, ne kî mbalame mèyi èndè matuma awu nànsha, ne mashimi ààbò mmabàfikishe ku cilèma, paanyimà pàà àvwà baatatwàbò bendèlemù awu:*

<sup>64</sup> Nudi bamòne mwaba wùvwà mukenji wèndè wùsanganyibwa anyi? Úcyàluja buludì paanyimà, bwà ne bàvwa bayè kule ne Dìyì dyà Nzambi. Kùdì mubadi kanà yònsò wa Bible, bìdì bikufikisha ku dimanya ne yèyè ùvwa mupròfeta mulelèlè. Yèyè wàkabààluja buludì ku Dìyì, mwaba wùvwàbò badìshindile awu.

<sup>65</sup> Kaa, pàmwàpa èkèleeziyà yàbò yìvwa mitante. Bàvwa pàmwàpa ne nzùbu mimpè. Cimenga cyàbò civwa pàmwàpa cyà cibàlakana kutàmba Phoenix. Kuvwa nku Sàmaalèyà, bu mutùdì twètù bwònsò bamanyè, ùvwa mpwìlààmàmbò munène wa beena ngendu yà dibandila myaba. Úvwa mene kàbìdì, mwaba mulenga kumòna.

<sup>66</sup> Kàdi, nànsha nànku, bàkaavwa bayè kule ne Nzambi. Ke Nzambi kubàtùmina mùsànjeela ewu. Mukenji kaayi wà ditandisha wà kùdì Nzambi's wè! Mupròfeta mukesè ewu kubàpàtulayè.

<sup>67</sup> Mpindyewu, Amòsà wàkapàtukila mu cipèlèlè, mutàngile ku cimenga cyà dibàlakana. Kabyèna bikèmesha to mwàkakeèpelà twisù twèndè tukesè tumupà kùdì Nzambi atu pààkabàndàye ku lusongo lwà kakùnà aku. Yèyè. . .

<sup>68</sup> Kabiyi bu mwena lwendu lwà dibandila myaba nànsha, bainàbànzà's, bwà kwamba ne: "Tàngilàayi numòne disumbà dyà bintu didi bakàji munkaci mwà kwenza to. Tàngilàayi numòne mishindù mipyamìpyà yidìbo naayi munwemu," anyi kabiyi bu mùdì bàmwè bàà ku bantu balùme abu bafwànyine kwela meeji ne: "Binàyidi byà manayi àà mfrangà, ne bikwàbò, bìvwa binène byà dikèma mu cimenga aci," anyi ne bwalu bàvwa bafwànyine kusòmba mu masangu à mùsèèsù bwà kubandila bakàji, dyalakana's.

<sup>69</sup> Kàdi mupròfeta ewu, mèsù èndè àkakèèpela bwà mpèkaatù wàkamònayè mu cimenga aci awu. Kàkakèèpela bwà bintu bìvwàye ùkàcila to, kàdi pa kumòna mwàkadìbo bayè kule

ne Nzambi, bantu bàvwa babiikidiibwe ne basungula abu. Nukaavwaku bamòne mwaba ewu anyi? Yèyè kwamba ne: “Ncyèna mumanyè bakwàbò bantu to pa kuumusha nwènù. Mémè ngwàkanùlombola kunùpàtula mu Èjiipitù, kàdi pashiishe nwènù kuya kule naanyi mùshindù awu.”

<sup>70</sup> Nènku pàvwà mupròfeta ewu, ùfùmina ku balami bàà mikòòkò paanyimà lwà ku nord wa ditùnga aku, mwikàle ne Diyì dyà Mukalenge, mùshindù mene wàkatàngilàye pa cimenga aci. Ùvwa ne cyà kwikala mudikùpùle bisuùlùlù's. Bilàmbà byèndè's bìvwa bikàyàbàle. Ne pàmwàpa kàyì ne mfrangà mikùmbàne bwà kufuta ci—cibambalu kampànda bwà dilòòlò adi to. Kaciwwa cishintulula cintu nànsha cimwè kùdiye to. Yèyè ùvwa ne mukenji wùvwà wùlàkuka kapyà mu mwoyi wèndè, ne ùvwa ne cyà kuwùtwàla. Kaciyi ànu aci to, kàdi dilaabiibwa dyà Nyumà Mwimpè divwà dimutuutè mu cipèèlà mwàmwa adi, divwa dikànge mèsù èndè ku dibàlakana dyà maalu à pa buloba.

<sup>71</sup> Ne musadidi kanà yònsò mulaaba wa Kilistò ewu, mèsù èndè mmafofomija ku bintu byà pa buloba. Kabèèna bà mòna bintu abi to. Kabèèna bàbikèba nànsha. Bàdi ne cintu cimwèpelè: Kilistò ùdi kumpàlà kwàbò. Ki cyònsò cidìbo bà mòna. Kabèèna bàciina cintu nànsha cimwè to. Kilistò ùdi kumpàlà kwàbò. Mukenji ùdi ne cyà kwikala mufikisha kùdì bantu, ne kakwèna cidì cìbii manyika nànsha cimwè to. Kwèna mwà kuCyùmusha mu bwòbò to nànsha ku diboosha. Udi mwà kubèèla mu nzùbu wa lukànu, mu bulokò, cyònsò cyùdì muswè aci. Bàadi bàpàtukamù buludi kàbìdi. Awu's mmulaaba maanyi wa Mukalenge. Èyowà.

<sup>72</sup> Yèyè wàkatàngila pa kanyawù kàà mu nyumà kàà cimenga aci, kanyawu kàà nsòmbelu wa masandi, ne kanyawu kàà mu nyumà kàà cimenga aci aku.

<sup>73</sup> Ndi ndikonka ne mbasadidi bàà Mukalenge bùngì kaayi, bàdi bàkòsolola ku mukùnà eku, bàdi bafwànyine kutàngila pa Phoenix? Nudi nulwa mwaba ewu bwà dibàlakana, ne muunya, ne diikisha, citùdì katùyi mwà kwakula tupeepeja to.

<sup>74</sup> Ànu àbìdì àdì panshi aa, musangu musààle wùmvwà mwaba ewu, musòmbèle pa Mukùnà wa ku Sud, ne mukàjàanyi udi musòmbè lwà paanyimà apu awu, Mwva nyiikilangana nendè. Mémè ne: “Kùkaadi bidimu bitwè ku nkàmà yisàtù anyi nkàmà yinaayi mu cibandabanda amu mùvwa mwaba mulenga wà dikèma, kakùyì mpatà to, pàakapicilà Salt River lwà mwab'ewu, ne mibwàbwà, ne bikwàbò, ne dyela dyà bilòngò dyà ntùlu. Tàngilàayi mùdici. . . Cintu cyònsò mu kaabujimà ncilwè cinkùtunkutu cyà mpèkaatù.”

Ki yèyè ne: “Èè, dîbà adi cidì cìkufikisha apa ncinyi?”

<sup>75</sup> Mémè ne: “Cidì cimfikishà apa ncyòcì eci. Nànsha mu mîdimà yàcì ne mu mpèkaatù udi mu cimenga awu, kùdi àmwè majaanika à Mukalenge, mpìngù yidì ne mwoyi yà Kilistò, kuntwaku. Ndi mulwè kwelangana naabò dibòkò, bwà

kukenkesha Bukênkè bwà Èvànjeeliyò. Bàmwè bàà ku bàna bèètù bakesè bàà kale bàà mu disangu dyà mùsèèsù mwàmwa mu mwaba kampànda, bàvwa bakwàte wàbù mudimu, ne batwè naawù ne ku cibùngùbùngù, ne bèèle mbila bacisambidile, biikale ne mukenji pa mwoyi wàbò. Ndi mulwè bwà kwela cyànyì pàànyì citùpà pàmwè naabò, bwà kukenkesha Bukênkè bwà Èvànjeeliyò wa Yesù Kilistò udi kàyì musopakaja ewu mu citùpà cinène cyà cishidimùke cyà cimenga cyà Phoenix eci.”

<sup>76</sup> Mwômò amu, nànsha nàнку, ncifwànyine kwikala mwaba mulenga wà dikèma; bu muntu mwà kwangatakù ànu byenzedi byèndè byà bulòbò bìvwàye mukùmbàne mwà kwenza abi, bwà kwibaka nžùbu milenga kumòna bu mùdi mu Camelback Mountain mwàmwa, mu Cavalier Mountain amu. Pàndì mupicilemù, mòna's, kukaadi bidimu makumi àsàtù ne bitaanu, s'civwa ànu cipèèlà cyètù eci. Tuvwa twipatangana ne mpundà kuntwaku babànde pa tùbalù. Nènku lwà pa South Mountain apa, twipatangana ne mpundà ne tùbalù.

<sup>77</sup> Kàdi mpindyewu cikaadi cilwè cipaapu cinène cishidimùke cyà cimenga cinène cilenga cyà dikèma eci. Cìdi cyènda cìdyunda too ne mu binunu dikumi kuvudija ku binunu. Ncyalàbàle, mu mùshindù wà ne mpindyewu kanyawù kasungùlùke kàà bimenga nkacitwàle mu cimvundù cinène. Mìshì minyangi yà cibwàshibwàshì yìkaadimù. Citaleela cyènù ncibi ànu mùdici mu Jeffersonville, mu Indiana amu, mu Cibandabanda cyà mu Ohio. Dikòkà dyà màyi. . .Muntu ngutu misangu yònsò ànu ùkooyisha buloba. Pàvwà ba-Indiens naabù, s'ùvwa mmwaba mulenga wà dikèma. Kàdi pààkalwàmu muntu mutòòke, wàkatwàlamù mpèkaatù yèndè, ne maalà à cicyampa, ne nsòmbelu wa masandi. Nènku mmukooyishe malaba awu mu mùshindù wà ne mmashààle ànu ciinà cyètù cyà nkumba eci. Cintu kaayipu cyà kutàngila's wè! Nzambi neàcikùpùlè pa mpàla pàà buloba, òmwè dyà ku matùkù aa.

<sup>78</sup> Ne Yéyè ùdi ùsungula cisàmbà, mu bwakàne, ciikala mwà kukòòkesha pa buloba, bu mùdiYe ùkòòkesha bu Mfùmù. Ùdi mpindyewu munkaci mwà kusungula cisàmbà Cyèndè bwà Dinà Dyèndè, cisàmbà bwà Bukalenge Bwèndè.

<sup>79</sup> Mpindyewu, musùmbà wa meeji matwè wà Izalèèlè ewu, wà lungènyi, wà mamanya à mu mutù ewu, mfùmwbò munène, wa bukolè, wa mamanya à mu mutù, anyi, mfùmù, Yelòboamà, uvwa muntu wa meeji matwè awu, nènku, bavwa bafwanyine kuumvwa mupròfeta mukesè, udi kàyì mumanyike ewu anyi? Mukenji munène, ùdi ùlàkuka kapyà mu mwoyi wèndè ewu mmufwànyine, yéyè mmufwànyine kufùdisha bwà kwenda mu misèèsù, ne bantu bafwanyine, bakàji bafwanyine, kulwàta bwòbò biinè bilenga cyàkàbidì, balùme mbafwanyine kulekela binwinyi byà maalà ne myaba yà mpèkaatù, ne kwalukila kùdi Nzambi ku diyiisha dyà muntu mukesè, udi kàyì mumanyike ewu anyi? Aci's civwa ndukonko lùvwà lufwanyine kwikala

lumulwile mu meeji èndè, anyi lùdì lundwile mu àànyì mèmè emu, pàndì mmumòna mwimàne mwaba awu, ne mutù wèndè mukesè, wà dibàla mwikàle wèngelela ku dîbà. Mwedi wèndè wà mvyà awu mulembelejila ku cinkooci cyèndè aku. Ùpwekesha mèsù kuntwaku, ne ùtàngila pa cimenga aci, ke mèsù èndè kukèèpela, ne mwoyi wèndè kutuutawù.

<sup>80</sup> Kàdi nànsha nàнку, mwômò amu, wàkamòna Bukalenge bwà Nzambi, bùvwà ne cyà kushindamijiibwamù, butùkija bwònsò mu mpèkaatù. Ne ku ditàndisha dyà kùdì Nzambi, didì difwànyine kutàndisha kwangacila ku mfùmù too ne kùdì mulombyanganyi wa kàà pa luse mu mùsèèsù, mwakwidi yònsò, muyiishi, mfùmù, mulombodi wa bukòokeshi bwalàbàle, mukòokeshi, cyònsò civwàye aci, ùvwa ne mulawu wà Nzambi wà kubèèlayè. Bwalu bwòbò. . . Nudi bafwànyine kwela meeji ne bwòbò mbafwànyine kumwakidila. Kaa, mbafwànyineku kucyumvwa anyi?

<sup>81</sup> Vùlukàayi ne, yèyè kàvwa ne mukàndà wà dyakidiibwa naawù to. Wàkalwa mushiilàngàne ne batangadiki bèètù bàà leelù ewu aba's. Kàvwa ne mukàndà wà dyakidiibwa naawù wà kùdì baakwidi to. Kabàvwa nànsha bamanyè ne mwinè mukwàcikwètù awu ùvwa nganyi to. Kàdi kùvwa Kampànda uvwa mumanyè ne yèyè ùvwa nganyi. Ki Yèyè wàkamutùma awu. Ke cyònsò civwà ne musinga aci, bwèndè yèyè, bwà mùvwàye ànu mumanyè kùvwàye muumùkile bwà kutùmiibwa. Bìvwa bikèngela bwà mukenji wèndè kupàtukawu ànu mùshindù ùmwèumwè awu, ne nànsha byà munyi.

<sup>82</sup> Yèyè kààkadi ne mikàndà yà dijaadikiibwa naayi yà cyena dīgumbà bwà kumutwa nyama ku mikòlò pààkabwelàye mu cimenga amu nànsha, bwà kulwa ku nsangilu wa bambi, kwamba ne: “Bànà bèètù wanyi, ndi mutùmìibwe kùdì kasùmbù kampànda aka, kasùmbù kàà batèndeledi aka. Mèmè ndi wa mu *cikampànda-cikansanga*.” Yèyè kàvwa ne abi to. Kàvwa nànsha ne cimwè cyà ku bintu abi to. Anyi kàvwa nànsha ne kartà kàà buumambàlà bwà kuleeja ne ùvwa mene mu dipetangana dīmpè ne nsangilu wa bambi wa mu ditùnga divwaye mufùmìnè. Kàvwaku ne wa kumwela mu dibòkò bwà kampanyè kèndè to. Yèyè kààkakonkakù nànsha ní nganyi ní nganyi bwà bwalu abu to.

<sup>83</sup> Mukwàcikwètù mukesè ewu ùvwa mwimàne mu mwaba wà bwalu bukolè. Bìvwa mwà kwikala bikùmbàne bwà muntu kukùdimuka ne kwalukila, bwà kwangatulula cisùmbù cyèndè cyà mikòòkò cyàkàbìdì, kuyàngacila pàvwàye muyiishiile apu, bu wìkala ànu mwele meeji bīmpè.

<sup>84</sup> Kàdi, nudi numòna's, muntu awu kààkeelakù meeji kasunsa nànsha kàmwè to. Kààkeelakù meeji ku mikàndà yà dijaadikiibwa naayi to, anyi mene kààkeela meeji ku kartà kàà buumambàlà nànsha. Yèyè wàkeela meeji ànu ku

cintu cimwèpelè, ne ciine aci cìvwa n'Dìyi dyà Mukalenge. Nzambi ùvwa mumupèesheDì ne bujitu kampànda, bwà ne ùvwa ne cyà kuya kuntwaku ne kwamba cipròfetà. Aci cyònsò kacýàkashintulula cintu nànsha cimwè kùdiye. Yèyè wàkadi ne Dìyi dyà Mukalenge, nènku ke bwà cinyi wàkadyumvwa ne kabìvwa bìmukèngela mikàndà yà dijaadikiibwa naayi to, anyi mukàndà kampànda wà dyakidiibwa naawù, anyi dyediibwa dyà mu dibòkò kampànda to. Cintu cimwèpelè cìvwa cìmukèngela, cìvwa cyà ne, ùvwa ne dimwela dyà mu dibòkò dyà kùdi Nzambi, ne ki cyònsò cìvwa cìkèngelà aci's. Bu muvwàye mu diswa dyà Mukalenge, ndishìilangana kaayi dyàkenzàci? Bu mùvwàye mumanyè ne mukenji wèndè ùvwa wà kùdi Nzambi, Nzambi ùvwa mwà kushindika mukenji awu. Bivwa bikèngela ànu Yèyè kuwùshindika.

<sup>85</sup> Ne pàakatwàlàyè mukenji, bìdi bìmwèka bu ne nkufwànyine kwikala baakwidì bwònsò, ne bayiishi, ne bapròfetà bàà cikondo aci, bàvwa mwà kwikala balwè ne banyingàlèle, bwalu bàvwa mwà kwikala bamòne ngiikàdilù wa pa mwaba awu, bamòne dikooyika dyà maalu àà bukàlàngà. Kàdi pàakabangàye kwamba cipròfetà ne Dìyi dyà Mukalenge, Divwa cintu cyenyi kùdìbo. Kabààkamanya kantu nànsha kàmwè pa Dyòdi adi to.

<sup>86</sup> Ncimfwànyì cyà cyòci aci leelù ewu. Mmwenyi, mukenji wà Mukalenge's! Èkèleeziyà kì mmumanyè kantu nànsha kàmwè pa bwalu abu to. Pàdìbo bùm vwa bantu bàjuuka kuulu bàfila mukenji mu myakulu myenyi, ne bàfilakù dyandamuna, kàdi bàmba ne cintu kampànda cìdi cyàmba kwenzeka, bantu bàkudimuna mutù ne kukwàta njila kuya; beela meeji ne bantu abu mbapàle. Bàdi bamòna muntu kampànda ujuuka mu Nyumà wàmba bipròfetà, anyi ufila mukenji wà kùdi Mukalenge, mòna's, bantu bàà mu bukwantèndeleeu leelù ewu bàdi bèela meeji ne muntu awu mmujìmije lungenyi lwèndè. Cìdi cyenyi kùdìbo, bwalu bàdi mu ngiikàdilù ànu umwèumwè awu, leelù ewu, bu mwàkadi Sàmaalèyà mu ditùkù adi.

<sup>87</sup> Kàdi, vùlukàayi ne, pàdi matunga àbwela, anyi èkèleeziyà wa Nzambi ùfika misangu yònsò ànu mu ngiikàdilù awu, Nzambi ùvwa mukumbàne mwà kujuula mupròfetà ne Dìyi dyà Mukalenge bwàbò bwòbò. Cyà bushùwà.

<sup>88</sup> Bàkaavwa bacipwe mwoyi, ànu kale awu. Kàdi bìvwa bikèngela bwà bwòbò kwikala bavùluùke, nànsha byòbì ne bàvwakù mwà kutàngila mu mikàndà yàbò mwònsò amu, ne kumòna ní bàvwa ne muntu wa ku bilongelu byàbò, dìnà dyèndè Docteur Amòsà, anyi to. Bìvwa bikèngela bwà kumanyabò, ne: "Nzambi wa Abraham ùvwa ne bukolè bwà ku mabwe aa kjuulayè bàna, anyi bapròfetà, bwà kutwàla Dìyi Dyèndè."

<sup>89</sup> Nènku Nzambi umwèumwè awu ùdi ne bukolè dilòlò edi ànu mùvwàYe musangu awu amu. Nènku bìvwa bifwànyine, bushùwà, kwikala kabiyi byumvwa bimpè kùdi bantu to. Yèyè

ùdi mwà kujuula bantu, kulaaba bantu maanyi, bwà kutwala Dìyi Dyèndè. Yèyè ùdi mwà kutèèka Dìyi mu muntu, kumutùma, ne kujaadika ne Yèyè ùdi Nzambi, ku muntu wíkala mwà kudipwekesha yèyè mwinè awu ne kudilambula kùdì Nzambi, kàdi kàyì ne bwòwà bwà kukwàta Nzambi ku Dìyi Dyèndè nànsha. Yèyè ùdi ne bukolè bwà kwenza nànkù, ne Yèyè neàcyènzè. Yèyè ngwàkalaya ne Neàcyènzè.

<sup>90</sup> Ne Mèyi Èndè, mu bushùwà bwà bwalu, àkashindikiibwa kùdibo mu ditùkù adi. Bwalu, pàcìvwà ànu lukòngo lùmwellùmwe alu luciikàlekù, byònsò byàkambà Amòsà mu cipròfetà byàkenzeka.

<sup>91</sup> Ndi ndikonka leelù ewu, mpindyewu ne, bu Amòsà mufwànyine kulwa kutùdì, tudikù bafwànyine kumwakidila leelù ewu anyi? Phoenix ewu mmufwànyineku kwakidila Amòsà anyi? Byòbì byenzèke ne mwaba kampànda dyàmwàmwà dyà mukùnà ewu, mu mwaba kampànda, anyi lwà kwìnshì ku citùpà kampànda cyà ditùnga, kulwaku mwabilaayi mukesè, mulwàte bilàmbà bikàyàbàle mùshindù awu, ùbwela mwab'ewu ne wàluja bambi ku bulongàme, wàmba ne: “Ndi ne Dìyi dyà Mukalenge,” nudi nwela meeji ne tudi bafwànyine kumwakidila anyi? Nànsha kakesè.

Cintu cyà kumpàla citùdì bafwànyine kumukonka ncyà ne: “Udi wa mu kasùmbu kaayi?”

<sup>92</sup> Kàdi bu yèyè mwà kukùdimuka, kwamba ne: “Kasùmbù kàà mu Dyulu?” Aci's ncifwànyine kwikala cyenyi kutùdì, mèmè ndi ncìina.

<sup>93</sup> Kàdi mùshindù awu ngùvwàbì mwinè musangu awu. Ne pàmwàpa bìdi mwà kwikala mùshindù ùmwèùmwe awu leelù ewu bu Amòsà mwà kumata mu cyalu.

<sup>94</sup> Twànjàayibi, ànu bwà bwalu bwà cìmvwà mwàmbè, kumwambula kulwa nendè mwab'ewu, ànu bwà tusunsa tukesè cyanàànà, bwà tùmonè citùdì twela meeji ne mmufwànyine kwenza. Nudi bamanyè cidiye mufwànyine kwenza anyi? Ngèèla meeji ne yèyè mmufwànyine kubèngangana ne ndongolwelu wetù mujimà. Èyowà's, mukalenge. Yèyè's mmufwànyine kubèngangana ne malongesha ètù à cyena màngumba. Yèyè mmufwànyine kupiisha ba-Méthodistes, ba-Baptistes, ba-Presbytériens, ba-Luthériens, beena Kàtòlikè, ne beena Mpenta. Yèyè mmufwànyine kubwejamù cintu cyònsò nkòong. Ncyà bushùwà ne ke cyènzàye. Yèyè's mmufwànyine kubèngangana ne malongesha àbò à cyena màngumba awu. Yèyè's mmufwànyine kuya buludi ku nshindameenu mushitàme wa Dìyi, ne kutwàdijila ànu pa Dìyi adi. Úywa mufwànyine kubangila kàmpanyè kèndè pa EMU MMÙDÌ MUKALENGE WÀMBA.

<sup>95</sup> Mòna's, mòna's, nwènù nudi nwela meeji ne Phoenix mmufwànyine kumwakidila anyi? Nudikù nwela meeji ne



Louisville mmufwànyine kumwakidila anyi; New York, Boston, Massachusetts, anyi ní mpenyi pònsò pàdici cifwànyine kwikala apu, Californie anyi? To, mukalenge. Mbafwànyine kwela kakwàcikwètù aku mu bùlokò ànu ne lùkàsa lwònsò ne mwàbo mwònsò mùdìbo mwà kumwelamù. Ncyà bushùwà ne ke cyènzabo. Nebàcyenze cyà bushùwà. PìikalàYè mwalùkile ku Dìyì, ndi mutwishiiibwe ne mbafwànyine kucyenza, bwalu cisumbù cyònsò ncifwànyine kubènga kupetangana nendè. Kakùvwa kufwànyine kwikala muntu nànsha umwe wa ùpetangana nendè to, bwalu bìdi bikèngela kushààlabo bakwàte ku bilèlè byàbò bwà kubènga kupetangana ne Dìyì.

<sup>96</sup> S'bvwa bikèngela twètù kuvùluka ne yèyè mmupròfeta mulelèlè. Bu ne yèyè ùvwa mupròfeta, ne bu ne yèyè ùvwa mupròfeta mutùma kùdì Nzambi, yèyè mmufwànyine kwikala cimanyinu bwèndè, cimanyinu cimwèpelè cisungùlùke citùdì tumanyina ne yèyè mmupròfeta: ùvwa mufwànyine kushààla ne Dìyì. Bwalu, ki kwàkalwa Dìyì dyà Nzambi, nkùdì bapròfeta.

<sup>97</sup> Nudi bamanyè cidiye mufwànyine kwenza anyi? Yèyè's mmufwànyine kutònoka ne kupiisha lukòngo elu. Mmufwànyine kupiisha mukàji yònsò udi ne nsuki mibèbula mu ditùnga awu. Mmufwànyine kupiisha muyiishi yònsò wa cyena màngumba. S'ncyà bushùwà nànkù. Mmufwànyine kupiisha munù yònsò wa mfwankà, mukàji yònsò uvwa muvwàle tupùtulù anyi mpanù. Yèyè's mmufwànyine kubasùnsulula bipese. Bwà cinyi? S'ncibèngàngàne ne Dìyì. Cyà bushùwà menemene.

<sup>98</sup> Nudi nwela meeji ne tudi bafwànyine kumwakidila anyi? Nànsha bishi. Kì mbafwànyine kumwakidila to.

<sup>99</sup> Yèyè's mmufwànyine kupiisha beena masandi bàà mu èkèleeziyà. Mmufwànyine kunyùkusha kaamunu kakesè kàà minyèngù aku mu mpàlà mwà bayiishi abu kwamba ne: "Udi muswè kungambila mùdi udibiiikila musadidi mwela maanyi wa Nzambi, ne kwimana mu cyambilu kàdi ulekela bakàji bèènu bàvwàla bilàmbà bya disalulangana naabi masandi munkaci mwà balùme bèènu amu, ne bintu byà mùshindù awu? Ulekela bakàji bèènu batekète bàjuuka kuulu mùshindù awu anyi? Wanyishilà balùme bèènu bwà kusèlabo misangu yibìdi anyi yisàtù, eku biikale balami mu maèkèleeziyà? Udi uswa kungambila ne neùshaale mukwàte ku mukàndà wa dijaadikiibwa wùdi naawu mu cyanza awu, kàdi kutèeka Dìyì dyà Nzambi ku luseke anyi?" Kaa, ekèlekèle! Yèyè's mmufwànyine kutonokela cintu aci. Eyowà's, mukalenge. Masandi à èkèleeziyà, ne masandi à bidimba, yèyè's mmufwànyine kuàtonokela. Ekèlekèle! Cidimba cyònsò, yèyè's mmufwànyine kucisùnsula. Dilongesha dyònsò dyà sèminèrè dikwatakaja kùdì bantu adi, s'mmufwànyine kusùnsulula cintu aci tupese tupese.

<sup>100</sup> Mpindyewu, nudikù mwà kwakidila muntu wa mùshindù

awu anyi? To. Kí mbafwànyinekù kucyènza to. Ncyà bushùwà ne kí mbafwànyinekù kucyènza to. Mbfawànyine kwela muntu awu pambèlù pàà cimenga aci ànu ne lùkàsà lwònsò. Mòna's, nsangilu awu's mmufwànyine kudisanga pàmwè, kwamba ne: "Amba tũng, bikèngela twènzèku cintu kampànda pa bwalu ebu. Ambilaayi disangisha dyènù bwà kadiyi kuntwaku bwà kutèèleja aci to." To. To. Katwèna baswè kumwakidila to, nànsha byà munyi, katwèna bafwànyine kumwakidila to. Cyà bushùwà. Kabàwwa mwà kucyènza to.

<sup>101</sup> Mutèèlèjaayi mùdiye ùtonoka's. Kaa, ndi mucinange mwab'ewu. Ndi munkaci mwà kwenda kutangila ànu cyàkambàye. Yèyè kwamba ne: "Ànu Nzambi mene unùdi nulàka mukana nwamba ne ngunùdi nukwàcila mudimu awu ngwanùbùtula."

<sup>102</sup> Ùvwa mufwànyine kwamba cintu cìmwècìmwè aci leelù ewu. Twètù beena Àmèrikè tukaadi badijìngile mu bintu byà maleela bùngì cyanààna, nzùbu minène yàbùngì be, ne bantu bààbùngì be mu malongolodi ètù, ne dimanyika dyònsò dilenga edi, ne bambi bàà mu sèminère bàdi balongeshiibwe bwà kushààla bapùwe ne kabàyi bàmba kantu nànsha kàmwè pa bwalu abu to, bwalu bàdi bàciina ne nkwèpì kwàlwàbo kwipaciibwa mu èkèleeziyà. Cyà bushùwà. Yèyè's mmufwànyine kutonokela cintu aci kucisùnsula, bwalu ncibèngàngàne ne Dìyi. Ncyà bushùwà nànkù. Ne Nzambi mwinè utùdi twamba ne tudi tukwàcila mudimu awu ne—neòshè cintu eci kucibùtula, òmwè dyà ku matùkù àdi paanshi aa. Yèyè neàcìtonòkèlè kucisùnsulula.

<sup>103</sup> Amòsà kàwva mufwànyine kushintulula mèyi èndè to, bu yèyè kaaba aka leelù ewu. Shààla wèwè ànu paanyimà pàà Dìyi! Kaa! Cinyi? Mutèèlèjaayi mùdiye mubàmbile mwaba awu ne: "Nzambi ùvwa munùngè. Yèyè wàkanùtwàla. Wàkanwènta cisàmbà cisungula."

<sup>104</sup> Ndi njinga kuumvwaku mu èkèleeziyà wa beena Mpenta musangu kampànda. Nudi nwela meeji ne yèyè ng'Amòsà, pàmwàpa nudi bafwànyine kundekela kwànyì kwà talàla díbà adi, bwà katanci kakesè. Nwamònu anyi? Eyowà, yèyè's mmufwànyine kubàmbila. Kí mmufwànyine kudyà mulembwa ne bundù to. Yèyè's mmufwànyine kucìtonokela ànu bikolè ne mwèndè mwònsò, ne kubàmbila mwaba ùdìbo bapangile mu Dìyi.

<sup>105</sup> Nzambi udi munùpàtùle mu nzùbu yà dilaminyina bitàlù midyènzela kwètù, myenza kùdi bantu, kùkaadi bidimu eyi's! Kukaadi bidimu makumi àtaanu, baatatwènú ne baamamwènú's bàpàtùkile mu ndongolwelu eyi yàkadì mibàsweke ne mibweje maalu à buloba munda mwàbò. Ke Nzambi kutùma luse Lwèndè ne kunùbiikila bwà kupàtuka, kule ne mpèkaatù ne bintàkanyì bivwa—bivwa mu èkèleeziyà abi. Nènku mpindyewu's ke nwènú

bàkaadi baalùkilemù buludi abu, ànu mwàkenza Sàmaalèyà amu. Pàvwà, Nzambi wàkabàpàtula mu matunga awu, kàdi kwalukilabo ne kwenzabò cipungidi ne ditunga adi, mùshindù utùdi leelù ewu, ne tuteeta bwà kutembangana ne èkèleeziyà minène yà cyena màngumba ayi. Tudi twibaka bilongelu bitàmbe bunène. Ncinyi aci? Katwèna dijinga ne bilongelu binène to. Bidi ànu bìmpè; ncyèna ne cyà dibidyula naaci to.

<sup>106</sup> Kàdi musangu wònsò wunùdi nwangata mujuudi anyi mulombodi udi upàtuka mu ditùkù dyèndè awu, èè, yèyè neenzè bìmpè mu ditùkù dyèndè, kàdi, pàdiye ànu ne wàyi, dîbà adi nebiibake bulongolodi kampànda pa mudimu wèndè apu. Pashìshe nebàbwejemù musumbà wà tu-Rickys twà tukesè muntwamu, ne tu-Elvis, kàdi, katanci aka anyi, bàkonyangaja cintu aci bwà kucivwija cinkumbànàngàne ne mùdìbo bwòbò baswè. Nènku dîbà adi kampànda *mukwàbò* ùjuuka ne ùfinyikamù cintu kampànda cikwàbo, bwalu yèyè mmulongi munène wa dimanya dyà mu mutù ditwè wa ku Harvard mu mwaba kampànda, anyi cintu kampànda. Nènku katanci aka, bàtwàdija kufinyikamù *cikampànda*, ne kuumusha *Eci*, ne kwamba ne *Eci* kacyèna cyùmvwija *cikampànda* ne *cikansanga* to. Nudi baalùkile buludi ànu mu ciibidilu cimwècimwè cyà kale aci cyàkàbidi. Eyowà's.

<sup>107</sup> Bu ne Amòsà ùvwa mwaba ewu, nùnkù's mmutonokele cintu aci mucitàayishe buludi too ne panshi. Yèyè kààkiibakila kàmpanyè kèndè pa bùngì bwà èkèleeziyà yìvwàye mwà kupeta bwà kumwela mu dibòkò nànsha. Kàvwakù mwà kwibakila èkèleeziyà wèndè pa bulongolodi kampànda anyi bitùpa byà tusùmbù kampànda twà èkèleeziyà nànsha. Cintu civwàye mufwànyine kwenza, ùvwa mufwànyine kwashila kàmpanyè kèndè pa EMU MMÙDÌ MUKALENGE WÀMBA. Nzambi ùvwa mufwànyine kumutwa nyama ku mikòlò ànu mùvwàYe wenza misangu yònsò, ùjaadika ne mbulelèlè. Yèyè kwamba ne: "Kùdi lutàtu. Kùdi kàyumbayùmbà mu èkèleeziyà wenù amu."

<sup>108</sup> Cidiye mufwànyine kwamba leelù ewu ncinyi? Cidiye mufwànyine kwamba ne Dìyi dyà Nzambi adi dilembèlele kumpàla kwètù eku ncinyi? Timòtè Mwibìdi 3, mwaba ùvwaDi dyambe ne: "Nebiikalè ne mutù mukolè, badibàndishi, banangi bàà bisànkasanga kutàmba kwikala banangi bàà Nzambi; bashipi bàà bipungidi, bashiminyinyanganyi bàà maalu, babùle kudikanda, ne badyombodi bàà aba bàdi bàteeta kwikala ne nsòmbelu mujaalàme; biikalè ne cimwenekelu cyà difwànà dyà Nzambi, kàdi biikalè bàvila bukòlè bwàdi." Nudi nwela meeji ne mupròfetà mmufwànyineku kjuuka mu cyalu ne kucinguluka cipròfetà aci anyi?

<sup>109</sup> Yèyè's neàmbe ne: "Mbyèbì bikùmbàne mwìsù mwènù ditùkù edi," mùvwà èkèleeziyà mwà kulwa ne mmwènekelu wa kwìsùkwìsù, ne mùvwà bintu bivwàbo mwà kwenza. Yèyè's mmufwànyine—yèyè mmufwànyine kunuvùlwija Mèyi à Nzambi

awu. Yéyè's mmufwànyine kunùvùlwija cìdì Nzambi mwambe ne Neénzè mu ditùkù edi, bu Amòsà mujuuke mu cyalu. Kaciyi ànu aci to, kàdi Nzambi mmufwànyine kujaadikila, kù Amòsà, cyàkalayàYe bwà kwenza mu ditùkù edi aci. Cyà bushùwà. Yéyè neàcyénzè. Wàkacyénza mu ditùkù adi. Yéyè ùkaadi misangu yònsò ànu mucyénzè. Cyà bushùwà.

Katùvwa bafwànyine kwakidila Amòsà bu yéyè mujuuke mu cyalu to.

<sup>110</sup> Mpindyewu, mùshindù mwinè: “Cimwènekèlu cyà difwàna dyà Nzambi aci,” biimanè kwàka mu—mu kòralè ayi, ne—ne mu nyungulukilu amu, kòralè minène yà mizàbì milemìle, ne—ne bìmba bu Banjèlò; ne bàja maja, dilòlò dìdì dilonda adi, bu badémons. Ncyà bushùwà. Nwamònu anyi? Aci's mbulelèlè ànu bwà menemene ebu. Bàmwè bàpàtuka ne mizàbì minène, milemìle, yà mmwènekèlu mulenga wa mùshindù awu, ne bàmwèneka bàà mùshindù kampànda wà Kampànda bu mwanjèlò; ne kwimana kuulu kwàka kàdi kuvila Dìyi, mùdì nyumà mubì kanà yònsò ewu mufwànyine kwenza amu. “Biikàle ne cimwènekèlu cyà difwàna dyà Nzambi, kàdi biikàle bàvila bukolè bwàdì.” Ndàaku, ùkaakùlè bwà dibàtiiza dyà Nyumà Mwimpè, bwòbò, mòna's, yéyè's—yéyè's mmufwànyine kukupàtula mu èkèleeziyà. Nwamònu anyi? Bwà cinyi? Bikèngela ènzè nàнку. Kàdi nebàshaale biimanè mu èkèleeziyà eyi ne bàlekela bidimba byàbò, mu nzùbu wa mwinshi mwà buloba amu, byènza maja à dijejeja nyimà ne bidundadùnda.

<sup>111</sup> Nèнку wetù Y.M.C.A. ewu, ndi ndikonka cìdì C awu ùmvwija's. Bwela muntwamu, mbikolè bwà wéwè kuumvwamù cingà cintu pakuumusha ànu Dìna dyà Mukalenge di- . . . Aci ke Cisumbù Cyedyanganyi cyà milawu cyà Bansongà anyi?

<sup>112</sup> Mvwa mushàale, àbìdì àdì panshi aa, mu nzùbu wa cilàala-beenyi, ùvwa lwà dyàmwàmwà dyà Y.W.C.A. Nèнку's cívwa mbundù bwà kumòna bânà bàà bakàjì batekète abu kuntwaku paanshì apu, too ne ku dîbà citèemà jaajaaja nàнку awu, bàmba kucibula mikòlò yàbò, munkaci mwà dijejejeja dyà nyimà. Ncyà bushùwà. Kàdi bwònsò abu, bidimba byà èkèleeziyà kampànda, bìmba misambu mu kòralè, ne bàlongèshìibwe kàlaasà kàà Dyàlumingu. Kì ncìngà cintu to ànu dyabùlù, munkaci mwà kulongeshila bânà bakesè abu paanshì apu, ndongolwelu ùkaadi mumana kwenza, bàmubiikila ne ntèndeleele. Ncyà bushùwà. Mupròfètà mulelèlè mmufwànyine kutonokela cintu aci kucyàluja buludi mu mwìshi wà ifernò mùdici cijuukile amu. Ncyà bushùwà ne mbulelèlè.

<sup>113</sup> Nudi nwela meeji ne Amòsà ùvwa mwà kwimana pa cibumbà cyà ku cyambilu bwà kuyiisha Èvànjeeliyò, ne kwela mèsù kutàngila musumbà wà bakàjì babèbùle nsuki kàdi kupanga kucipiisha anyi? Nudi nwela meeji ne yéyè

kàvwa mmufwànyinekù kuteela Yeshààyi 5, ne Kolintò wa Kumpàla 14 anyi? Nènku, kaa, yèyè kàvwakù mufwànyine—kàvwakù mufwànyine kucipòngololapù anyi? Ncyà bushùwà. Mmwômò. Kupweka ne misèèsù ne kumòna bakàji bavwàle tulàmbà tukesè etu pambidi, benze bu balùme, tuboonye mu mùshindù wa ne dikòbà dishààle patòòke, bu nànkù's; bàpweka, bènda bàjeekeja nyimà, bènda bàzùnzuka, bènda mùshindù awu, bènda bàdidisha bisàbaatà, kàdi nudi nwela meeji ne muntu wa Nzambi kí mmufwànyine kwimana mu cyambilu bwà kutonokela cintu aci anyi? Pàdìbi ne, bàdi bàcyàkwila ku mpùùkàpùùkà menemene, ku cyambilu aku's. Ne ciinè aci's mmu èkèleeziyà yà cyena Mpenta, kàbìdì. Aci's ncyà bushùwà menemene. Kí ncifwànyinekù kushintulula cintu nànsha cimwè kùdì Amòsà to. Uh-huh. Bàmwè... Yèyè's mmufwànyine kwikala ewu udi mwà kucyàmba. Yèyè kàvwa mufwànyine kuciina to, bwalu ùvwa mwediibwe maanyi kùdì Mukalenge. Nènku pìikalàbi nè ùvwa nè EMU MMÜDÌ MUKALENGE WÀMBA, bìvwa bìkèngela kwikalaci Dìyi dyà Mukalenge.

114 Yèyè wàkalwa mu Sàmaalèyà, kabiyi bwà kutàngila dibàlakana dyàbò adi to, bwà kubala bùngì bwà malongolodi, ne bùngì bwà bantu bàvwàbo naabù to.

115 Ànu mùmvwà mwàmba dilòòlò adi amu, mbimwènèke ànu bu ne, leelù ewu, èkèleeziyà mujimà mmwibakilapù, cintu cyà musinga munène munkaci mwà bàna bèètù leelù ewu, cyà maèkèleeziyà, cidi ne, "bùngì, bùngì," ewu ùteeta bwà kutàmba mukwèndè. "Bùngì!" Nzambi kàtu ùbala bùngì to. Ùtu ùbala ngiikàdilù. Ngiikàdilù ke cidi Nzambi ùkeba bwà kupeta, muntu kampànda udi Yè mwà kutwà byanza Byèndè, muntu kampànda udi mwà kushààla mupùwe ntàntà bule bukùmbàne.

116 Bu mutwàmbi ne: "Mapàngadika! Cidimu cyònsò, tuvwa ne mapàngadika *mapite bùngì*." Aci's *mmabwe*, "ditonda." Kàdi dibwe didi ne dikwàcisha kaayi pàdiku kakuyi musongi wa mabwe ne Dìyi dyà Nzambi ditwè, bwà kumusonga kumuvwija mwànà wa balùme wa Nzambi, anyi mwànà wa bakàji wa Nzambi, ne kumutèèka mu Èkèleeziyà mùdiye mukùmbànyine? Kukùngwija mushiki wà mabwe kí nkwiwaka to. Bìkèngela kuàkòsa ne kuàsonga.

117 Bidi bitukèngela bantu leelù ewu, bantu balaaba maanyi, bu mùvwà Amòsà amu, bàdi mwà kuumusha maalu à buloba mu mukàji wàwa ne kumuvwija mwànà wa bakàji wa Nzambi, kuumusha maalu à buloba mu mulùme awu. Nànsha bùngì bwà balubuludi bàvwà bamwele pambèlù abu, anyi ní ncinyi cikwàbò, yèyè mmufwànyine kwimana pa EMU MMÜDÌ MUKALENGE WÀMBA. Èyowà.

118 Katùvwa bafwànyine kwakidila Amòsà, mu mùshindù ewu to, ngèela meeji's. Nudi nwela meeji ne Amòsà ùvwa mufwànyine

kwenza cinyi pàvwàye mwà kubwela mu èkèleeziyà wa beena Mpenta wa leelù ewu, udi wamba mùdiye mulombòdiibwe kùdi Nyumà Mwimpè ewu, ne pashiishe kumòna cintu cimwècimwè aci mu èkèleeziyà wa beena Mpenta udi wamba mùdiye mulombòdiibwe kùdi Nyumà Mwimpè awu? Ndi ndikonka. Mpindyewu, tudi mwà kwakula bwà ba-Baptistes, ne ba-Méthodistes, ne ba-Luthériens, kàdi, pàkaadibi bikafika ku ciibi cyètù twètù cyà manyaanu aci, kàdi mbishi bwà aci's? Bayè kule ne Dìyì dyà Nzambi! Cintu kampànda cìvwa cyènda bibi, mwaba kampànda. Ncyà bushùwà menemene. Èyowà. Bàdi bálwa ne bènza bintu byònsò bishiilèshiiilàngàne ebi, kàdi bàmba mùdibo balombòdiibwe kùdi Nyumà, bàjà maja mu Nyumà, mîngà misangu bàakula mu myakulu.

<sup>119</sup> Mémè ntu ngiitabuuja dyakula dyà mu myakulu. Ntu ngiitabuuja dijà dyà maja mu Nyumà. Ntu ngiitabuuja dyela dyà mbilà. Kàdi kùdi byàbungi bidi byènda ne ciine aci. Ncyà bushùwà. Udi wenza bintu byònsò abi, kàdi uvila Dìyì, dìbà adi's kùdi cintu cipampàlámuke mwaba kampànda, udi ne nyumà mubi. Uh-huh. Nzambi kàtu ùlombola bantu Bèndè ku bintu byà mùshindù awu to, nànsha bishi. To. Kàtu ùbàlombolaku to.

<sup>120</sup> Ngèèla meeki ne ncikondo cidi ànu bu dipàtuka dyà difestò dikwàbò, dikwàbò Difestò dyà Cyàyi dyà ku Boston, bu mutùdi mwà kwamba. Èkèleeziyà ùdi dijinga naaci. Bidi bimukèngela dikezudiibwa dimpè dilelèlà.

<sup>121</sup> Pàvwà, Jeanne d'Arc, mu matùkù à kale wààwa, èkèleeziyà wa Kàtòlikè wàkapangila kumanya ne ùvwa munsantu pàvwàye ne mwoyi apu, bwalu ùvwa ùmòna bikèènà-kumòna, ùvwa mwà kuumvwija bilòòtà, mukàjì muujiiibwe tètè ne Nyumà. Ki Nzambi kukwàtaye mudimu ne inàbànza mutekète awu. Ki kwelabo meeki ne yèyè ùvwa mwena mupongo. Ki kumwoshilabò ku dikunji, bu mwena mupongo. Nudi bamanyè aci's. Bansaserdòsè bàà Kàtòlikè bààkenza cyòci aci bwòbò biinè. Nkàmà yà bidimu mimanè kupita, ke kujandulabo ne yèyè ùvwa munsantu. Dìbà adi, pàkaavwabo ne cyà kumuvwija munsantu, bìvwa bikèngela bwà kwenzabo didikèngesha. Ke kujuulabo mibidi yà bansaserdòsè abo ne kuyimanshabò mu musùlu, bwà kwenza didikèngesha. Nudi numòna's, kubàpitaci ku luseke kàdi kupangabò bwà kucimòna. Bààkenza menemene cintu bu cimwècimwè aci ne Patrick Munsantu ne bakwàbò bwònsò abu.

<sup>122</sup> Kabyèna bikèmesha to pàakamba Yesù ne: “Nudi nulongolola ne nulaaba lupèmba lutòòke ku nkità yà bapròfetà, pèènu nnewènu mbàdi babèlèmu.” Ncyà bushùwà. Cidi citukèngelà leelù ewu ng'Amòsà wíkala mwà kwaluja Dìyì dyà Mukalenge kutùdi. S'ncyà bushùwà nànkù.

<sup>123</sup> Mpindyewu, méyi ètù ne bikwàbò kabyèna byumvwija cintu nànsha cimwè to ànu Nyumà wa Nzambi mwikàlekù bwà

kutwà méyì ètù awu nyama ku mikòlò. Nsòmbelu yètù yôyi kayiyi yikùmbanangana ne méyì ètù to, díbà adi kùdi cintu cipampàlà mùke.

<sup>124</sup> Jeanne d'Arc wàkalombola France ku dibìnduluka. Bìvwa bìbàkèngela dibìnduluka. Ke cyàkenzabo aci menemene. Byàkabàkèngela dibìnduluka, ke yèyè kubàlombolakù. Kàdi paanyimà pàà dibìnduluka, mwaba wàkenzekela cilèma, bààkajinga dikàndameena dibìnduluka bwà kubàndulula—bwà kubàndulula cyàkadìbo babìndùlùkìle aci.

<sup>125</sup> Ndi ngàmba ne èkèleeziyà wa beena Mpenta ke cintu cìndiku mumanyè cìdì citàmbe kuseemena pabwípì ne Bible leelù ewu. Bu kabìyì nàнку to, nùнку's ndi mu cikwàbò cintu. Ncyà bushùwà. Ncìvwa mwà kwikala mwimàne kaaba aka njimija díbà dyànyì, ngàakwila beena Mpenta to, bu ne ncìvwa ngèèla meeji ne kùvwa ditèkemena to. Cyà bushùwà. Mpenta mmubingè. Kàdi pàdìbì bitùkèngela bwà Mpenta kudìsangaye ne bilèlè byètù bicìbwila panshi, díbà adi bìdì bitùkèngela dikàndameena dibìnduluka. Bìdì bitùkèngela dikàndameena dílwa; ndi ne...kì n'dìyì dyà cyena Mpenta nànsha, kàdi díkezudìbwa dyà Mpenta didì dílwa.

<sup>126</sup> Nzambì ngwa cijila. Aba bàdì ne mwoyi ku Yèyè abu bàdì ne cyà kwenda mu cijila. Yèyè ùdì Nzambì wa cijila. Bible mmwàmbe ne: “Kakùyì cijila, muntu nànsha umwe kààkumònakù Mukalenge to.” Aci's ncilelèlè. Mwoyi Wèndè ngwa cijila. Nènku pìikalà Mwoyi Wèndè munda mwèbè, Ùdì ùkuvwija wa cijila. Kabìyì nàнку to, kwèna umòna Mukalenge to. Nènku tàngila kùyaayawu mutàngìlè's.

<sup>127</sup> Tudi ànu bu mwàkadì Izalèlèlè ùsanganyibwa mu matùkù awu amu, nànsha nàнку. Izalèlèlè wàkeela meeji ne, bwalu bàvwa munkacì mwà kutanta, maalu wònsò àvwa ènda bìmpè. Bàvwa ne cipungidi kampànda, mu matùkù àbò awu, ne bimenga bikwàbò. Nènku bàvwa ne cipungidi kampànda. Bukalenge bùvwa ne cipungidi ne bambi, ne baakwidi, ne bapròfetà. Ke kwelabò meeji ne byònsò abi bìvwa ànu bìmpè. Ne kudyàmbidilabo ne byàkadì bisànkisha Mukalenge. Kàdi kujuukaku kakwàcikwètù kampànda ne kubààlujakù cyàkàbìdì. Ncyà bushùwà.

<sup>128</sup> Ànu bwalu bàvwa bàtante, s'ke mwaba utùdì twenzela cilèma awu. Ditanta kí ncìmanyinu cyà dibènesha dyà mu nyumà to. Ncyà bushùwà. Nànsha kakesè kabyèna nàнку to. Ditanta, misangu mikwàbò, ncìpùmbishi.

<sup>129</sup> Nudi bavùlùke cyàkambà Mukalenge bwà Izalèlèlè anyì? “Paùcìvwà mwànà mutekète, paùvwà kùyì kantu nànsha kàmwè, paùvwà mulààle mu mashi èbè sungasunga mu budimi apu, kùyì ne wakukukezula to, Mème kukwangata. Díbà adi wèwè kuNsadila. Kàdi pawàkakola kupwila mu mùshindù wà wèwè kwela meeji ne uvwa bìmpè ne mudìkùmbànyine mu byònsò,

dibà adi ke wêwè kuNdekela.” Batu misangu yônsò benzènze nânku’s.

<sup>130</sup> Uziyà, bu mûmvwà mwakùle bwèndè ku didyà dyà dindà dyà Beena Kantu-ku-byanza mu dindà adi amu, yèyè ùvwa muntu munène. Wàkashààla mukwàte kùdì Mukalenge. Kàdi dîngà ditùkù paanyimà pàà Nzambì mumanè kumukolesha. . . Ne yèyè ùvwa cileeji lu cinènè kùdì Yeshàayi mupròfetà. Kàdi paanyimà pàà yèyè mumane kulwa ne dikàndà, ne mushindàme, matùnga kubanga kumuciina. Wàkiibaka nguumbu yèndè ne kutwàdija kupeta bintu byà bibàlakana. Wàkapeta didibàndisha. Kubangaye kuditàngila mùshindù ùvwaye munène. Ke pashiishe kuteetaye bwà kwangata kaaba kàà muyiishi. Ke Nzambì kumutuuta nsudi, nènku wàkafwà mwena nsudi. Nwamònu anyi? Katwèna baswè kudibàndisha to, mu myoyi yetù.

<sup>131</sup> Nènku mîngà misangu, patùdì tumòna malongolodi ètù àtanta, tudi tubanga kwamba ne: “Twètù kàdi ke cisumbù cinène. Twètù ke cisumbù cyà citàmbe bunène cyà beena Mpenta cidìku. Tudi bapite bakwàbò bwònsò ku bûngì.” Anyi ne: “Kwèna mwà kufika mu Dyulu paùdì kùyi wa mu cisumbù cyètù to,” anyi cintu kampànda. Paùdì ufika mùshindù awu, udi muditápùlule ne Diyì dyà Mukalenge. Bushùwà. Wàvùluka ne, mbulankètè mmwalàbale mukumbàne mwà kufika kùdì mukwènù. Mmwômò menemene. Mubwejemù pèndè.

<sup>132</sup> Kaa, mùshindù mwinè wutùdì tukèngela, leelù ewu, dibìikila dyà kwalukila ku Diyì dyà Mukalenge. Tàngilàayi, leelù ewu. Ne ditùnga dyètù didi dikèngela dibìikila bwà kwalukila.

<sup>133</sup> Nényiishè, dimwè dyà ku malòlò aa, mèmè ne mùshindù, ndi muswè. . . Ndi ne cilumbù cyà difùnda. Bivwa bikèngela mèmè kwindila too ne pàngaàsangishà bayiishi bwònsò pàmwè. Èyowà. Ndi muswè kufùnda lukòngò elu bwà Mashì à Yesù Kìlistò, ne kunùjaadikilaci. Nwamònu anyi? Mpindyewu, ndi mwà kwikala ne cyà, kupàtuka mwaba kampànda bwà kucyènta. Kàdi netwikale, tumonèbi ní tudikù mwà kupeta didyà dyà dindà kampànda, ànu bwà bambi nkàayabo. Nènku ndi—ndi muswè bwà, Mukalenge mwà kunkwacisha, bwà kuleeja menemene mwaba utùdì—mutùdì twenda tulonda njila mubi. Bidi bikèngela bwà twètù kwalukila. Kakwèna mûngà mùshindù to ànu kwalukila. Cyà bushùwà.

<sup>134</sup> Tàngilàayi ditùnga dyètù leelù ewu. Tàngilàayi citùdì tuteeta bwà kwenza, cintu mene cyàkenzeka mu cikondo cyà mîdimà, kusangisha èkèleeziyà ne mbulàmataadi pàmwè.

<sup>135</sup> Tàngilàayi didisanga, anyi, Nsangilu wa—wa Maèkèleeziyà wa Buloba bujimà, èkèleeziyà yônsò yìyaaya mu Nsangilu wa Maèkèleeziyà wa Buloba bujimà ewu, ne bàdi bèèla meeji ne eci ke bwobùmwè bwà Nzambì, bwalu, maèkèleeziyà wònsò awu, Bàna bèètù Basanga, bantu bàà mu maèkèleeziyà mashindàme



àdi àkabwela mu bulongolodi bunène bùmwèpelè ebu, aci mbwà kupanga kumanya Dìyì dya Nzambi. Mupròfeta wàkaakula ne cintu aci necyènzeke ne: “Bàvwa mwà kwenza cimfwànyì cyà nyama wa lwonji, ne civwa mwà kwikala ne bukolè bwà kwakula.”

<sup>136</sup> Kaa, nudi nwela meeji ne Amòsà ùvwa mwà kwimana mu cyambilu dilòlò edi kaaba aka, bu ne yèyè ùvwa mu Phoenix emu, kàdi kupanga kwelela cintu aci mbilà anyì? Kì mbifwànyine kwikala ne yèyè mmufwànyine kwikala ùtùlwisha, twètù, bàna bèètù to, kàdi yèyè mmufwànyine kwikala ùlwishangana ne ndongolwelu udi utùsàka kule ne Dìyì awu. Aci ncifwànyine kwikala civwaye mufwànyine kwenza. “Mmunyì mùdi bantu abu mwà kwendela pàmwè?” Bible mmwambè apa, mwômò emu, mu Amòsà. Mukalenge mmwambè ne: “Ambila bantu ne: ‘Mmunyì mùdi bantu bàbidì mwà kwendela pàmwè, kabàyi bapungè dìyì?’”

<sup>137</sup> Mpindyewu, mmunyì mutwikalà mwà kwangata bisumbù byètù byà beena Mpenta ne kubwela mu Nsangilu wa Maèkèleeziyà wa Buloba bujimà, pàdibi ne cyàbibidi cyàbò muntwamu, bapite ne cyàbibidi, byà pa lukàmà makumi mwandamukùlù ne bitaanu anyì makumi citèemà ne bitaanu, bàvila mene ne dileidiibwa dya kùdi virgò? Bàdi bàvila. Ngèla meeji ne, byà pa lukàmà makumi citèemà ne citèemà byàbò bàdi bàvila, bàdi bàvila dyondopa dya kùdi Nzambi. Bàdi bàvila mèyi-makùlù à Bible. Bàdi bàvila dyakula dya mu myakulu. Ànu kasumbù kàa beena Mpenta nkàayabo ke kàdi kadyàngata. Nènku mmunyì mutwàdisanga twètù biine naabò mu bùmwè? Mmunyì mutwikala cintu cimwè naabò? Mmunyì mutwènda naabò katùyì bapunge naabò dìyì? Nenücyènze munyi? Nebikengele nùvilè diitabuuja dinène dya butangadiki dinùdi naadi adi, mèyi-makùlù à nshindameenu à Bible, bwà kwenda naabò.

<sup>138</sup> Ndi nzwàmbila ne, Nzambi ùtu ùbiikila muntu nkààyà. Ùdi ùkubiikila, wèwè bu muntu-nkààyà, bwà kushààla ne Dìyì Dyèndè ne kushààla Nendè.

<sup>139</sup> Mmunyì mùdi Nzambi mufwànyine kwenda naabò, pàdi twitabàayi yàbò bwòbò biinè, myenza ku lungènyi lwàbò bwòbò lwà pa buloba alu, bàvila Dìyì Dyèndè? Pàdi twitabàayi wítaba dilongesha dya kasumbù kàa bantu, pàmwè, kàdi ùvila ne Dìyì didi nànkù, dìbà adi nudi nuumusha Nzambi kunùdi. Nzambi ngwa cijila. Ne Nzambi, Bible ùdi wàmba ne, Yèyè ùtu ùtabaleela Dìyì Dyèndè, bwà kuDìshindika. Kàdi mmunyì mùdiYe mwà kushindika Dìyì, pàdi Dìyì kadiyimu? Ki bwà cinyi tudi ne bidimba pamutù pàa bàna. Mbwena kwamba ne, tudi ne twitabàayi. Ne bantu bwònsò bàdi mwà . . .

<sup>140</sup> Bàa pa buloba bàdi munkaci mwà kukèba muntu mutàmbidile. Bàdi bàkwàta mudimu bwà . . . Bàdi bènda

bàkèba cintu kampànda cìdì mwà kubàlekela bakwàte ku dijikula dyàbò dyà bwena Kilistò kàdi biikàle ne nsòmbelu wa mùshindù wònsò ùdìbo baswè awu. Bakàjì mbaswè kwikala bènza maalu bu Hollywood cicolè bashààle ànu balamè ne bàdi ne Nyumà Mwímpè. Bayiishi mbaswè kwibaka èkèleeziyà wa mutàmbe bunène ne kwenza bintu byònsò ebi, kàdi kwikala ne balami bàdi baselangane misangu yàbùngì. Nènku—nènku bàdi mwà kwenza tuntu tukesè etu ne kulwata bilàmbà *ebi*, bàcìbìikila ne ndisuuludiibwa dyà bakàjì.

141 Nudi nwela meeji ne Amòsà ùvwa mufwànyine kushààla mupùwe bwà cyòci aci anyi? To. Ncyà bushùwà ne kàvwa mufwànyine kucitwàlaku to. Nudi nwela meeji ne Amòsà mmufwànyine kushààla tàlálàà, ne kutwilangana ne balombodi bàà myànzù ne bèèpiskòpò abu kuntu kwaka, ne kwamba ne: “Bànà bèètù, ngèela meeji ne nudi benzè cintu cinène.”

142 Yèyè's ùvwa mufwànyine kwamba ne: “Nwènù musùmbà wa bantu bapidye diitabuuja! Nwènù bashimakajanganyi! Nwènù bavidì bàà Diitabuuja!” Ùvwa mufwànyine kwamba cintu cìmwècìmwè cìvwa Miiikà mwambe, ditùkù adi kumpàla kwà bapròfetà nkàmà yìnaayi bàà beena Ebèlù abu.

143 Bàakamba ne: “Mu bùngì, mu ciibùngì ki, ne ki mùdi dikùbiibwa.” Mbilondèshile ku mwaba wùdì muswè kutèèka Mufùndu awu.

144 Ndi mwà kwamba ne: “Yudààsà wàkaya ne wàkadyòwa; nènku wèwè enza cintu cìmwècìmwè aci.” Kacyèna citèèkiibwa mwaba awu to.

145 Ne kacyèna citèèkiibwa to, ne: “Mu bùngì bwà mibelu mmùdi dikùbiibwa.” Dìbà adi Èkèleeziyà wa Kàtòlikè s'mmunùpita nwènù bwònsò.

146 Mu Díyi dyà Nzambì mùdi dikùbiibwa. Bible mmwámbe ne: “Dìná dyà Mukalenge didi cibùmbà cicolè. Baakàne bàdi bànyemenamù ne bàsanganyiiibwa mu dikùbiibwa.” Nènku ki mwaba wùmwèpelè wà dikùbiibwa wùndìku mumanyè. Bapròfetà bàvwa misangu yònsò ànu biitabuuja nànkù. Pààkafwà Abraham, pàvwà...Pààkafwà Yobò, wàkaditèèka mu buloba bulaya, lukità lwèndè.

147 Pààkafwà Abraham, wàkasùmba katùpà kàà buloba ànu mwaba wùmwèwùmwè awu mene, ku luseka lwà Yobò. Cyàkenzaye ncinyi? Wàkatàngila mupròfetà awu. Ùvwa mumanyè ne ùvwa mmuntu wa Nzambì, ki kwambayè ne: “Ndi mumanyè ne Mupikudi wanyì ùdi ne mwoyi, ne ku matùkù à ndekeelu Yèyè neimanè pa buloba. Nànsha paanyimà pàà misàndà yà mu dikòbà mimanè kubùtula mubidi ewu, nànsha nànkù mu musunya wànyì nèmmonè Nzambì.” Èyowà. Nènku Abraham ùvwa mumanyè aci. Wàkajiika Sarah mwaba awu. Wàkasùmba katùpà kàà buloba, ne wàkajiika...Yèyè, yèyè mwinè, wàkajiikiibwa mwaba awu.

148 Izàkà, pàakafwàye, wàkangaciibwa ne kujiikiibwa mwaba awu. Izàkà wàkalela Yakòbò.

149 Ne Yakòbò wàkafwila mu Èjjiipitù mwàmwa. Kàdi bangabanga ne kufwàye, wàkabìikila mwanèndè wa balume mupròfetà awu, Yòzefù. Ne ùvwa mumanyè ne yèyè ùvwa mupròfetà, muntu wa nyumà, ùmvwija bilòòtà, ne ùvwa ùmòna bikèènà-kumòna, ne bivwa ànu bipwàngàne menemene musangu wònsò. Yèyè kwamba ne: “Lwàkù apa, Yòzefù, mwanaanyi mupròfetà. Tentèkà cyanza cyèbè pa cikundükundù cidi Nzambi wa bukòlè bwònsò mundengè eci kùkaadi bidimu, ne kushintulula dîná dyànyi kuumuka ku ‘munyenganyani wa mwaba wà bendè’ kulwa ‘mfùmù ne Nzambi.’ Tentèkà byanza byèbè kaaba aka ùdicipè kùdi Nzambi ne kwàkunjiika mùneemu mu Èjjiipitù nànsha.” Bwà cinyi? Bwà cinyi? Bivwa bishiilàngàne ku cinyi?

150 Ki cidìbo bàmba leelù ewu ne: “Mbishiilàngàne ku cinyi?” Tudi ne musumbà wa bantu, babàfikishe ku dishàala bàà mu èkèleeziyà, bwà kubuumusha mu misèèsù. Wèwè udi misangu mikwàbò umuvwija mwànà wa mu ifernò misangu yibìdi kutàmba mùvwaye mu mùsèèsù amu. Ncyà bushùwà. Cidi cyènza dishintulula.

151 Yòzefù, pàakafwàye, wàkatèela bwalu abu, wàmba ne: “Dìngà ditùkù Mukalenge Nzambi neànùmwenèkèlè.” Yèyè ùvwa mupròfetà. Wàkamba ne: “Mukalenge Nzambi neànùmwenèkèlè. Ne kanùshiyikù mifùbà yànyi mùneemu to, kàdi nùyàngatè nùye naayi mu buloba bulaya.” Bwà cinyi? Ùvwa mumanyè ne Mamuma à misòmù à dibìikà dyà ku lufù àvwa mwà kupàtuka mu buloba bulaya. Aci’s mmwòmò menemene.

152 Yesù, pàakafwàYe, ne kubìika ku lufù mu dindà dyà Paasàkà, Bible mmwambè, ne: “Bààbúngi bàà ku bansantu bàvwà balàale mu lupwishi bàakabìika ku lufù, ne bàakapàtuka mu nkità ne bàakamwènekela bààbúngi.” Ùvwa nganyi? Abraham, Izàkà, Yakòbò, Yòzefù. Bwà cinyi? Bàvwa mu mwaba mujaalàme.

153 Ke bwà cinyi ndi ngàmba ne bìdi bishintulula cintu. Kanùnjiiki ànu mwab’ewu mu ba-Méthodistes kampànda, ba-Baptistes, anyi mu èkèleeziyà kampànda mukwàbò to. Njiikàayi mu Yesù: “Bwalu aba bàdi mu Kilistò Nzambi neàlwe naabò pàmwè Nendè pàalwàYe.” Nènku bìdi bishintulula cintu’s. Ncyà bushùwà ne, bìdi bishintulula.

Kùlekedikù muntu kampànda ùkwambila ne: “Bwalu udi mukashàale wa mu èkèleeziyà to.”

154 Amòsà kàvwaku mufwànyine kushàala mupùwe bwà bwalu abu to. Ùvwa mufwànyine kwamba ne: “Nzambi mwinè unùdi nwamba munùdi nukwàcila mudimu awu . . .”

155 Ndi mufwànyine kwamba nùku mu Dîná dyà Mukalenge: Nzambi mwinè udi ditùnga edi ne cyà kuleeja ku bantu awu neàbütulé ditùnga edi. Neàbuùule èkèleeziyà eyi. Nzambi wa mu

Dyulu neatumè ciiyi Cyèndè cicolè ku cilumbulwidi ne neabùtulè èkèleeziyà eyi, èkèleeziyà yà ku dîna ayi. Vùlukàayi, kwàtaayi dîyi dyànyi.

<sup>156</sup> Kakwèna muntu nànsha umwe udi mwà kushààla wa mu Èkèleeziyà to. Udi ukashààla mwena mu diswa kampànda. Kwèna ukashààla wa mu Èkèleeziyà kampànda to, udi mulediibwe mu Èkèleeziyà kampànda. Nwamònu anyi? Udi ukashààla wa mu diswa dyà ba-Méthodistes, diswa dyà ba-Baptistes, diswa dyà beena Kàtòlikè, diswa dyà beena Mpenta. Kàdi udi mulediibwe mu Èkèleeziyà wa Nzambì udi ne mwoyi; nènku ke cidìYe ùlwila aci, Èkèleeziyà awu. Pa nànkù, tudì ne maswa, kí mmaÈkèleeziyà to. Cintu kanà cyònsò eci cidì mwà kudisanga mu diswa adi, beena lubombo ne bikwàbò byònsò. Kàdi nènnùmanyishè cyòci eci mpindyewu mene, bilondèshile Dìyi, kakwènakù mwena lubombo nànsha umwe mu Èkèleeziyà wa Nzambì udi ne mwoyi to. Kakwènakù cintu nànsha cìmwè Mwàmwa to ànu bansantu.

<sup>157</sup> Mpindyewu, buumambala bùdi mwà kukubwejamù. Nènku udi wela meeji—udi wela meeji ne Amòsà kí mmufwànyine kutonokela cyòci aci anyi? Yèyè neanyùkushe cintu aci too ne ku nshindameenu waci. Ncyà bushùwà ne ncyènzàye.

<sup>158</sup> Tàngilàayi. Pàvwà Izàlèèlà mu njila wendè, mutàngile mu buloba bulaya, balombola kùdi Nyumà Mwímpè, Dikunji dyà Kapyà òvwà kumpàlà kwàbò, Lubwebwe lutuuta lùbàlonda.

<sup>159</sup> Ki Moàbà ulwàlwa awu, ùvwà mmwanààbò. Vùlukàayi ne, yèyè pèndè, ùvwà citùpà cyà Izàlèèlà. Yèyè ùvwà citùpà, bu kubangila ànu ku nkambwà wa beena Yuda awu, bwalu ùvwà mmwànà wa balùme wa Lotà mulela ne mwanèndè wa bakàji. Kupàtulaye Moàbà.

<sup>160</sup> Kàdi tàngilàayi Baalàmà, mwakwidi awu, kupàtukayè kwàka e kwenza cyoshelu, kulàmbula milàmbù yà mùshindù wùmfwèwùmfwè awu, ànu mushindame ne mwèndè mwònsò. Nwamònu anyi? Ne yèyè ùvwà ne bantu bàà luumù. Ùvwà ne mfùmù. Ùvwà ne bantu banène bwònsò abu, bânà bàà bamfùmù ne batungula abu, biimàne nendè.

<sup>161</sup> Kàdi kùvwà Kampànda mwimàne ne Mòsà uvwaye kàyì mumòne to. Ki Yèyè wàkiimana ne Amòsà awu. Ki Yèyè awu wìmana ne muntu yònsò udi kaaba aka, dilòòlò edi, wíkala mwà kwimana bwà Nzambì ne bwakànè. Nànsha balombodi bàà makòokeshi maalàbàle bàà bishi, bakòokeshi bàdìpu abu, kabyèna ne bwalu nànsha bùmfwè to. Kabààkukòokeshi mwà kwela cidì Nzambì mubènèshe mulawu to. Bwà cinyi? N'Dimiinu didì ne mwoyi. N'Dìyi dyà Nzambì. Nedìkolè too ne ku bupwàngàne Bwàdì. Kaa, bimanyinu byà Nzambì udi ne mwoyi mu citùùdilu's we! Aci's, cìvwà cìmweka ànu bu ne Izàlèèlà ùvwà mwenze bubì kuntu kwàka. Kàdi bàdi bàpanga kumòna Lubwebwe lutuuta alu, ne Difuta dyà cibawu òvwà

dyenjiùbwe bwà Izalèlèlà adi. Nènku kùvwa lubila lwà Mfùmù mu citùùdilu. Nzambi ùvwa naabò. Bwà cinyi? Ùvwa wòndopa babèèdì, ne wènza bishimà binène, ne bimanyinu ne maalu à kukèma, ne Dikunji dyà Kapyà dilembèlèlè kumutù kwàbò. Mòsà ùvwa wenda ùlonda Dikunji dyà Kapyà. Bàna bàà Izalèlèlà bàvwa bènda bàlonda Mòsà. Ne bàvwa mu njila batàngile ku buloba bulaya, ne kakwèna cintu nànsha cìmwe cìikalà mwà kubàpangisha to. Amen.

<sup>162</sup> Kaa, kí ncifwànyineku kwenzeka ànu cyàkàbìdì bipeepèle nùnku leelù ewu, bu Nzambi mwà kupeta muntu kampànda mu cyanza Cyèndè, mu bukòntononyi Bwendè anyi? Dikunji dyà Kapyà adi dicìdì ànu ne mwoyi. Yéyè ùcìdì ànu umwèumwè awu makèèlèlè, leelù, too ne kashidi. Dìyì dicìdì ànu ne mwoyi.

<sup>163</sup> Nzambi, tùtùminèku Amòsà kampànda udi . . . wíkala mwà kutwa ku cyà Bulelèlèlà ne cìdì cijaalàme, ànyùkushè bintu ebi.

<sup>164</sup> Wèwè udi wamba ne: “Tudikù bafwànyine. . . Mbipeta byà mùshindù kaayi byùdì wela meeji ne yéyè mmufwànyine kwikala naabi?”

<sup>165</sup> Èè, yéyè's ùvwa mufwànyine kupeta bipeta, too ne mwikalàye mwà kubiikila bwònsò bàvwa Nzambi mudyànjile kulongolola bwà kubàbìkila abu. Ki bàdiye mufwànyine kupeta mbwòbò aci. “Bwònsò bàdi Taatù muMpèeshe nebàlwe.” Èyowà's.

<sup>166</sup> Miikà wàkadi kumpàla kwà Aakàbà, ne Aakàbà ùvwa mumukine. Musùmbà wònsò wà bambi ùvwa mumubènge. Ne bwòbò bwònsò bàvwa basònsòdiibwe, bwòbò pààbò, kàdi disonsodiibwa dyàbò kadìvwa dipetangana ne Dìyì to. Ndi ncinka ne, pàmwàpa, Amòsà wàkalenga cintu cìmwècìmwè aci.

<sup>167</sup> Pààkapàtukà baakwidi mu mùsèèsù, kwambabo ne: “Mpindyewu, anji indilà kakesè! Ncinyi—ncinyi. . . ? Ndeejaaku mikàndà yèbè yà dijaadikiibwa naayi. Mmu cilongelu kaayi mùdì mufùmìne? Mmu ndelàngànyi kaayi mùdì mupàtùkile's? Wèwè udi. . . ? Udi mukuvwije mwakwidi nganyi?”

Yéyè's mmufwànyine kwamba ne: “Nzambi ngudi mumvwije awu.”

“Udi wa mu cilongelu kaayi?”

<sup>168</sup> “Yehowàh Nzambi. Ndi ne EMU MMÙDÌ MUKALENGE WÀMBA.” Nebàmuteèlèjè anyi? Nànsha kakesè. Kabààkaswa kutèeleja mulùmnyànà awu to. Nànsha kakesè. Kabàvwa baswè. . .

<sup>169</sup> Kàdi, nànsha nànkù, bantu abu bàvwa bafwànyine kwikala bàmbè ne: “Mèmè ndi musònsòdiibwe. Èè, mèmè ndi wa mu èkèleeziyà munène wa Bàfaalèsà kaaba aka. Tàngilàayi numòne mùdì Nzambi mutùbènèshe. Tudi twasa byoshelu byà ngòlò munda amu. Tudi twasa ntempèlu. Tudi benze bintu byònsò ebi. Kàdi, kaa, wètù mulàmbù wà bumpàndànjlà mmunène

mutàmbe wà yònsò wa ku èkèleeziyà mikwàbò yà mu Yudaàya mwònsò amu. Èè, tudi twenza bintu byònsò ebi *kaaba aka*. Bantu bèètù's ke bafuci banène bàà byàdiikumi, ne byònsò abi." Kàdi nànsha nàнку MiiKà anyi. . .

<sup>170</sup> Amòsà kwimana mwaba awu e kwamba ne: "Nzambì unùdi nulàka mukana nwamba munùdi numukwàcila mudimu awu ngwànùbùtula." Ki kwenzekabi mùshindù awu.

<sup>171</sup> Mpindyewu, ncyèna mpiisha ndongamu yà bumpàndànjilà nànsha. Ncyèna mpiisha èkèleeziyà minène to. Kàdi, lutàtù mu bwalu abu lùdi ne, bantu bàdi bàtonona mèsù abo pa cyòci aci, ne pa . . . bàwumusha ku Dìyi. Nènku, ndekeelu wa byònsò, cidi cikulombola buludì ne mu cintu aci, nènku udisangana wenda uselemuka. Alùkilaayi buludì ku Dìyi. KanùumukuKù to. Kaa, mùshindù mwine utùdi tukengela lubila's we, lùfùmina mu cipèèlè leelù ewu. S'ncyà bushùwà ne ncilelèlè mpindyewu. Cyà bushùwà.

<sup>172</sup> Tubingilà tukwàbò ntwa ne, bantu bàdi bàlukakaja lungènyi. Mbaswe kulukakaja lungènyi. Ke cintu cyà kumpàla cyàkenza. . . Ke cyàkajimijà bwobùmwe bwà bukwabantu ncyòci aci, mpàakabweja Sàtaanà ndongamu wa dilukakaja dyà lungènyi bwà kulwisha Dìyi ne kadyèna nàнку to. Nènku kumvwikabi byà meeji's.

<sup>173</sup> Twànjàayi kwangata ànu Sàtaanà, cìvwàye mufwànyine kwikala mwambile Evà, pàakabàkàngila Nzambì munda ku Dìyi Dyèndè.

<sup>174</sup> Aci's ke cintu cìmwèpelè cidi Nzambì mwà kwikala mupèeshe cisàmbà Cyèndè bwà kubàkolesha kumpàla kwà mulwishi, cìvwa n'Dìyi. Yèyè kààkatùpaku twitabàayi kampànda to. Yèyè kààkatùpèeshaku cintu nànsha cìmwè to ànu Dìyi Dyèndè. Kwàjiki. Ne Nzambì kèna ne mikàlù to, ngwa ngulu yònsò, udi kàyì ùshintuluka awu. Yèyè kèna mwà kushintuluka to. Ndongamu Wendè wa kumpàla mmupwàngàne. Yèyè kèna ne cyà kucishintululakù to.

<sup>175</sup> Dipangadika Dyèndè dyà kumpàla, pàvwà muntu mwenze mpèkaatù ne mukòsòlòle ciinà cinène aci pankaci pèndè ne Nzambì, kàyì mudishìila njila wa dyalukidila to, Nzambì, mùle tètè ne luse ne ngàsà, wàkiitaba mupinganyi. Ànu Nzambì udi mùle tètè ne luse ne ngàsà ngudi mufwànyine kwenza cintu bu nàнку awu. Wàkiitaba mupinganyi, ne mwinè mupinganyi awu wùvwa mmashi. Ke mwaba wùmwèpelè wùvwàku muntu mwà kubwela cyàkàbidi mu bwobùmwe ne Nzambì, mmwinshì mwà mashi meela panshì. Nènku kakùtukù kwanji kwikala cikondo nànsha cìmwè cidi muntu mufwànyine kubwela mu bwobùmwe ne Nzambì to, ànu ku mashi. Nènku mbilelèlè ànu menemene, mùdiye ùbwela mu bwobùmwe ne Nzambì.

<sup>176</sup> Mpindyewu, Evà wàkashìya biibi bwàshì. Evà wàkabanga kulukakaja lungènyi. Sàtaanà kwambaye mùshindù ewu ne:

“Mpindyewu, wêwè udi. . . Kwêna mumanyè to. Kùtu mwanji kupeta kàlaasà kalonga nànsha kàmwè to. Mémè ndi mulongeshi wa mu sèminèrè kuntweku.” Wendè sungasunga. “Nènku, ndi nkwàmbila ne, tudi bayiilè bintu kampànda kuntwaku. Tudi bayiilè ne Nzambi mmwìmpè be! Tudi bayiile mu sèminèrè mwètù ne Nzambi mmwìmpè be! Kêna mwindile bwà wêwè kwenza byònsò bìdiYe mufunde kaaba aka nànsha. Kí ncidiYe mwindile to.”

“Èyo, kàdi,” mwàkambàye, “Mukalenge Nzambi ngudi mwàmbè.”

<sup>177</sup> Mpindyewu, mukàji’s ùvwa mufwànyine kwikala muyiishi mwìmpè, bu yèyè mwà kushààla pa Cyòci aci. Ke bwà cinyi mmupiishiilbwe bwà kwikala muyiishi leelù ewu. Nwamònu anyi? Mulamàayi kule naaci. Ncinyi cidi Amòsà mufwànyine kwamba bwà bwalu abu? Mwva’ kujinga kumutèèlejakù munda mwà tusunsa tùtaanu, ne kukwàta mukenji wèndè pa mukàbà wà mèyi’s. Ndi mufwànyine kuwùtèèka ànu pa mukàbà wà mèyi, kulekela buloba bujimà buwùtèèleja. Uh-huh. Dìbà adi ndi mufwànyine kushààla mupùwe naaci, kubangila ànu piinè apu. Mònaayi’s. Èyowà’s, mukalenge, yèyè’s mmufwànyine kucipiisha.

<sup>178</sup> Nènku mònaayi cyàkambàye. Mpindyewu, Sàtaanà wàkamba. . . Mpindyewu, yèyè kàvwa mwà kwenza aci ne Evà to, nudi bamanyè’s. . .

<sup>179</sup> Yèyè kàvwa mwà kwenza aci ne Adàmà to, kàdi yèyè wàkenza ne Evà. Ki kwambilayè Evà, mpindyewu ne: “Bwà mpindyewu kaayi nudi bamanyè bwalu *ebu*.” Yèyè ne: “Nudi bamanyè’s, ncyà bushùwà ne Nzambi mmwìmpè be bwà kunùtapa ku mwoyi. Nzambi. . . Ncyà bushùwà ne kanwàkufwà to. Udi mumanyè ne Yèyè ùdi Nzambi mwìmpè.”

<sup>180</sup> Tudi tuumvwa bàmba byà bwena abi bùngibi leelù ewu. Yèyè ùdi Nzambi mwìmpè. Kàdi, bwà kwikala mwìmpè, bikèngela ìkale mwakàne, kàbidi’s. Ke cidi cyèza ne Yèyè ìkalè mwìmpè ncyòci aci. Yèyè kàtu mutundùbile to. Yèyè ùdi Nzambi.

<sup>181</sup> Nènku mpindyewu: “Nzambi mmutàmbe bwìmpè bwà kukwenzela cintu bu nànkù.” Ke kubangayè, kwambayè ne: “Mòna’s, newikalè ne lungènyi. Neùpetè dilonga dyà tùlaasà. Newikalè ne meeji matwè ne lungènyi. Newikalè—nenùmanyè bintu binùdi kanùyì bamanyè mpindyewu to.” Nwamònu anyi?

<sup>182</sup> Bivwa bikèngela ànu bwà yèyè kumanya cintu ànu cìmwèpelè, ciinè aci cìvwa n’Dìyi. Kabyèna bikèngela bwà twètù kwikala ne dipòlomè dyà Licencié, ne Ph.D., ne LL.D., ne bintu bikwàbò byònsò ebi to. Manyàayi ànu Dìyi dyà Nzambi. Mwànà wa mutàmbe kupwekela, udi mwà kubala awu, udi mwà kucimanya, kumanya’s.

<sup>183</sup> Kàdi, dilukakaja dyà lungènyi, kàdi bàakapeta cinyi? Bàakapeta cinyi? Ànu mwaba awu bàakabyànkuka paanshi.

Nènku Sàtaanà ùvwa mumanyè ne apu ke pàakacimwinàye bukwàbantu. Ne apu ke pàtùye mubàcimwine kubangila díbà adi.

<sup>184</sup> Ki bwà cinyi Amòsà wàkalwa. Bwalu, dimanyika ne mmwenenu ya bantu bwònsò, ne mfùmù munène, mwímpè wa ditunga anyi mfùmù, ne wàkatwàla ditanta. Bantu nebàsùmbishè myoyi yàbò bwà dilòngù dyà nkùnde, bu Esawù. Ncyèna nteeta bwà kutàpangana ku mwoyi to, kàdi ndi nteeta bwà kuleleja bulelèlà.

<sup>185</sup> Nwènù ba-Démocrate's nudi basùmbishe makenji ènù à bwanààbutè ànu àbidi àdi paanshi aa. Ncyà bushùwà. Ne mémè ncyèna Républcain to. Ndi mwena Kilistò. Kàdi, mwanètù, mbundù kaayi ebu's wè! Kàdi kukèngelabi bwà kwangata màshinyi à diibila bwà kucìpìcisha ku masungula mùshindù awu. Kàdi aci's ke cyàkadi Àmèrikè muswè. Bàdi naaci. Yèyè ùtu pa ciibidilu ùnùpèèsha cinùdì baswè aci.

<sup>186</sup> Nzambi, mpèèshèku Dìyi Dyèbè. Ke cìndi mémè muswè ncyòci aci. "Ndekèlè nsokokèku Dìyi Dyèbè mu mwoyi wànyi, Mukalenge, bwà nciKwenzedi mpèkaatù to."

<sup>187</sup> Kaa, bakwàbò bàdi bàlukakaja ngènyi's. Kàdi, nwamònu's, Amòsà kàvwa mwà kulukakaja lungènyi to, bwalu yèyè ùvwa mupròfetà. Dìyi òvwa dílwa kùdìye. To.

<sup>188</sup> Byà mwomùmwe ne Dìyi leelù ewu, udi ne cyà kuDyùmvwija, lekèlè Nyumà Mwímpè àDyùmvwijè mu kuDishìndika mu nsòmbelu webè.

<sup>189</sup> Ke cyàkambiibwà aci's, cyòci aci, nudi bamanyè's, ke cyàkambilà Yelèmiyà mu—mupròfetà Hanàniyà awu. Wàkamba ne: "Pàdi mupròfetà awu wàkula, ne cidìye wàmba cìmwèneshiibwa, díbà adi mupròfetà's mmumanyika ne ùvwa mwámbe bulelèlà."

<sup>190</sup> Bu ne Amòsà ùvwa mwaba ewu, nudi nwela meeji ne yèyè ùvwa mufwànyine kwenza cinyi? Yèyè's mmufwànyine—yèyè's mmufwànyine kushààla ne Dìyi. S'ki cidìye mufwànyine kwenza aci. Nudi bamanye mùdi bwalu anyi? Yèyè mmufwànyine kutwambila ne tudi balongèshìibwe pambèlù pàà cishimikidi cyà Dìyi dyà ku cibangidilu dyà Nzambi. Yèyè mmufwànyine kutwambila ne tukàadi balalùke ku Èkèleeziyà wa kumpàla wa mpenta. Ke cidìye mufwànyine kutwambila twètù beena Mpenta ncyòci aci. Wàmba ne: "Mpindyewu, bàvwa ne bidimu bitwè ku makumi àtaanu bwà nwènù mene kufika mu cipidi aci, kàdi kanùtu ànu kacya bânji kufikakù to." Kaa, cidìye mufwànyine kwambila bantu bàà cyena màngumba ncinyi? Èè, kaa, ní kàvwà mufwànyine kufila aci, ní kàvwa mufwànyine kusùsulula maèkèleeziyà, bwà nsòmbelu yàbò yà masandi, bwà kwitaba twitabàayi, diya kashààla bàà mu èkèleeziyà pamutù pàà kulediibwamù's!



<sup>191</sup> Èè, wèwè mulediibwemù, mwanèètù wa balùme, mwanèètù wa bakàjì, udi wenza maalu mu mùshindù mushiilàngàne. Udi—udi ushààla ne Dìyi adi. Piikalàbi ne Nyumà Mwimpè udi munda mwèbè, Ùdi ùdiila ànu ku Dìyi. Yesù wàkamba ne: “Muntu kààkwikala ne mwoyi ànu ku dyàmpà nkààyadi to, kàdi ku Dìyi dyònsò,” kí nciitùpà cyà Dìyi to, “kàdi Dìyi dyònsò didi dipàtukà mukana mwà Nzambi.”

<sup>192</sup> Yèyè, mwikàle mupròfeta, ùvwa mufwànyine kumòna cintu eci munda mwètù. Cyà . . . Amòsà ùvwa mupròfeta.

<sup>193</sup> Mpindyewu nkaadi njikija, mu kasunsa kàmwè, kàdi ndi muswè kwenza bwà méyì à kadiwù aa àkwatè bu mémè mwà kucyènza. Mémè nèncyàmbè, ne bìdi bikèngela bwà Nyumà Mwimpè enzè ne cikwàte. Ndi muswè nnùkonkèku cintu kampànda.

<sup>194</sup> Amòsà yèyè mulwè kaaba aka dilòlò edi ne mwimàne pa cibumbà cyà ku cyambilu eci, bu yèyè mwà kuya tàmakàtàmakà too ne mu misèèsù yà mu Phoenix emu, ùvwa mufwànyine kumòna munda mwètù leelù ewu, mu myàndà yetù yà ditunga, mu bukwantèndeleeleu bwètù, mmufwànyine kumòna cintu ciine cyàkamònàye mu Sàmaalèyà aci: bàdifile mu kaabujimà mu nsòmbelu wa masandi, buumùke ku Dìyi dyà Nzambi. Ùvwa mwà kumòna cisumbù cyà batèndeleeedi bàà dikèma. Bàvwa, muntu ne muntu wa kùdìbo, beena Izàlèlèlè. Kàdi yèyè's mmufwànyine kumòna nsòmbelu wa—wa masandi, wa masandi. Mmufwànyine kumòna—mmufwànyine kumòna kanyawù kàà nsòmbelu wa mu bantu wa masandi munkaci mwà bantu. Mmufwànyine kumòna kanyawù kàà nsòmbelu wa masandi munkaci mwà, mu ditunga adi. Mmufwànyine kumòna kanyawù kàà nsòmbelu wa masandi kàà buumùke ku Dìyi. Yèyè's mmufwànyine kumòna masandi mu èkèleeziyà. Ncyèna muswè kwamba . . . Èyo, byònsò bibìdi; à mu mubidi, ne mmufwànyine kumòna masandi à mu nyumà. Mùshindù ùvwàbo bafwànyine kwikala bàngata twitabàayi yà bantu mwab'ewu, bu twitabàayi yà bantu, ne bàyitaba pamutù pàà Dìyi adi, aci's nkwenza kwà masandi à mu nyumà bàèndela Nzambi. Bwàkabuulwibwà 17 ùdi wàmba nànkù, bwòbò, mukàjì wa masandi ewu, wàkenza mpèkaatù, bwalu: “Ne binyangu byèndè byàkafikishàye buloba ku dinwà mvinjò wa cijji cyèndè cicolè aci.” Èyowà's. Tudi tumòna ne mbifwànyine kwikala ànu bishiilàngàne menemene. Yèyè mmufwànyine kucimòna, kanyawù kàà nsòmbelu wa masandi aku.

<sup>195</sup> Amòsà kààkadyulaku bukalenge to, nànsha nànkù. Tèèlejàayi. Amòsà kacya kààkadyulaku bukalenge to, mu Mifùndu yèndè yònsò. Kàdi wàkadyula bantu bwà disungula dyà bukalenge bu nànkù. Kaa, mvwa mwà . . .

<sup>196</sup> Nwàcyòku anyì? [Disangisha didi dyàmba ne: “To.”—Muf.] Èè, anji shààlaayikù ànu bakwàtè kasunsa kàmwè cyanààna.

Nwamònu anyi?

<sup>197</sup> Kanúdyulukù bukalenge bwènù to. Bukalenge kabwènakù mwà kwibakila nzùbu pa lubwebwe pàdi bantu beelè tukàndà bwà lusenga to. Bantu mbàdi bàciswe.

<sup>198</sup> Ne misangu yàbúngì ntu ngàmba maalu mu cyambilu, pàndi mumanyè ne bânà bèètù mbasòmbe mwaba awu, bambi, bantu bîmpè abu. Ntu nyiikila naabò, nya naabò mu ditumba kampànda. Nènku aci's mmudimu wànyì, bu mündi mumanyè maalu aa, bwà kwambila bânà bèètù abu's. Ki mêmè kuyiikila naabò. Bwòbò ne: "Mwanèètù Branham, tudi bamanyè ne wèwè udi mubingè, kàdi èkèleeziyà wanyì yéyè ùdi mwà kupàtuke." Nwamònu anyi? Nwamònu anyi? Bwalu mbwà cyùdi muswè aci. [Katùpà kàà mukàbà wà mèyi munda mutupù—Muf.] Nwamònu anyi? Kwèna mwà kucyènza to. Mbantu abu.

<sup>199</sup> Mpindyewu, ní nudikù mwà kwela meeji ne ndi mufwànyine kubanga nzùbu mu mùsèsù emu bwà kusùmbisha, bainàbànzà leelù, bisabaatà byà cyena kale, byà nshinga, bifiikila ne mu tupòmbò abi anyi? Bidi ne bisèbà byàbúngì mu byòbì amu kutàmba—kutàmba makàjiinyì majimà ààbì ntèntè leelù ewu, mukòlò ùmwè cyanàànà. Kàdi mêmè mubisùmbishe ku tuumeeyà makùmi àtaanu ku mukòlò ùmwè, s'ndi mufwànyine kufwà ne nzala. Bwà cinyi? Nwènù kanwèna babìswè to.

<sup>200</sup> Mêmè nsùmbishe jipè yà cyena kale, yà Maamù Hubbard ayi kùdi bakàji leelù ewu, nudi nwela meeji ne mbafwànyine kuyùla anyi? Nànsha kakesè. Mbaswè cintu kampànda cidìbo mwà kudipòngolwelamù, ciikàle ne mmwènekèlu wa dikòbà dilamika pa munyiinyi. Bwòbò—bwòbò mbaswè kwikala ànu ne byà bibàlamàte bikolè menemene. Bènda bapweka ne mùsèsù, mu milongo mitwè ku yinaayi anyi yitaanu nànkù awu mishiiàngàne, bibàkwàte kumpàla, bibàkwàte panyimà, kacya bàatadikila bifùka pa tulundu, mitù kacya myela muulu. Mbwena kwamba ne, ncyèna ne meeji à kwela bilèlè to. Ewu kî mmwaba wà dyelela bilèlè to. Kàdi aci's mbulelèlè. Ncyèna ne kàlaasà kîmpè kalonga to. Ki mùshindù wùmwèpelè wùndikù mwà kwakula dyànyì dîyi awu, kumanya, nudi bamanyè cìndi ngàmba aci. Nwamònu anyi? Mpindyewu, ncilelèlè. Kabàvwa bafwànyine kusùmba nkanzu ayi to.

<sup>201</sup> Dilòlò adi pa cibùmbà cyà ku cyambilu, mukàji mutekète wa ba-Indiens kulwayè mwaba awu. Mvwa muswè kumulabulakù ku cyanza cyèndè cikesè aci. Lwà ku èkèleeziyà wa Mwanèètù Groomer kwàka, anyi ní mpenyi. Úvwa mulwate nkanzu ànu mùvwa maamù wanyì ùlwàta amu. Mêmè kudyàmbidila ne: "Èè, mwoyi wèbè wùbeneshiibwè, inàbànzà." Ke Mukalenge kumwondopa ànu mwaba awu mene, kumpàla mene kwà kufikayè kùndi. Yèyè... Nwamònu anyi? Mêmè kudyàmbidila ne: "Mbîmpè mene mêmè—mêmè—mêmè kushàala ànu mupùwè." Nwamònu anyi? "Indilaayi ànu too

ne pààlwà mpùngà awu, misangu mikwàbò.” Nwamònu anyi? Nènku’s ki yèyè awu.

<sup>202</sup> Èè, kwèna mufwànyine kusùmbisha nkanzu ayi to. Udi mufwànyine kuyisùmbisha kùdì Indien kampànda, kàdi kí nkùdì bààbùngì bààbò to. Bàdi ànu munkaci mwà kudilekelela bu bakwàbò abu. Nudi ne ndongamu mipite bùngì cyanààna yà ku télévìsion. Nènku bàna bèènu balela bàpàtuka, ne bàmwè bà ku balongeshi bàà tùlaasà bàà cyena leelù, bàà batòòke aba bàbwela, ne lukutukutu lukwàbò lwònsò elu. Bivwa mwa kwikala bitàmbe bwìmpè, nwènu biikale bu kale wàwa mùvwà Sitting Bull ne bwòbò abu, kukaadi ntàntà mule.

<sup>203</sup> Mu Àfrikè, patùvwà ne cisà cyà bafìike kuntwaku, cidìbo bènta ncinyi? Bàyaaya kuntwaku, bampàndànjàlà abu, bìdi ànu dibala, difùnda, ne makumi. Pàdiye...Mòna’s, bwòbò, mbamanyè byàbùngì pa maalu à bukàlàngà, mu bifuku byàbò amu, kunùtamba munùdiku, kutàmba mùdi bwena Kilistò mwà kubàtwàdilawù. Ncyà bushùwà. Umwe wa ku bakàji abu kuntwaku, yèyè wa mu cifuku cyà ba-Zùlu, yèyè mwindile too ne mu cikondo cyà kubwelayè mu dibàkà, ne kàyì mubwele to, kakùyì muntu mumusèle bu mukàjèndè to, ùdi ne cyà kupàtukamù. Kacyèna kàbidi wa mu cifuku amu to. To, mukalenge. Ne pàdiye usèdiibwa, bàdi bàteeta buvirgò bwèndè abu. Nènku bwòbò bamusangàne mupùile, ùdi ne cyà kwamba mulùme udi mumumanyishe maalu awu, nènku bùbìdì bwàbò bàdi bashipiibwa, pàmwè.

<sup>204</sup> Bu twètù ne mukenji wa bwena awu’s kùvwà mwà kwikala dishipa bùngì cyanààna munwemu emu. Kanwèna nwela pèènu meeji nàнку anyi? Ncyà bushùwà. Kakùvwà mwà kwikala bajiiki bàà bitalu bùngì bukùmbàne bwà kujiika balùmè ne bakàji to. Cyà bushùwà’s. “Kàdi wèwè’s udi mufwè, twamb’eku twamb’eku, kàdi kùyì mucìmanyè to.” Nàнку’s ke lutàtù lùdiku alu. Nwamònu anyi? Kàdi mpindyewu, mbyàbùngì be, ncyà bushùwà.

<sup>205</sup> Dìbà adi cyùdì wenza ncinyi? Bàdi bàya naabo kuntwaku ne bàbàlongesha tùlaasà. Dìbà adi udi ubàsangana mu mùsèèsù. Bàdi ne yàbò mpèkaatù yà cifuku, yìvwàbo naayi; kàdi babwela, bàngata mpèkaatù yà batòòke; ne pashiishe bàdi bàna bàà mu ifernò misangu dikumi kutàmba mwàkadibo kacya kwònsò eku. Cintu cìmwèpelè cidì cibàkèngelà n’Kilistò bwà kushààla mwaba wùdìbo awu. Cyà bushùwà.

<sup>206</sup> Ke mùdìbi ne Indien wetù wa mu Àmèrikè ewu. Muntu kampànda ùndiku ngùumvwila luse, mu ditùnga emu, ùdi ng’Indien awu’s. Ncyà bushùwà ne kabàkapeta cyà nsongo mu ditùnga edi to! Ncyèna...Mèmè ndi ànu muntu umwèpelè cyanààna, kàdi ndi mutwè ku cyàbò. Èyowà’s, mukalenge. Bu Mukalenge mwà kumbiikilakù mu madimi à dikwàta dyà mudimu mùshindù ewu, pààjikà Mukenji wànyì, Yèyè

mundekele nshààla ne mwoyi ntàntà mule, nyaaya ku ba-Indiens. Èyowà's, mukalenge. Èyowà's, mukalenge. Ekèlekèle!

207 Tudi tumòna cìvwà Amòsà mwà kwenza pàakeelàye lubila. Ndongolwelu wetù yònsò nkòong's mmufwànyine kupiishiibwa. Ncyà bushùwà ne kí. . .

208 Bukalenge kabwèna mwà kwibakila (ke cìmvwà ngàmba's) pa lubwebwe to, pàdi ditùnga dìsungula lusenga.

209 Mmunyì munwìbakilà èkèleeziyà wenù pa Lubwebwe? Mmunyì mwikalà muyiishi mwimàne mu cyambilu ne ùyiisha Lubwebwe, ne kuciibakila pa bishìmikidi byà Èvànjeeliyò mu kaabujimà, pàdi batèeleji bèndè, bàmwè bàà ku bantu bèndè kuntwaku, bafwànyine kumwela pambèlù? Mpindyewu, ndi ndyula muyiishi bwà mùdiye kàyì ne bukitù, ne Nyumà wa Nzambì, bwà kukangakù ànu ciibi, kwamba ne: "Kebaayi muntu mukwàbò wìkala mwà kutwa cintàkanyì aci nyama ku mikòlò bwà mèmè twatàmba nkàshàmà." Ndi—ndi ngànyisha muyiishi udi mufwànyine kwenza nàнку awu.

210 Kàdi dyàkabi kùdi disangisha adi pìikala muntu mulaaba maanyì wa Nzambì ùteeta kubàtwàdila Dîyi, ne pashiishe kabàyì baswè kudìlongamijaPù. Ncyà bushùwà. Mmunyì mwènzàye bwà kupeta èkèleeziyà udi mapà wònsò citèemà awu àkwàtamù mudimu, ne bikwàbò, ne pashiishe, bwòbò ne aci, ne èkèleeziyà kàyì mene—mene ne nsòmbelu wa kalolo ne wa bukàlàngà to, kabàyì mwà kuyiila ABC wa Èvànjeeliyò awu? Dìbà adi wamba ne: "Bu mèmè ne muyiishi mutàmbe bwìmpè!" Mòna's, cilèmà ncyèbè. Ncyà bushùwà.

211 Ncilemà cyà ditùnga dyètù, beena Àmèrikè bèètù aba, twètù bàvwà balwile mwaba ewu bwà budìikadidi bwà ntèndeleeleu. Ku cinyi? Kàdi's ntwètù aba bààlùkilemù buludi, ne babweje mu cimenga cyètù cikùlù cintu ciine citùvwà balwile munwemu bwà kusùuludiibwakù aci.

212 Ditùnga edi dìdi mu kaabujimà ànu mwàkadi Izàlèlèlà amu. Bwòbò, Izàlèlèlà, bààkabwela mu Pàlèstina, kwipatabo beena kalaba ne kwangatabo buloba abu. Cyà kumpàla, bàvwà ne bantu kampànda bìmpè—bìmpè, bantu kumutù kwàbò. Bàvwà ne Davidi, ne Solòmò, ne bantu banène. Ndekeelu wa byònsò, paanyimà pàà katanci, kutungunukabo ànu ne kusungulamù, ne kusàkamù, ne kusungulamù, too ne mwàkapetàbo Aakàbà kuntwaku, wàkasèla mumpàngaanù awu. Mpindyewu, Aakàbà ùvwa muntu mwìmpè wa dikèma. Wendè. . .Kaa, yèyè—yèyè ùvwa muswè kwenza cidì cijaalàme, kàdi kàvwa mwà kwenza cidì cijaalàme to, bwà mukàjèndè awu.

213 Mpindyewu, ncyèna mbèngangana ne muntu mwena bùmvwà ngàmba kùkaadi ndambù wa tusunsa awu to. Yèyè mmufwànyine kwikala muntu mwìmpè. Kàdi bwalu mbwà ndongolwelu wa ndumbà udi paanyimà pèndè awu, udi umucyùngulula nshingù. Ke cintu ciikala mwà kucyènza aci's.

Ubwelamù ànu bipeepèlè pèèpelè, mùshindù awu, ne kuntokola cintu cijimà aci paanshì.

<sup>214</sup> Nutukù bamanyè ne tudi—tudi mpindyewu... Dibànzá dyètù dyà ditunga ndinène dyà dikèma, mu mùshindù wa tukàadi tufuta mfranga misomba, ne bitàdi bitwikalà mwà kupeta paanyimà pàà bidimu dikumi ne binaayi kutwadijila ku leelù ewu. Ciikalà mwà kwenzeka ncinyi pìikalà ndongolwelu ewu mwà kubwayika?

<sup>215</sup> Castro, cyà bushùwà ne, ncitu mpetangana nendè to. Yèyè's n'communiste. Cyà bushùwà. Mémè ncitu mpetangana nendè to. Kàdi yèyè wàkenza cintu cimpè pààkashintululaye lupetu alu ne kwaluja ngòlò awu, kutwala mikàndà yà mpetu ayi kàdi kwaluja ngòlò awu.

<sup>216</sup> Nebikèngelè bwà twètù kwenza nàнку, cyanàana netùkungamanganè ne cintu cimwèpelè, mbwena kwamba ne, èkèleeziyà wa Kàtòlikè ùdi ne bubanji bwà buloba bujimà. Ùdi ne mfrangà ayi. Ùdi ne ngòlò, bwà kusumba cyàkàbìdi mikàndà yètù yà mpetu ayi. Aci's mmwòmò menemene. Nènku nudi nwela meeji ne benji bàà whisky aba, ne benji bàà mfwanka, ne bantu banène bàà mu ditunga kabàakudisumbisha, bwà kubènga kujimija mishinga yàbò ne kushintulula lupetu anyi? Nebàalukile buludi bwà kwangacila mfranga ayi kùdi èkèleeziyà wa Kàtòlikè, ne díbà adi ditunga ndimana kusumbisha. Ncyà bushùwà. Bible kí mmudyànjlile kwamba ne: “Bubanji bwà buloba anyi”? Mémè ncyèna mwena cidiidi to, anyi muntu wa meeji matwè to, kàdi ndi nsàkidila Mukalenge mùndi muMumanyè. Nènku aci's ncyà bushùwà. Ki mwaba ùdiye ùkashàala ngwòwò awu, mwaba awu mene. Nwacitàbaleelaayi. Nwatàngilaayi bwà numòne ní kí ncyà bushùwà. Anu... Ndi ntèkemenè ne twètù bwònsò netwikale ne mwoyi too ne ku dicimona, ne ncyèna ngèela meeji ne netwikale ne cyà kwikala ne mwoyi ntàntà mupitèpìte bule to.

<sup>217</sup> Kàdi nenwenze munyi? Mmunyi mutwibakà èkèleeziyà? Mmunyi mutwibakà ditunga? Mmunyi mutwibakilà ditunga pa cyòci eci mpindyewu? Citwenzà ncinyi pa bwalu abu?

<sup>218</sup> Pàmwàpa mbimpè bu mémè mwà kupùwa, kuya mungà mwaba. Kàdi, nudi bamanyè's, nkàadi mwambè bikumbàne mu mùshindù wà ne nudi bamanyè cindi ngamba aci. Nwamònu anyi? Nudi bamanyè cindi muswè kwamba aci.

<sup>219</sup> Tàngilàayi citùdi baswè. Nwènù, nudi numòna cinùdi nukèba aci anyi? Ke cinùdi nupeta's. Ke majinga ènù awu's.

<sup>220</sup> Tàngilàayi ndongamu yètù yà ku tèlèviziyò leelù ewu, kayiyi mikenketa to. Kale wàwa, bivwa bibi bwà bàna bèètù balela, katùvwa mwà kubàlekela bàya mu—cimenga bwà kumòna filimà yà mwisù, ne—ne sèndemà to. Kàdi mpindyewu dyabulù mmukudimune ànu aci eku ne eku ne—ne kucivwija tèlèviziyò, kàdi kucishikika mu nzùbu ne nzùbu yònsò.

221 Nènkú aci's ncifwànyine kwikala ànu cîmpè, tèlèviziyò ùdi ànu mwîmpè, wèwè ne cintu cijaalàmèmu. Cyà bushùwà, mmwîmpè.

222 Kàdi cyùdi wenza ncinyi? Cikaadi cyènda cibola ku dîbà ne ku dîbà, bàtèèlakù dîna dyà Nzambì, bàdicîpa, bèèla milawu, bakàjì butakà, byenzedi byà nsòmbelu wa masandi, abi's bìdi bijànga meeji à bânà aba, mu mùshindù wà ne tudi bakoleshe musùmbà wa baa mùyàpàndì, ncyà bushùwà, beena cikisu. S'mbulelèlè ànu bwà menemene ebu. Mbipicîlwe ne wèwè mucitàbalèèlè's.

223 Ditùnga dyètù dijimà ndyènda dishààla musùmbà wà beena cikisu. Nsongààlùme kanà yònsò wènda ùnyunguluka ne mupanù wèndè mulembeleja cintekèsha mu cifukà cyèndè amu, ne mutù mutèèka pa dikoshi, ne nsuki yèndè milembèlèle mitwè mu dikoshi bu cisuba cyà nsuki yà Mandamu Kennedy, ne wènda ùnyunguluka mùshindù awu, mwenze bu mwena cikisu, kàdi pashîishe wèwè kubîikila aci ne mmwena Àmèrikè? Udi mudîshinde mupangile ngàsà. Nyingàlálà wàlukilè kùdi Nzambì, bwà cyanàànà ufwàfwa. Ke bwà cinyi, tudi—tudi baswè kupetakù muntu kampànda mwab'ewu wîkala mwà kutùlekela twenza cyònsò citùdi baswè kwenza aci. Ncyà bushùwà.

224 Ke mùdîbi ne maèkèleeziyà nànkú awu. Mbaswè kusungulamù mpaasàtá, kî mpaasàtá wîkala mwà kwimana muntwamu kàdi kubàtuuta ne Evànjeeliyò nànsha. Kàdi mbaswè muntu kampànda wa ùbàlekela bàdyolwelakù mu tulàmbà twà kwowa naatù màyi, ne banayakù mubèlè mu nzùbu wa mwînshì mwà buloba, kàdi biikale ne nsòmbelu wa mùshindù wònsò ùdîbo baswè awu, ndongamu yà ku tèlèviziyò yà bisanji bìdì kabîyi bikenketa to, byà busenji ne bukooyà, bisangîsha èkèleeziyà ne maalu à buloba pàmwè.

225 Kabyèna bikèmesha to pàvwà Amòsà mwà kwela mbilá mikolè bwà kulwîsha bintákanyì abi. Nudi nwela meeji ne bantu mbafwànyine kumwakidila pàdîbo basungula cintákanyì aci apu anyi?

226 Mpaasàtá yèyè muyiishe mupicîshe pa tusunsa makumi àbìdì, kasùmbù kàà balubuludi kàdi kamubîikidishila mu cibambalu amu kàmba ne: “Tàngila kùnweku, wèwè mpaasàtá. Ka—katùvwa bakubîikidîshe apa bwà kwenza cintu cyà mùshindù awu nànsha. Tutu ne ndongamu wa tusunsa makumi àbìdì. Pàdîtu tujika, lekela bantu bàye.”

227 Cìdì cimukèngela kwenza nkwela musùmbà wà balubuludi abu pambèlù pàà ciibi, kàdi kwangata Bible ne kuyiisha butùku bujimà abu, mwàkenzà Pòlò amu, ne kumòna dibîishîibwa dyà ku bafwè. Menemene's. Pàdîbo bàmwelè pambèlù pàà nzùbu awu; masangu à mùsèèsù àdi ànu mîmpè. “Nzambì ùdi ne bukolè bwà ku mabwe aa . . .”

228 Tèlèviziyô, sèndèmà yà kayiyi mikenketa to, yà manyaanu, yà bukooya, kàdi kubivwija citembelu. Tàngilàayi bânà bèètù bàà bitende leelù ewu's. Tàngilàayi bânà bèètù bàà bakàji. Mònaayi bânà bakesè menemene bàdi báfùmína mu kàlaasà, kabàyi banji kupicisha bidimu bisambòmbò, mwandamutekète, mwandamukùlù nànsha, bafwimishangana ne mfwankà. Bwà cinyi bìdi nànkù? Pàmwàpa baamamwàbò bàakacyenza kumpàla kwàbò. Bu bwòbò kabàyi bacyènzè to, dîbà adi bàmwè bàà ku bânà bàdi bàdisanga naabò. Tabaleelàayi bàdi bânà bèènù balela bânàya naabù. Ncyà bushùwà. Mwaba ewu dikwàbò . . .

229 Kùkaadi cikondo kampànda, mukàjàànyì mmucimanyè, tuvwa basòmbe ku mèèsà. Ke Joseph wanyì mutekète ewu kulàsula mwákù wà mufwànyìne kwenza mwendeshi wa màzuwà mukwàcike maala yònsò ewu bundù. Mémè kukènzakana. Mémè ne: "Ncinyi aci?" Ki mamwèndè kwambayè kuuminayina's. Kakwàcikwètù aku kumwekakù bu ne kî nkamanyè bwalu to.

230 Yèyè ne: "Mbwalu kaayi ebu's, papa?" Ne binsonji bìmutùnkumuka mu mèù.

231 Mémè ne: "Kwàmbi cintu bu nànkù to." Yèyè kàvwa mumanyè ne cìvwa ncinyi to. Mémè kufika ku dijandula ne, bânà bàà mu tùlaasà bàvwa bàmba mwákù wà manyaanù awu. Mémè ne: "Munanga wanyì, abi mbyà dyabùlù."

232 Nwamònu's, ki bwalu mbwòbù abu's, bânà bèènù balela. Mbikafikè ànu mu mùshindù wà ne, mwanèètù, mu mùshindù wà ne cìdi ànu kabwà kàsùma kabwà, cinkùtunkutu mùyòmbelè cyà mpèkaatù. Kaa, ekèlekèlè! Ndongamu yà ku tèlèviziyô, banangi bàà mpèkaatù, banangi bàà bisànkasanka! Kaa, ekèlekèlè!

233 "Tusunsa makumi àbìdi ntukùmbàne. Bìkèngela nkamòne sèndèmà wa ndekeelu." Nwamònu anyi? "Lwijàkàjà bwà ùbàpàtulè. Bìkèngela ncyènzè." Nwamònu anyi? Mbamane kwenza ntèndeelèlu wabò. Kupwekabò kuntwaku, ne aci's ncikùmbàne.

234 Kàdi, ndi nzwàmbila ne, mulùme mulelèlà anyi mukàji udi mulediibwe kùdi Nyumà wa Nzambi neàsombè mèbà ne mèbà, ùnwa ànu Dìyi dyà Nzambi. Kí ng'ànù aci to, kàdi pàdici cituuta mwaba awu, cìdi cyèla lwongo ne cishintulula mwoyi. Amen. Eyowà.

235 Mmajinga à cisàmbà cyètù. Ndongolwelu wetù yònsò nkòong mmunyangùke ne mushààle wa kanyawù. Ndijinga dyà cisàmbà cyètù.

236 Angàtabi muntu mwímpè, twambe ne, bu mùdi mulùme mwímpè, ùmutèèke mu dîkù dyà musùmbà banangi bàà bisànkasanka, nebàlombòle muntu awu mu nsòmbèlu wa kabwà; anyi, mukàji mwímpè, ewu anyi mukwàbò, nubàtèèkè mu dîkù dyà disopàkàne. Mòna's, s'bìvwa bikèngela bwà dîkù dijimà

adi kudilekeleladi kùdì Nzambi. Abu mbutùtàngile twètù bwà kusambila, too ne pààsungidiibwà bânà bèètù balela, kulama nzùbu wetù mu bulongàme. Èyowà.

<sup>237</sup> Tudi bu mwàkenza Izàlèlèlà amu, wàkenza cipungidi ne beena lukunà bèndè awu. Dyàmbedi, bìvwa bikèngela bwà kwanjibo kuumuka ku Díyì kumpàlà kwà bwòbò kucyènza. Nènku bìdì ànu bìleeja mùshindù ùdì Àmèrikè muyè kule ne Díyì.

<sup>238</sup> Nudi bamanyè's, bikèngela bwà wèwè—wèwè kuvila bulelèlèlè kumpàlà kwà wèwè kwitabuujà mashimi. Ncyà bushùwà. Mmwòmò menemene. Byàkakèngela dyàmbedi bwà Evà kuvilayè Díyì dyà Nzambi kumpàlà kwà yèyè kufùdishà bwà kwangata mashimi à Sàtaanà. Byàkakèngela bwà kuumukabò ku Díyì musangu awu, byà mwomùmwe mpindyewu, kulekela Loomò ùkòòkesha kakùyì cingoma cidilè nànsha. Kí mbamanyè Díyì dyà Nzambi pa maalu aa to. Ki lutàtù lùdiku alu's.

<sup>239</sup> Bìdì bìtùkèngela dijuuka dyà mupròfeta mulelèlèlè, bwà kutwàluja ku Díyì. Ncyà bushùwà. Mbatùlayè umwe. Mbatùlayè aci. Èyowà's, mmwòmò. Maalàkì 4 mmwàmbè ne neálwe. “Ne yèyè neálujululè Diitabuujà dyà bantu kùdì baataatù bàà mpenta abu cyàkàbìdì.”

<sup>240</sup> Amòsà ùvwa mumanyè ne banangì bàà Izàlèlèlèlè bàvwà kabàyi bàneemeka Nzambi abu dínghà ditùkù bàvwa mwà kumubùtula. Mpindyewu lekèlaayi ngàmbè bwalu ebu ne kaneemu kààbùngì. Ke mùdì kàbìdì mwena kwitabuujà leelù ewu mumanyè ne maalu à pa buloba, banangì bàà Àmèrikè bàdì kabàyi baneemeka Nzambi aba, nebàmubùtùle. Dinanga dyèbè dyà cidiidi! Nèngànji ànu kulekela aci cyèla lwongò katanci kakesè. Aci's necibùtule ditùnga. Ne dinanga dyèbè dyà maalu à pa buloba, kùyì upetangana ne Díyì ne uteeta kwenza cidì cijaalàme to, nebìbùtùlè èkèleeziyà. Aci's ncyà bushùwà menemene. Ndi ntèkemena ne aci ncyumvwike. Èkèleeziyà ùkaavwa muMulekèle, mulekèle Díyì Dyèndè dyà Mwoyi. Buloba bujimà bùtòndokelakù, ànu bu dibwe dyà cilèndwìshà. Bàdì bènza cintu cimwècimwè aci leelù ewu. Èyowà. Bu ne Amòsà ùvwa mwaba ewu, ùvwa mwà kulwìsha ndongolwelu mujimà ewu ne mbilà mikolè.

<sup>241</sup> Mpindyewu, bwà kujikija, ndi muswè kwamba nùnkù ewu, mu mvensà wa 8. Tèèlejàayi ne ntèmà. Yèyè wàkamba ne: “Ntambwe yèyè mukungùle, kàdì wabènga kuciina pàdì ntambwe ùkungula ke nganyì's?”

<sup>242</sup> Ne nkàadi mulembèlèmbè nyama yà ntambwe. Ntambwe kàdì ke mfùmù wa nyama. Mu Àfrikè mwàmwa nkaatu mulààle pambèlù mu bipèèlà abi amu, mu mèbà à bufùku, mu tusoosà twà twipitwipi atu, anyì cìvwa tucyacì twèbè twà tùlamatangana atu.



243 Ntambwe neàtupikè buludì kumpàlà kwà cingoma kampànda cìdì munkaci mwà kutuucika. Kèna ùciciina to, kàdi kààkuya pabwìpì ne dyèbà to. Nukàadi buumvwe mwanu mwela awu's. Kàdi, aci's ncilelèlè, ntambwe kàakuseemena pabwìpì ne dyèbà to. Badi bàasa mitàndà yà mèbà miimanyika mùshindù ewu, nènku ntambwe kàakudyèlakù to. Bwà cyanàànà, ùdi mwà kufikakù, kudítwamù buludì.

244 Billy ne mèmè. Ndi mvùluka ne tuvwa badyadije pambèlù apu dilòlò kampànda, kàdi kuumvwa mùdì mukana mwèndè munène amu mùbwayika mu nyungulukilu amu, ntàntà bule *nunku* ne mutù wànyì, nwamònu's, kàdi yèyè—yèyè kàvwa mufwànyine kuseemena pabwìpì to. Dikama dyèndè dinène dyà kale adi, diipacila bunène *ebu*, dyènda dinyungùlùke mwaba awu.

245 Kàdi udi mwà kuumvwa myadi yà mìshindù yònsò yà kùdì bimungu, cimungu cìdì cìseka, cimungu cìdì cyela mbilà, ne—ne bìdi—bìdi byèla mikunda. Ne—ne umvwa nsokò yà mpùlumbà, tuunsokò, ne—ne maagirafè, ne nzevu miikale ne dididila dyèndè dinène dyà mu mènù adi ne “nyekèè.” Udi mwà kuyùmvwila mu ntàntà mile. Ne bìshiishi ne bijàngàlàlè byà mishindù yònsò byènza mitooyi yàbì ayi. Kàdi ntambwe àdidingè ànu àkungulè mu ntàntà mule, too ne bijàngàlàlè bìdi bìlekela didila. Bìdi bìtèèleja. Bwà cinyì? S'mfùmwbì. Bìdi bìmutèèleja.

246 Bible mmwambè ne: “Pàdi Nzambì...Pàdi ntambwe ùkungula, nganyì wabènga kuciina? Nènku pàdi Nzambì wàkula, mmunyì mutùdì mwà kubènga kwamba cipròfetà?” Mmunyì mutwàpangà kucyàmba's? Pàdi Nzambì wàkula, mupròfetà ùdi ùkòbola Dìyì dyakula. Nènku Dyòdì diikale Dìyì dyà Nzambì. . .

247 Nènku pàdi ntambwe ùkungula; bijàngàlàlè, bukwàbintu byònsò, bìdi bìshààla cinyàànyà, bwalu mbikwàcike bwòwà. Wàbì—wàbì—wàbì mfùmù ngudi—ngudi wakula awu's. Bìdi ne—ne cyumvwilu cikùmbàne, ne dikàmàkàmà, ne buneeme bukùmbàne, bwà kutwàbì wàbì mfùmù mushinga pàdiye wàkula apu.

248 Pa nànkù, Nzambì ùdi wàkwila ku Dìyì Dyèndè, nènku cìfùkìbwà cyònsò cyà mu bufùkì Bwèndè citàbaleela. Ùdi wàkula mu matùkù à ndekeelu aa. Ùdi munkaci mwà kupàtula Dìyì Dyèndè. Ne cìfùkìbwà cyònsò cìdì mu Bukalenge Bwèndè cìtèyè ntèmà ku cìdìYe wàmba aci. Cìimanè. Cìkenketè. Ùdi munkaci mwà kùkungula mpindyewu, ùkungwila ku Dìyì Dyèndè dishindika. Ùdi munkaci mwà kuDìmanyisha. PàdiYe ùkungula mu matùkù à ndekeelu aa, tütèyàayi ntèmà, ne tumanyè ne kùdì cintu kampànda cyàmba kwenzeka, bamanyè ne Nzambì kacya kàtu wènza nànkù pàdiye kàyi Mukungùle dyàmbedi nànsha. PàdiYe ùkungula apu, dìbà adi cintu

kampànda cìdi cilonda mukungulu awu, èyowà's, bwalu Yèyè ùdi ùpàtuka dībà adi.

249 Kwambayè ne: “Bìdi mwà kwenzeka ne—ne... Bìdi mwà kwenzeka ne ntambwe àkungule mpindyewu kakùyi bwalu anyi? Ntambwe ùdi wèla mbilà, mu nyòngòlo amu, kumpàla kwà kàyi mukwàte cintu kampànda anyi?” Nwamònu anyi?

250 Nzambì ùdi ne kabingila bwà kukungula, bwalu Yèyè mmumanyè ne cilumbulwidi cikaadi pabwìpì. Nènku, Dìyì Dyèndè, Dìyì Dyèndè didi mupròfeta. Yèyè ùdi nàнку. “*Eci* ncipròfeta cyà Yesù Kilstò.” Ndbuulula, Nzambì ùDìbuulula kutùdi mu Dìyì Dyèndè difùnda. Ne Yèyè ùdi Dìyì. Nènku, mpindyewu, *eci* n’Dìyì Dyèndè. Cintu nànsha cimwè kacýèna mwà kusàkidiibwaKù anyi kuumushiibwaKù nànsha, kàdi Didi ne cyà kutèekiibwa mu cyenzi ne kwolodiibwa ànu mùshindù ùdiDi awu. Katwèna mwà kudidìnga, kuumushilaKù kantu anyi kuKùsàkidila kantu to. Nzambì ùcìdi ànu Nzambì. Ùdi ùkungula.

251 Yèyè wàkamba ne: “Ànu mwàkadibi mu matùkù à Noà, ke mwikalabi kàbìdi ku dilwa dyà Mwànà wa muntu. Bàvwa bàdya, bànwà, bàsèlangana, bàsèleshangana, byenzi byà masandi.”

252 “Ne ànu mwàkadibi mu matùkù à Lotà amu,” kulwaYè Yèyè mwinè mu mubidi wà musunya, ne kudìshindikaye Yèyè mwine mwikàlekù kùdi Abraham. Wàkamba ne: “Ke mwikalàbi kàbìdi ku dilwa dyà Mwànà wa muntu.” Tàngilàayi bintu ebi. Makènke à dilòlò àdi àteema.

253 Kaa, bu ne tuvwa ne Amòsà mu cyalu leelù ewu, àdìdìngèbi ànu àkungule, mmufwànyine kutonokela ndongolwelu yètu ne bilèlè byètu, ne Dìyì dyà Nzambì nùnkù's ndyèndè mu bucimùnyi.

Tùsambilàayi.

254 Taatù wa mu Dyulu, akùlaku kàbìdi. Kungùlaku, Mukalenge, ne Nyumà Mwìmpè. Yèyè ke Mupròfeta wa dībà edi. Yèyè m’Mupròfeta wa ditùkù edi, ùteeta bwà kupeta njila Wendè mu myoyi yà bantu balùme ne bakàji, bwà Wàmòna mwà kwamba Bulelèlè. Ndi ne disànkà bwà mùdiYe munkaci mwà kupeta bàmwè. Ndi ndòmba, Taatù wa mu Dyulu, bwà Àpetè bààbùngi kaaba aka dilòlò edi, bwà Wàmòna mwà kukwàta mudimu ne muntu udi mudìlongòlòle bwà kwikala ne kaneemu. Pàdibo bumvwa mukungulu wà Nzambì wa bukòlè bwònsò ùpatuka ku Dìyì Dyèndè, cilumbulwidi cikaadi pabwìpì.

255 Pàdi ntambwe ùkungula, ùdi ùpàtuka. Cifùkiibwa cyònsò—cyònsò ncimanyè ne cìmpè cyà kwenza nkusokoma, bwalu mfùmù ùdi munkaci mwà kupàtuka.

256 Nzambì, tudi ànu ne mwaba wà dikùbiibwa ùmwèpelè, pàdi Mfùmù wa bamfùmù ùkungula, mwinè awu ke Mashì à Yesù Kilstò awu. Tudi ne mwaba wà dikùbiibwa. Ndi ndòmba, Taatù

wa mu Dyulu, bwà Wèwè kwakulaku ne myoyi dilòòlò edi. Nènku bàmanyèku ne bàdi ne mwoyi mu mindidimbì yà Dilwa dyà Kilstò, pàdi matungà munkaci mwà kukòsoloka, ne bintu bidi munkaci mwà kwenzeka, byà cìdibo. Kàdi, nànsha nàнку, mu luse Lwèbè lupòlòbèle alu . . .

257 Tudi benze mpèkaatù bikolè be, bidi bìmweka bu ne Udi mufwànyine kutùkoma nyimà, ne kutùlekela tupàmbuka. Kàdi, nànsha nàнку, ànu Múvwà kale mu Edènà amu, Udi useba njila wa dipàndukila. Wákasebela Noà njila wa dipàndukila. Wákasebela Mòsà njila, ne Danyèlè, ne bânà bàà beena Ebèlù. Wèwè, Utu useba ànu njila díbà dyònsò. Ne aba bàdi bàMupeta, bàdi bèndela mu Bukènkè bwà Nzambi ne bàdi ne Mwoyi. Aba bàdi bàMubènga, mbapiishìbwe ne biipàciìbwe.

258 Ndi ndòmba, Taatù wa mu Dyulu, kakwikadikù nànsha umwe wa ku bàdi kaaba aka dilòòlò edi aba, udi mwipàciìbwe to. Swàkù bwà bùmvwèku mukungulu wà Nzambi ne kalolo kwònsò, Nyumà Mwìmpè mwikàle wàkula munda mwà myoyi yàbò, wàmba ne: “Ki Mémè ewu. Kanùciinyi to. M’Mémè.” Bwalu tudi tulòmba nùнку mu Dìnà dyà Yesù. Amen.

259 Nèngìikalè mwà kwenza dibìikila dyà ku cyoshelu bwà tusunsa tutwè ku dikumi. Ndi pashìishe ndambù. Kàdi ndi ngèèla meeji ne Billy mmwabànye twartà twà disambila kùkaadi ndambù wa malòòlò, anyi cintu kampànda cikwàbò, kwà Mwanèètù Groomer kwàka. Ne ndi ngèèla meeji ne yèyè nguvwa mubaabànyinetù makèèlèlè dilòòlò awu. Kacya ncìvwakù mubàbìikile to. Ncyèna. . .Ngèèla meeji ne yèyè mmubaabànyine cyàkàbìdì dilòòlò edi. Ncyèna mumanye ní mmwabànye anyi ní kì mmwabànye, kàdi twànjìbi ànu kubiikila tùmwè twà ku twartà atu. Mwanèètù Groomer ewu ùdi kaaba aka anyi? Groomer? To, to. Groomer. Ùdipù anyi? Tuvwa babangìle penyi? Babangìle ku nombà. . .Tuvwa babangìle ku nombà umwe, kuntwaku anyi?

260 Makèèlèlè dilòòlò, katùvwà ne twartà twà disambila to. Tudi. . .Nyumà Mwìmpè ùvwà muye ànu buludì mu batèèleji amu e kubiikila bantu. Nudi banangè aci anyi? [Disangisha dìdi dyàmba ne: “Amen.”—Muf.] Mémè pàanyi, ntu muciswe. Ne kuyiisha bikolè mùshindù ewu, bìdì pàmwàpa bìmfikisha ku didikànda naaci ndambù.

261 Ndi—ndi mupèèshe bantu kartà kàà disambila, ndi mwenzèjìbwe bwà kusambidila muntu awu. Kwàjìkì. Twètù katùyì ne dijingulula nànsha òmwè to, abi’s bìdi ànu bìmpè. Kàdi ndi mwenzèjìbwe bwà kusambidila muntu awu. Mwanàanyi wa balùme ùdi wàbanya kartà kàà disambila, bìkèngela bwà mémè—mémè kusambidila mwìnè muntu awu. Kwàjìkì. Pa nàнку, ndi—ndi ndyumvwa mùshindù awu. Nèncyènzè, Nzambi mwà kunkwàcishakù. Kumpàla kwà mémè kuumuka mu ditùnga emu, nè—nèngènzè nàнку.

262 Mpindyewu, katwèna mwà kwangata ntàntà mupitèpìte bule to. Tùmonèbi, tudi babangile ku umwe too ne ku makùmi àbìdì ne ìtaanu, ngèèla meeji ne ke mùvwàbi, dilòòlò adi. Èyowà, umwe too ne ku makùmi àbìdì ne ìtaanu. Ndi . . . Mwanèètù Groomer, udi kaaba aka anyi? Mwanèètù Groomer? Ncyèna nshindumuna aci mu cyòci to. Kàdi ndi ngèèla meeji ne mmu cyòci. Ùmwè . . .

263 Èè, tùbangilàayi ku mwaba mukwàbò dilòòlò edi. Tùbangilàayi, tùbangilàayi ku makùmi mwandamutekète ne ìtaanu, pashìshe, too ne ku lukàmà. Udi ne kartà kàà disambila kàà nombà makùmi mwandamutekète ne ìtaanu nganyi, èlè cyanza cyèbè muulu. Tùmonèbi ní . . . Èè, ncyà bushùwà. Abi's mbìmpè. Èyo, lwà kùneeku, inàbànzà. Makùmi mwandamutekète ne ìtaanu, makùmi mwandamutekète ne ìnaayi, makùmi mwandamutekètè ne- . . . ànu makùmi mwandamutekètè ne ìtaanu cyanàànà. Mpindyewu makùmi mwandamutekète ne isambòmbò, makùmi mwandamutekète ne mwandamutekète, makùmi mwandamutekète ne mwandamukùlù, makùmi mwandamutekète ne citèemà, makùmi mwandamukùlù, makùmi mwandamukùlù ne ùmwè, makùmi mwandamukùlù ne ìbìdì, makùmi mwandamukùlù ne isàtù, makùmi mwandamukùlù ne ìnaayi, makùmi mwandamukùlù ne ìtaanu, makùmi mwandamukùlù ne isambòmbò, makùmi mwandamukùlù ne mwandamutekète, makùmi mwandamukùlù ne mwandamukùlù, too ne ku lukàmà. Bàlwe mwab'ewu. Billy Paul ùdi penyì? Numfwilèku luse. Èyo. Ndà, pwekà kuntwaku. Baawìsiyé bàmwàcìshèku too ne pààbwelàbo mu mulongo wà babèèdi.

264 Mpindyewu, nwènu bàdì bashààle, ànjì ntàngilaayibi katanci kakesè. Èyowà. Nudi baMunange anyi? Twìmbàayi bitùlùbitùlù, ne kalolo kwònsò, katanci kakesè cyanàànà, pàcìdì bàmwè bàà ku nwènu bânà bèètù baawìsiye nupweka kuntwaku apu. Kaa, twasàkidilaayi. Bàdì naayi, kuntwaku, pa nàнку yìdì . . . Pa nàнку milongo kayààkubwelakana to. Ndi muswè kusambidila bantu aba. Pashìshe, mààlabà, netùsambidilè pàmwàpa babèèdi ànu mùshindù ùmwèùmwe awu, ànu nàнку ànu nàнку, too ne pààtwàdìjì mpungilu awu. Nènku mèmè . . .

265 Pàmwàpa Mwanèètù Roberts ùdi mwà kwenza mulongo wà babèèdi kuntwaku, yèyè pèndè, lwà ku—ku mwaba awu. Mvwa ndyàmbidila pàmwàpa ne twètù kwònsò pàmwè, ewu elu luseke, ne ewu ku lukwàbò. Kàdi ncyèna—ncyèna mumanye ní wànyisha aci anyi to. Ncyèna muyiikile nendè to, ne mbìmpè bwà mèmè kuyiikila nendè dyàmbedi, nudi numòna's. Mwanèètù Oral mmwanèètù mulenga, mmusadidi mulelèlè wa Kìlistò. Ne yèyè ùvwa mufwànyine kwikala mudipwekèshe bikùmbàne bwà kucyèenza, kàdi mèmè ntu ànu ngumvwa bibì bwà kudìkùpamù ne muntu wa mùshindù awu, nudi numòna's. Pa nàнку ndì ànu pàmwàpa mwà kucilekela. Èè, bu yèyè mwà

kungambila, bu yêyè mwà kundomba ne: “Mwanèètù Branham, lwà unkwàcishèku,” ndi mufwànyine—ndi mufwànyine kwikala ne disànkà dyà kwenza nànkù. Kàdi, mpindyewu, yêyè ùtu mwanèètù mudipwekèshe ne wa kalolo kàà menemene. Ne bu yêyè mwà kundomba bwà kucyènza, mèmè, mu bushùwà bwà bwalu, ndi mufwànyine kucyènza. Kàdi ndi muswè bwà yêyè àndòmbè, dyàmbedi, nudi numòna’s. Mbipiciibwe ne mèmè ncìyi mubwele dîyi to. Mpindyewu, kanùmunungànyijidìbu to. Lekèlaayi ànu—mulekèlaayi àndòmbè, dîbà adi ndi mumanyè ne mbîmpè. Nwamònu anyi?

<sup>266</sup> Kàdi mpindyewu—mpindyewu netwikalè mwà kumòna. Mbanganyi bàdi bàngata.. Èè, mpindyewu, tùmonebi. Mbûngì kaayi bwà twartà twà disambila bùdi mu nzùbu emu? Tùmoneàayibi byanza byènù. Kaa, kùdi bakwàbò búngì buvùmvùke, pàmwàpa makùmi àtaanu masàkidila. Makumi ànaayi, makumi ataanu makwàbò, pàmwàpa. Kaa, èyowà’s, pàmwàpa makumi àsàtù makwàbò. Èyo. Mpindyewu netwikalè ne—netwikalè ne. . .

<sup>267</sup> Netùbàpetè. Mpindyewu tudi. . . Ikala wêwè ànu mukwàte kartà kèèbè aku, pawikalà kùyi mubiikidìibwe to. Nwamònu’s, tudi dîbà dikumi ne tusunsa dikumi, ne ndi—ndi muswè bwà nwikalè mu kàlaasà kàà Dyàlumingu mu dindà. Nènku pàmwàpa màalabà, mutùdi ne masangisha njila yibidi, tudi bafwànyine kwamba kujikija twartà twònsò tutùdi naatù dîbà adi, nènku pashìishe—pashìishe tubangulula bwà mu òmwè mu dindà kàbidi.

<sup>268</sup> Tudi tusanganyiibwa mwaba kaayi mu òmwè dilòlò? Kaa, tudi tupweka, twàmbè ne, ku Tucson. Kanwikadi nwàlwa kupwà mwoyi bwà kulwa ku Tucson mpindyewu, ku mpungilu kuntwaku to. Kùdikù muntu kaaba aka wa ku Tucson anyi? Èyowà. Bushùwà’s. Mu citùpà cyà budimi bwà buloba, cyà bushùwà, bìwva bikèngela wêwè kwikala wa mwòmò amu. Mwanèètù Carl Williams neàngaase cilumbu bwà bwalu abu, òmwè dyà ku matùkù aa. Pangàakalwa mwab’ewu bwà musangu wà kumpàla, bìwva bimenga biimànyinàngàne, ne ndi mòmòna ne ke mùcidibi ànu’s.

<sup>269</sup> Ndi mwibidilàngàne naaci. Wetù ndundu, ndundu wa byanza, anyi cisùmbù cyà ndundu wa tubòndo wa kwètù kumbèlù, wa bimenga bìdi biimànyinàngàne abi, Jeffersonville ne New Albany, kaa, ekèlekèle, ekèlekèle, ekèlekèle’s! Yòyòyò! Kwòkù kupita dilòlò dyà kadìyi ne mvità búngì cyanààna to, pàdiku dinaya dyà ndundu, dîbà adi ncyènà mumanyè kùvwàbi mwà kwikala to.

<sup>270</sup> Bàdi ànukù ku musangu ne ku musangu, ndi mumanyè, mu Tucson. Kàdi Phoenix wàlu kupita Tucson ku bunène misangu yàbúngì, ngèèla meeji, bwalu ndi. . . Tucson, ncyèna ngèèla meeji ne ùdi cyàbisàtù cimwè cyà bunène bwà Phoenix ebu to. Kàdi. . .

271 Netuye kuntwaku, bwalu bàdi ne bàmwè bantu bîmpè, ne bàà cijila kuntwaku, ndi mutwishiiibwe. Kwônsò kúnkaadiku muyàâyàye pa buloba, mukabwele too ne mu bisuku ne meetu à mu Áfrikè mwàmwà, ntu ànu mbàanganamù. Kaa, ekèlekèle! Ndi njinga bwà mukàjàànyì wàbandakù mwab'ewu bwà kunwimbila musambu awu dilòdòlò kampànda ne: “Mbfùmìne ku Esètè ne ku Wesètè, bafùmìne ku malaba à kulekùle.” Mpindyewu, neàjuuke àdìfindè àpàtuke pangàmì nàнку apu.

272 Pa nàнку, ùdi ùmvwa Mwanèètù wa balùme Rose bwòwà bwà lufù. Mwanèètù wa balùme Rose wàkamba ne: “Mwanèètù wa bakàji Branham ùdi kaaba aka. Netùmulombè bwà ajuuke, ambeku diyì kampànda.”

273 Yèyè kwamba ne: “Mwoyi kumbànda mu mutù mèmè kwamba kufwà.” Yèyè ne: “Mèmè kwinyika mutù paanshì.” Yèyè ne: “Bill, yèyè mwikale mwaba kanà wònsò mu disangisha,” mwàkambayè, “ncyà bushùwà ne nènso komè.” Ùdi ne ciibundu cyà menemene. Pa nàнку, ndi—ndi—neàngaase bwalu abu pangààfika kumbèlu.

274 Ndi ntèkemena ne nwènù bwònsò bansonga...Ndi ngàmba nùнку, kí nne mbwalu yèyè ùdi kaaba aka to. Nudi bamanyè aci's, ne bwònsò bàtù bamumanyè. Ndi ntèkemena ne nsongààlùmè yònsò mu nzùbu emu, pàdiye ùsela mukàjèndè, yèyè neyikale ne kalolo kùdiye, ne nenwikale ne nsòmbelu wa disànkà pàmwè, bu mutùdi mèmè ne mukàjàànyì munda mwà bidimu ebi emu. Kwòkù mushinga kampànda wa kupèsha dikhù dyà Branham, ùpèshaayi mukàjàànyì. Yèyè's ke mukalenge-mukàji awu. Kè cidìye cyà bushùwà. Cintu cimwè ncyà ne, yèyè mmaamù mulelèlè. Kàdi tàngilàayi bìdiye ne cyà kukungamangana naabi, nwamònu's, nènku díbà adi, èè, nudi bafwànyìne—nudi bafwànyìne kushitudiibwa ku cyòci aci's. Mòna's, bantu ku ciibi, muunya ne bufukù. Nènku yèyè ùtu wìmana pankaci pàànyì ne bantu bàlwalwà, nwamònu's, mpenyì apu's, kumbèlu. Pa nàнку aci's mmudimu mukolè wà kacya.

275 Ne Billy Paul mukesè ewu, ntu ngeela meeji, misangu yàbùngì, mvwa mmwela paanyimà nya nendè eku ne eku, pààkafwà mamwèndè, ànu mwànà mukesè wa mu dibòko ewu. Ngàngàbukà Adair ùvwa ne ciibidilu cyà kwamba ne: “Wèwè udi muntu wa pabwèbè.” Nènku mvwa mwà kwenda mpweka ne mùsèèsù, mumwambule, eku yèyè wènda ùdila bwà mamwèndè, ne kuulu kwikale mashika, nudi bamanyè's, mèmè mumwele pa dikaaya dyànyì, nùнку ewu.

276 Nènku ncìyì mfranga mikùmbàne bwà kumulaminyina... anyì kumupetela mùlàngì wa mabèèle mwena diinà ewu to. Mvwa mumupetèle mùlàngì wà Coca mwikàle ne kajìkù kàà cindundu kumutù kwàwù aku. Mvwa mwà kuwèla emu nùнку, ne kuwùlama mu dyàpà, bwà kuwùlama ne luuyà. Yèyè ùvwa mufwànyìne kudila bikolè menemene, mvwa mwà

kufika kaaba kampànda, kumutwà kandundu aku ku mishikù. Kwanji kumulekela wàmwa katanci, kàdi kwaluja mùlàngi awu mwinshì *emu*. Nènku mvwa ne mabèèle mantampàkèène pambidi pajimà, ne bikwàbò byònsò, nudi bamanyè's.

<sup>277</sup> Mvwa kacya ànu mumukwàte, mutungùnùke ne kuya, nudi bamanyè's, kacya mumwambùle. Pàvwa bufùkù bùlwa, ekèlekèle, ekèlekèle, mùshindù ùmvwà mmwimbidiijila bwà kulààlayè, ne kukèba muntu kampànda bwà kulwa kumutàngila pàmvwà nya kasambidila babèèdi apu. Tudi bafùmine ntàntà mule be pàmwè. Ndi ntèkemena ne Yèyè neatùlame mùshindù awu.

<sup>278</sup> Ndi mumumòne makèèlèlè awu, mwambule mwanèndè mukesè wa balùme. Ki mèmè kudyàmbidila ne: “Billy, awu's ùvwa ngwèwè, kwènji ànu katanci kakesè nàka.” Èè, mùshindù awu ke ùdi ùkèngela bwà twètù kwenza, kupàtuka mu njila, ne kupèèsha bakwàbò mpùngà. Dìnà dyà Mukalenge dibèneshiibwè.

<sup>279</sup> “Pàdi ntambwe ùkungula, nwamònu's, ùdi kàyì mwà kuciina nganyi?” “Ne diciinà dyà Nzambi ke cibangidilu cyà lungènyi.” Ncyà bushùwà anyi? Ke cyàkambà muntu wa lungènyi ncyòci aci. “Diciinà dyà Nzambi.”

<sup>280</sup> Mpindyewu, ndi muswè bwà nwènù bàdi mu mulongo wà babèèdi awu abu, biimàne mwaba awu, nwènù bàdi bamanyè ne ncyèna mumanyè kantu nànsha kàmwè pa bidì binùtàngila, elàayi byanza byènù muulu. Muntu ne muntu. Mukalenge mwimpè wa mu Dyulu mwikale Mulumbulwishi wanyi; bwà ku dyànyì pàànyì dimanya mu nsòmbelu wanyi, ncitukù mwanji kumòna nànsha umwe wàbò to kacya bàndela. Bàdi pàmwàpa mwà kwikala baammòne mèmè, basòmbele mu batèèleji mwàmwa.

<sup>281</sup> Mpindyewu, mbanganyi mu batèèleji amu, bàdi bamanyè ne mèmè ncyèna mumanyè kantu nànsha kàmwè pa bidì binùtàngila? Kàdi, nànsha nànkù, wèwè udi usaama, ne udi witabuujà ne, Nzambi, udi mufwànyine kulenga cizemba cyà civwàlù Cyèndè, ne Nzambi mmufwànyine kwakula naanyi bwà kukubiikila, bu mwàkenzelàYe mukàji awu, bu mukàji wa ku cibangidilu awu anyi? Kaa, ekèlekèle! Kabyèna bikèmesha to mùmvwà muyiishe ntàntà mule. Batèèleji bàà mùshindù awu, ne diitabuujà dyà mùshindù awu, bivwa bikèngela kucyènzabò.

<sup>282</sup> N'Inàbànzà ewu anyi? Mpindyewu, inàbànzà nyèyè ewu. Tudi tutuutakeena dilòlò edì bu beenyi, nènku mpindyewu nyèyè ewu mwimàne kaaba aka. Mu bushùwà bwà bwalu, pàmwàpa ùdi ùsaama, anyi ùdi mwà kwikala ne lutàtu lukwàbò kampànda.

<sup>283</sup> Nwamònu's, Nzambi ùtu wènza bintu bikwàbò pa kuumusha kwondopa kwà babèèdi, nudi bamanyè's. Ne pa nànkù... Ne Yèyè mmulayè bwà kukumbaja makèngela ètù wònsò,

makèngela ètù, mîngà misangu kî mbitùdi baswè twètù to, kàdi makèngela ètù. Mpindyewu ndi muswè bwà nwènù kwela ànu meeji, mwaba ùmwè mpindyewu, paùdi uya kumbèlu, anyi ní kùtu kacya mwanji kucibala kumpàla to, nùbale Yone Munsantu 4, bwà—bwà numòne mpindyewu. Mpindyewu, apa, mpindyewu, ncyèna mvùluka. . .

<sup>284</sup> Lekèlaayi ngàmbè eci. Ndi ngèèla meeji ne, mudimu wà bwambi ewu, ùdi ne anyi Yèyè neàmpingàje kumbèlu anyi neàwùbàndishe cipidì. Ùdi—ùdi ànu ùya mutàngile ku cikondo cyà ndekeelu eci. Anyi, ní ùdi ùntùma dyàmwàmwà dyà mbù anyi mwaba kampànda ùtùbo kacya kabàyi bânji kuCyùmwa nànsha. Nwamònu anyi? Kùdi cintu kampànda pabwîpi ne kwenzeka. Nwavùlukaayi ànu cyanàànà.

<sup>285</sup> Nènku, tèelejàayi, mèmè ncyèna musùmbishi wa mikàbà yà mèyi to. Kàdi ndi ne mwanèètù mwîmpè kaaba aka udi munkaci mwà kukwàta mikàbà yà mèyi eyi, ne mwine awu m'Mukalenge Maguire. Ngèèla meeji ne n'James Maguire. Ne wendè—wendè tatwèndè—mwenu, Mwanèètù Sothmann udi paanyimà pàapa wàwa, bàdi ne mikàbà yà mèyi eyi. Ndi muswè, piikale ní nganyi wa kunùdi ne cyamu cyà dikwàta naaci mikàbà yà mèyi. . . Mpindyewu ncyàkwambakù cintu nànsha cimwè pa bwalu abu to, bwalu ncyèna mumaneyèpù kantu nànsha kàmwè to. Kàdi piikalabi ne nukàadikù basùmba mukàbà wà mèyi kùdìbo, sùmbaayi mukàbà wà mèyi awu wà ne: *Bakalenge, Tudi Dìbà Kaayi?* Nuwùtèeleje: *Bakalenge, Tudi Dìbà Kaayi?* Nuwelè nuwùtèelèjè mu disambila, nènku pashiishe nenùtwàdije kunsambidila. Nwamònu anyi? Paùdi. . . Bwalu, neùmone dìbà adi ne—ne mmu lutàtù lukolè kaayi mündi nsanganyibwa pàndi mwimàne kaaba aka mene dilòlò edì. Nwakula pèènu ànu bwà kwikala mu lutàtù lukolè, bu nwènù ànu bamanyè lùmvwà munkaci mwà kutwàla, mpindyewu mene, mwab'ewu mene! Nwamònu anyi? Kàdi ndi ne cyà kutùngunuka. Mucimunyi kàtu ùtùula diyì ùlekela to, ne mutùudi wa diyì kàyaakucimuna nànsha. Ncyà bushùwà. Ndi ne cyà kutèeka mu cyenzi cìntu nuyiishe. Nwamònu anyi? Mpindyewu, mèmè ndi ngiitabuuja Nzambi. Ndi muMwitàbùuje mpindyewu mene.

<sup>286</sup> Mpindyewu, ki pa cishìmikidi mpòpù apa. Mpindyewu, bu ne mvwa—bu ne mvwa Mukalenge wetù Yesù mwimàne kaaba aka, ne mukàji ewu mwikàle ùsaama, nudi bamanyè ne ncìvwa mwà kumwondopa to bu ne mvwa Mukalenge Yesù. Ncìvwa mwà kucyènza to, bwalu nkààvwa mumanè kucyènza. Mpindyewu, mbuganyì bàdi bamanyè ne aci ncilelèlà? [Disangisha didi dyàmba ne: “Amen.”—Muf.] Nwamònu anyi? Cyà bushùwà.

<sup>287</sup> Ùkaadi mumanè kufwila mpèkaatù ne mpèkaatù yònsò luse. Ùkaadi mumanè kwondopa mubèèdi ne mubèèdi yònsò. Ùkaadi mumanè kulongolola Mashi awu ku Kàlvariyò. Mushinga mmùmana kufuta. Byònsò mbifuta. Kàdi cintu cimwèpelè cidì cikèngela wèwè kwenza nkuCìitaba, kuCìitabuuja ne kuCìitaba.



Ne kwêna mwà kuCìitaba paùdi kùyì mwanji kuCìitabuuja to. Nwamònu anyi? Itàbùùjà Èvànjeeliyò.

<sup>288</sup> Mpindyewu, kàdi ambàbi túng bu ne Yèyè ùvwa mwimàne kaaba aka, muvwàle nkooci uvwa Mukalenge mwimpè mwenze ne Mwanèètù wa balùme ne Mwanèètù wa bakàji Williams bānsumble, kùkaadi bidimu bu bitaanu anyi bisambòmbò nānku awu? Kàdi ambàbi túng bu ne Yèyè nguvwa mwimàne kaaba aka bwà nkooci awu, muvwàle nkooci ewu, ne mukàji ewu mwikale mwimàne kaaba aka?

<sup>289</sup> Mpindyewu, bu ne Yèyè ùvwa ne bibangu mu cyanza Cyèndè, nūnku's Yèyè mmwambe ne: "Nudi numòna's, mēmè ki Maasiyà awu. Mēmè. . . Nudi bamòne bibangu anyi? Tàngilàayi pa mpàlà Pàanyi apa." Mpindyewu, mushimakajanganyi kanà yònsò ewu mmufwànyine kwenza nānku. Ncyà bushùwà. Kanwèna bafwànyine kuMumanyina ku aci to. Ne bu ne Yèyè ùvwa mwimàne kaaba aka mùshindù awu, mvwa mufwànyine kumanya ne kí n'Yèyè to. Mvwa mufwànyine kumanya ne kí n'Yèyè to.

<sup>290</sup> Bwalu, pààlwàYe, mpungi neàdilè. Netwikalè. . . Yèyè kàadyàkudyatakù mene pa buloba to. Netwàngaciibwe muulu mu mpeepèlè, bwà kutuutakeena Nèndè. Nwamònu anyi? Tudi tuMukwàcila mu mpeepèlè. "Twètù bàdi ne mwoyi ne bashàale netwàngaciibwè muulu pāmwe naabò, bwà katwilangana ne Mukalenge mu mpeepèlè." Yèyè kàadyàkudyata pa buloba to. Tudi tutwilangana Nèndè mu mpeepèlè.

<sup>291</sup> Kàdi mpindyewu, Yèyè wākamba ne: "Nèngìikalè neenù, too ne ku ndekeelu kwà buloba. Ncyadyàkunùshiya anyi kunùlekelakù to." Yèyè ùdi mwà kwikala munyi? Mwoyi Wèndè. Dìbà adi, bu Mwoyi Wèndè mwà kwikala munda mwànyì, nēnku dībà adi ndi mufwànyine kwikala mMuleeja ku bantu. Dìbà adi, bu ne bìvwa nānku, nūnku's m'Mwoyi wùmwèwùmwè wùvwa munda Mwèndè awu, nūnku's mmufwànyine kwenza bintu bimwèbimwè byàkenzàYe abi.

<sup>292</sup> Mpindyewu, ki muntu mulùme nyèyè ewu ne mukàji, bu mu Yone Munsantu 4. Wàkatwilangana ne mukàji kampànda. Kacya Yèyè kàvwakù mwanji kumumòna kwònsò eku to. Kacya mukàji kàvwakù mwànji kuMumòna to. Nēnku's ki bwòbò abu biimàne mwaba awu, pāmwe. Ki Yèyè kumwambila, mukàji wa ku ciinà cyà màyi awu, civwà lutàtù lwèndè aci. Nēnku pààkenzàYe nānku, mukàji kwamba ne: "Mukalenge, ndi njingulula ne Wèwè udi—Wèwè udi mupròfeta." Yèyè ne: "Kàdi tudi bamanyè ne Maasiyà awu, pààlwàYe, Udi ubiikidiibwa ne n'Kilistò awu, mbwena kwamba ne: 'mwela maanyi Awu'; pààlwàYe, Yèyè neenzè bintu ebi, ùtwambila maalu aa."

Ki Yèyè ne: "Mēmè ki Yèyè awu, udi wakula neebè ewu."

<sup>293</sup> Mpindyewu, piikalàYe umwèumwè awu makèlèlèlè, leelù, too ne kashidi; pa kuumusha, mubidi wà musunya. . . Yèyè

ùdi ùkwàta mudimu ne mubidi wètù. “Yèyè ki mwonji wa mvinyò. Twètù tudi matàmbà.” Dìbà adi, Nyumà awu ùvwa mwà kwenza cyàkàbìdì maalu ànu menemene mwàkenzàYe pàvwaYe munda Mwèndè. Ncyà bushùwà anyi? Ncìfwànyine kunùfikisha ku diitabuuja anyi? Ambàâyibì ne: “Amen,” bu byòbì nànkù. [Disangisha didi dyàmba ne: “Amen.”—Muf.]

<sup>294</sup> Mpindyewu, inàbànzà, mèmè ncyèna mukumanyè to, ncìtu mwanji kukumònakù to kacya bàndela, ku dyànyi dimanya. Mu bushùwà bwà bwalu, pàmwàpa wèwè ukàatuku mummòne mu mùsèsèsù anyi mu masangisha, ne bikwàbò. Kàdi ewu mmusangu ng’wètù wà kumpàla wà ditwilangana.

<sup>295</sup> Mpindyewu, byòbì—byòbì ne ndyondopiibwa dyùdì naadi dijinga, èè, mèmè, bu mèmè mwà kucyènzà, mvwa mufwànyine kucyènzà, ne bu ne mvwakù ne mùshindù kampànda. Kàdi byòbì ne mbyà mpetu, bu mèmè—mèmè mwà kukwambulwisha naayì, s’mvwa mufwànyine kwenza nànkù. Nènku bu wèwè mwà kwamba, udi mufwànyine kwikala mungà muntu, udi mufwànyine kwamba ne: “Ndi mulwè apa, Mwanèètù Branham, bwà wèwè kusambilakù bwà—bwà mwanàanyi wa balùme, anyi mwanàanyi wa bakàjì, anyi mwanèètù wa bakàjì, anyi papa,” anyi muntu kampànda. Ndi mufwànyine kwenza aci, nwamònu’s, cintu cyònsò cìndì mufwànyine kwenza aci.

<sup>296</sup> Nènku—nènku wèwè mwikàle ne lutàtù lwà kumbèlu, Ndi mufwànyine kwamba ne: “Ndi muswè kutwilangana neebè wèwè ne bàyeebè, bwònsò cyàpàmwè, ne kuyiikilanganaku neenù mwaba kampànda pa kuumusha apa, nudi numòna’s, bwà ngaamòna mwà kwakula neenù bwònsò bàbìdì bwà kumòna ànu menemene mwaba ùdì cilèma cìsanganyiiibwa.” Dìbà adi, pàdi Nyumà Mwìmpè ùbuulula, wàmba ne: “Anjì indilà kakesè. Uvwa mwenze *cikampànda* mwab’ewu pa dìbà kampànda *edi*.” Aci ncikòse bwalu. Kwèna mwà kuvila aci to. Nwamònu anyi? Wàmba ne: “Udi mwenze *cikampànda* lwà apa.” Dìbà adi, dìbà adi ncikòse bwalu, nudi numòna’s. Mpindyewu, udi ubangila mwaba awu mene. Nwamònu anyi? Mùshindù awu, ncidìkòse.

<sup>297</sup> Mpindyewu, nudi bamanyè ne ndi ngàakula neebè mu kiipàcìlà kampànda. Mvwa nyiisha. Nwamònu anyi? Ne pashìishe ndi—ndi ànu ndibwinka mèmè mwinè mu—mu dilaabiibwa bwà cintu cishìilàngàne, nudi numòna’s, bwà kumòna Nyumà Mwìmpè ní wàlwa kukwàta mudimu pambidi pàanyi ne dipà dyà kùdì Nzambi; mbwena kwamba ne, Tondo túbìdì twà mwoyi atu tutèèka pàmwè, cìdì cìmpèèsha ngàsà wa Nzambi bwà kumòna bìkèèna—kumòna, ne kumòna cìdì munkacì mwà kwenzeka, cìikalà mwà kwenzeka, cìkaavwàku aci.

<sup>298</sup> Wèwè udi mumanyè ne mbulelèlè anyi kì mbwòbù. Wèwè udi mwimanè kaaba aka kumpàla kwà bantu bòbò bakesè nnkàmà yitaanu, wamònu’s, anyi bìipacìla apu’s, nkàmà yisàtù,

nànsha bishi. Nwamònu anyi? Nènku—nènku udi mumanyè ne cidi—cidi. . . Wèwè udi mumanyè ne mbulelèlè anyi kî mbwòbù. Nènku—nènku cyôci bulelèlè, dîbà adi's n'Nzambî. Bible mmwambè ne: “Kwòkò muntu munkaci mwènù, udi wa nyumà anyi mupròfeta, ne cidiye wamba ciikàle cyènzeka, dîbà adi numutèèlejaayi.” Nwamònu anyi? Mpindyewu: “Kabiyl byenzèke to, dîbà adi kanùmutèèleji to.”

<sup>299</sup> Mpindyewu, ncyèna ne cingenyinyenyi nànsha cikesè cyà cidi inàbànzà awu mulwile kaaba aka to. Kàdi mpindyewu Nyumà Mwîmpè àlwe ànu cyanààna, bwà tùmònèbi Yèyè ní kèna ùcyàmba to. Nwamònu anyi? Nènku aci cyôci ní kî ncintu cîmwècîmwè cyàkenzà Mukalenge wetù aci's! Aci's ncifwànyine kwikala cyònsò cidiYe mufwànyine kwenza bu Yèyè mmwimàne mwaba ewu mene, bwalu, vùlukàayi ne, n'Yèyè. N'Yèyè. Kî mmémè to. Ncyèna mumumanyè to. Ndi njikula patòoke, ncyèna mumumanyè to. Pa nànkù, bìdi bikèngela ciikale Yèyè.

Mpindyewu, mu bushùwà bwà bwalu, inàbànzà awu ùdi bushùwà ne njiyà milenga yà dikèma mu nyumà wendè.

<sup>300</sup> Kî mbwalu mmwelè cianza cyèndè muulu to. Nwènù bwònsò nuwua mu masangisha, ne babàmòna beele byanza byàbò muulu, bènza nànkù *awu*, ne Nyumà Mwîmpè ùbàbîikila ne ùbàmbila cîvwàbo. Nwamònu anyi? Ncyà bushùwà. Aci kacýèna ne cidici cyàmba to. Nubàtèèleja bèèla mikunda ne bèèla mbila; dîbà adi mene, ubàmbila dyàkàmwè dîbà adi ne: “Udi musòmbe ne mukàjì wa muntu *kampànda ewu*,” mucîmwèna ànu *apa* nùnkù, ne bikwàbò byònsò. Èè, nudi bamanyè's. Nukààtukù babwelèbwèle mu masangisha ne bamòne mùshindù ùdi bintu abi, ne numòna mùdì bintu abi, aci kacýena ne cidici cyùmvwija to.

<sup>301</sup> Kàdi inàbànzà ùdi ùmwènèka mwikale ne njiyà mîmpè mu nyumà wendè. Mpindyewu, inàbànzà awu ùdi ùsaama cintu kampànda cyà cibì. Ndi mmutàngila, mùshindù ùdiye ùdya's. Nyèyè ewu kumpàla kwànyì eku mpindyewu, ku mèèsà kampànda, ne cyàkudyà cyà mùshindù kampànda anyi cikampànda, cyàkudyà cîmwèka cyà pabwàci. Ncyà bushùwà. Ncyà bushùwà anyi? [Mwanèètù wa bakàjì awu ùdi wamba ne: “Ncyà bushùwà.”—Muf.] Nànkù ela cianza muulu bwà bantu bààcimòna. Nwamònu anyi? Mwua mumòne inàbànzà ewu kumpàla kwànyì, munkaci mwà kwenza cintu kampànda. Cyònsò cîvwàku aci, cidi pa mukàbà wà mèyi. Nwamònu anyi? Èyo. Mpindyewu, ànu bwà nwamòna mwà kumanya ne mbwà cinyì. . . Yèyè mmuntu wa maalu malenga.

<sup>302</sup> Tàngilàayi ànu katanci kakesè cyanààna. Mpindyewu Nyumà ùdi munkaci mwà kulaaba. Mpindyewu, bantu bwònsò bàsòmbe mu kaneemu kàà menemene. Tùngunukàyi ne kusambila. Ikàlaayi mu disambila, bwalu nkàadi muCimòne cikwàta mudimu buludì pa batèèleji ànu dîbà adi mene.

Nwamònu anyi? Mpindyewu ikàlaayi ne kaneemu kàà menemene.

303 Tùmonèbi inábànzà awu cyàkàbìdi, ànu bwà kwakula nendè. Cyònsò cìdìYe mukwambile aci. . . Èyowà. Ncyòci eci. Cìdi nku mèèsà. Cìdi—cìdi ndisaamà dyà cìfù. Ne cyenzè bu dīsaamà dyà kīshì anyi cintu kampànda mu cìfù amu. Ngàngàbukà kampànda mmutàngile cyòci eci. Nènku, ambà tūng, wèwè udi mupeté lutàtù elu kùkaadi ntàntà mule. Nènku, musangu kampànda, cyàkatèèdiibwa ne: “Cyùjà, cìdi cijuuka.” Kàdi mpindyewu mmwambe cintu kampànda. Cìvwa ncinyi? “Dila dikesè. Dila dikesè. Dila dikesè,” ndi mumuvmwe wàmba nànkù. Nwamònu anyi? Ncyà bushùwà. Ncyà bushùwà menemene. Dīnà dyèbè m’Mandemwazele McCraw. Ncyà bushùwà. Tūngunukà ne kuya mpindyewu, itàbùùjà ne mwoyi wèbè wònsò.

Udi witabuuja anyi?

304 Paanyimà pàà mumanè kudila mùshindù ewu, musòmbe lwà paanyimà pààpa, mukalenge, nsùlùsùlù yìdi mipàtākāne yūvwà naayi ayi yìdi ne cyà kuumvwa bīmpè bitāmbe kutwādijila ànu mpindyewu, wèwè mwà kwitabuuja. Bidi ànu bīmpè mpindyewu. Èyo, aci ncyàkacyènza. Amen.

Ncinyi cidiye mulenge aci?

305 Muntu mulùme, kupìta bàbìdi lwà paanyimà pèndè apu, mwikàle ne mijilu minène yà mashi mipàte, wèwè mwà kwitabuuja pèèbè, mukalenge’s!

306 Cyàkalengàye ncinyi? Kanwènaayikù mwà kumòna Bukènkè bùdi bulembèlèle mwaba awu abu anyi? Tàngilàayi Kàlaabi kabwicidile *aku*. Ncyèna mumanyè muntu awu to, ncitukù mwanjì kumumòna to kacya bāndela. Itàbùùjà ànu Mukalenge Yesù.

307 Mpindyewu, mwaba kampànda, kùdi mwànà mukesè wa mu dibòko kaaba aka, mwànà wa mu dibòko mwikale ne nshìngù mukònyàngàle. Nyéyè *wàwa*. Ncyèna mumumanyè to. Itàbùùjà, mwanèètù wa bakàjì. Nshìngù wa mwànà awu neòlòlokè, bu wèwè mwà kuciitabuuja.

Ncinyi cidiye mulenge aci? Àlèluuyàh.

308 Kùdi cintu kampànda cikwàbò pa bwalu bwà nshìngù awu. Ndi mucimònè. Mmuntu mukàjì. Ncyèna mwà kumujaalamija to. Èyowà. Mmusòmbe kaaba aka, ùdila mwadi. Māndāmù Riley, itàbùùjà Mukalenge Yesù Kìlistò, nshìngù webè awu neàsàngalè. Itàbùùjà.

309 Ncyèna mumanyè mukàjì ewu to. Ncìtukù mwanjì kumumòna to kacya bāndela. Cintu cimwèpelè cìdi cìkèngela bwà wèwè kwenza nkwitabuuja Yesù Kìlistò. Udi witabuuja nānkù anyi? Ikàlà ne diitabuuja.

310 Ncyèna mukumanyè to, mukalenge. Katwèna bamanyangàne to, bwà ku dyànyì dimanya. Udi witabuuja ne Yesù Kìlistò ùdi

mwà kungambila cìdi lutàtù lwèbè anyi? Udi mumanyè ne ncifwànyine kwikala cilelèlè anyi to, kí mmwômò anyi? Bu wèwè mwà kwitabuuja ne mwoyi wèbè wònsò mpindyewu! Mutùngùnùke ne kuya mu batèèjeji. Udi witabuuja ne mukajèèbè wàwa neàsangalè, yèyè pèndè anyi? [Mwanèètù wa balùme awu ùdi wàmba ne: “Èyowà.”—Muf.] Lutàtù lwà dísù, yèyè ùdi usaama dísamà dyà mèsù. Udi ucìitabuuja anyi? Wèwè kwèna wa múnwemu to. To. Udi wa mu mwaba wùdi màyi búngi cyanààná, mu mùshindù kampànda. Ncimenga cyà ku mwelelu wà màyi. N’Californie, mu Los Angeles. Alùkìlaku; Mukalenge Bowman, ne ùsàngale. Ne Yesù Kilistò neàkusàngàjè.

311 Udi witabuuja anyi? Mpindyewu, nwènú, muntu ne muntu nudi mwà kwondopiibwa mpindyewu mene bu nwènú mwà kucìitabuuja. Nudi nwitabuuja nàнку anyi?

312 Kàdi mmunyi bwà nwènú bàdi mu mulongo wà babèèdi abu, nudi nucìitabuuja, nwènú pèènú anyi? Ikàlaayi nwènú ànu ne diitabuuja, ne kanwèdi mpatà to. Itàbùùjaayi ne mwoyi wènú wònsò, ànu katanci kakesè.

313 Inábànzá ewu, cìndi mumwimànyìkije, mbwalu ùdi mu ngiikàdìlù mubi be. Mukàjì ewu ùdi mwà kufwà dyàkàmwè cintu kampànda cyòci kaciyi cimwenzela to, bwalu mmubwikila kùdi mundidìmbì. Nudi numòna mundidìmbì mufiike ùdi mumubwikidije awu anyi?

314 Ambàayi túng, nudi bamanyè’s, tudi ne mundidìmbi wà lufù mubwikidije bantu, mukwàta fòtò kùdi cyamù cyà fòtò, ànu mùdi Mwanjèlò wa Mukalenge amu? Tudi nendè mulembeleja mu èkèleeziyà wetù; cintu cinène cìdiku, cimweka cifiike, cyenze bu divuba dyà mvùla, cilembèlèle pa mukàjì kampànda. Kumwambilabò bwà kàkwàci fòtò awu to. Ki Nyumà Mwimpè kwambayè ne: “Mukwàtè ànu mpindyewu mene.” È kubàkulabò fòtò, kàdi’s ki yèyè awu’s. Nwamònu anyi? Nseke yònsò yibìdi ayi, kaaba aka. Nyèyè awu mulembèlèle mwaba awu mene.

315 Nwènú bàà mu tabernacle, bàmwè bàà kunùdi bàdi, bàdi kaaba aka abu, Mwanèètù Fred ne bakwàbò abu, cintu cimwècimwè aci ncyòci eci cilembèlèle kumutù kwà mukàjì ewu.

316 Ùdi ne kànsèrè, ncyà bushùwà, kalòndò kàà mēnyi aku. Ncyà bushùwà. Ncyà bushùwà anyi? Elà cyanza muulu piikalàbi ne mbulelèlè. Nwamònu anyi? Mpindyewu mīdimà ayi yàkuya, kakùyì cintu nànsha cimwè cyamba to. Nwamònu’s, ànu diitabuuja dyèndè cyanààná, ke dìdi dicyenzè. Ndààku, wenda witabuuja. Amen. Amen. Kùcyèdiku mpatà to. Ndààku ànu cyanààná witabuuje ne mwoyi wèbè wònsò.

317 Dísamà dyà mwoyi dìdi dīshebeya bantu bààbúngì, kàdi kadyàkukushebeya to bu wèwè mwà kwitabuuja. Amen. Ndààku ànu cyanààná, wamba ne: “Twasàkìdila Mukalenge.” Ndààku ùsangalè. Eyo.

318 Dyabùlù mmuswè kukushiya ne binyoka ebi matùkù èbè wònsò à mwoyi. Kàdi wèwè mwiitabùùje ne mwoyi wèbè wònsò, Yesù Kilistò neàkusàngàjè. Udi ucìitabuuja anyi? Kwàta njila ndàaku, wenda usàkidila Nzambi.

319 Udi witaabuuja ne mwoyi wèbè wònsò anyi? Udi mwà kuya kadyà didyà dyèbè dyà dilòòlò, ne disaamà dyà cifù adi nedikumùke. Ndàaku ànu cyanààna wambè ne: “Mukalenge àtumbè!” Ndàaku, ùMwiitabùùjè ne mwoyi wèbè wònsò.

320 Wèwè pèèbè, uvwa ne disaamà dyà cifù. Itàbùùjà ne mwoyi wèbè wònsò, ne ndàaku, nènku Yesù Kilistò neàkusàngàjè. Èyo.

321 Bwòwà bùdì naabù mbwà cinyi? Udi mutàcishiibwe kùdì dibìnduluka dyà mutù. Ndyambe ànu kukulaminyina paanshi, dyàmbe kukupa ditomboka, Sàtaanà munkaci mwà kukushima. Kàdi kwàjiki mpindyewu. Udi ungiitabuuja anyi? Ndàaku, wàmbè ne: “Mukalenge àtumbè!”

322 Mukalenge Yesù, ndi ndòmba bwà Wèwè kwondapakù mwanèètù wa bakàji ewu ne ùmusàngàjè, mu Dìna dyà Yesù. Amen.

323 Lwàkù, mwikàle witaabuuja, mwanèètù wa bakàji. Mu Dìna dyà Yesù Kilistò, nyèwù mmutentekela byanza bwà dyondopiibwa dyèndè.

324 Lwàkù, mwanèètù wa balùme. Mu Dìna dyà Yesù Kilistò, nyèwù ntentekela mwanèètù wa balùme byanza bwà dyondopiibwa dyèndè. Amen.

325 Mbanganyi bàdì ne mwoyi wà diitabuuja, mwinshì mwà cyanza ciikala mwà kwediibwa kuulu aci? Mpindyewu tentekela muntu udi ku luseke lwèbè awu cyanza. Wèwè udi wamba ne: “Amòsà ùvwa mufwànyine kwamba nànkù anyi?” Neyà bushùwà ne mmufwànyine kwamba nànkù. Aci’s n’Dìyi dyà Mukalenge. Ela cyanza muulu, itàbùùja.

326 Yesù wàkamba ne: “Bimanyinu ebi nebifilè aba bàdì biitabuuja. Bwòbò batentekele babèèdì byanza...” Kì mbambekù mene ne nebàbàsambidile to. Mbambè ne: “Bwòbò batentekele babèèdì byanza, ànu cyanza cibàtentekela cyanààna, babèèdì nebàsàngalè.”

Tùsambilàayi.


327 Mukalenge Yesù, Mfùmù mmukungùle ne Dìyi Dyèndè ne: “Bimanyinu ebi nebifilè aba bàdì biitabuuja. Bwòbò batentekele babèèdì byanza, babèèdì nebàsàngalè.” Mukalenge Nzambi, enzàku bwà démon yònsò elè lubilà. Swàkù bwà bubèèdì bwònsò bùùmukè. Swàkù bwà dyabùlù àcimunyiibwè, ne bânà bàà Nzambi bàpatukè mu nzùbu emu dilòòlò edi mu bucimunyi ne bukolè bwà dibiikà dyà ku lufù dyà Yesù Kilistò.

328 Cìtàbùùjaayi. Neyà bushùwà. Shààla wèwè ànu naaci. Ambà tùng, tentèkà ànu, shààla mulame cyanza cyèbè pa muntu kampànda, wamba ne “Mukalenge, mwondòpèku.”

Ndi muswè nùsambilè. Ndi musambile. Ndi muswè bwà ùsambidilèku muntu kampànda. Wèwè udi—wèwè udi... Udi mwena Kilistò ànu bu mèmè kùnu. Twètù bwònsò tudi beena Kilistò. Mpindyewu sambidilàku muntu kampànda. Yèyè ùdi ùkusambidila.

<sup>329</sup> Mpindyewu, mmunyi mùdiku mufwànyine kujinga bwà muntu kampànda kukusambidilayè? Udi umusambidila mùdi muswè bwà muntu kampànda kukusambidilayè amu. “Enzèlà bakwàbò, mùdi muswè bwà bakwàbò bàkwenzèlè.” Kùtulà ànu disambila, ikàlà ne meeji matòòke, ànu mùdi muswè bwà bàkùsambidile amu’s.

<sup>330</sup> “Nènku disambila dyà diitabuuja nedisùngile mubèèdi awu. Nzambi neàmjuule kuulu. Nènku yèyè mwikale ne bupidyà kampànda, nebàmuumùshilèbu.” Bwà cinyi? “Mfùmù ùdi ùkungula. Udi kàyì mwà kwamba cipròfetà nganyi? Udi kàyì mwà kufila bujaadiki pàdi Mfùmù ùkungula nganyi’s?” Dìyì Dyèndè didi dyàmba ne: “Yèyè ùdi umwèumwè awu makèèlèlè, leelù, too ne kashidi.”

Mwanèètù Fuller, lwàkù. Nzambi àkubènèshè. 

63-0119 Ngenzèlù Wa Maalu Wa Mupròfetà Mulelèlà  
Faith Temple  
Phoenix, Arizona États-Unis

CILUBA

©2024 VGR, ALL RIGHTS RESERVED

VOICE OF GOD RECORDINGS  
P.O. BOX 950, JEFFERSONVILLE, INDIANA 47131 U.S.A.  
[www.branham.org](http://www.branham.org)



## Dîyî dya bwena-cintu

Makenji ônsò tudi badilaminyine. Mukanda ewu udi mwa kutuuciibwa pa mabeji ne cyamu cya kwebe kumbelu bwa mudimu webe wêwê anyi bwa kupeeshangana, kabiya bya mfranga to, bu cintu cya kutangalaja naaci Evanjeeliyo wa Yesu Kilsto. Mukanda ewu kawenaku mwa kusumbishiibwa, kuvudijjiibwa bya bipitepite, kwediibwa mu cibànzà cya lùntàndalà, kulamiibwa mu cikàlwilà, kukudimunyiibwa mu myakulu mikwabo, anyi kulombesha naawu mpetu kakuyi mukanda wa cishimbi-dîyi wa dikwanyishila mukufundila kudi Voice Of God Recordings® nansha.

Bwa kumanya maalu makwabo anyi kupeta bîngà bintu bitudi naabi, anyisha webeje:

VOICE OF GOD RECORDINGS

P.O. BOX 950, JEFFERSONVILLE, INDIANA 47131 U.S.A.

[www.branham.org](http://www.branham.org)